

The Ohio State University



3 2435 00528 8808

PL248A3H371924

Harap mabetler /

001

THE OHIO STATE UNIVERSITY BOOK DEPOSITORY



D	AISLE	SECT	SHLF	SIDE	POS	ITEM	C
8	05	37	24	8	02	027	0

غرائب

OHIO STATE
UNIVERSITY
LIBRARIES

ظالمہ اُرب

خواب معبد

ایک نئی طبی

ناشری
اقبال کتب خانہ سی صاحبی
حسین

۱۹۲۹ - ۱۳۴۲

[اور خانہ مطبعہ سی]

خالد ارب

غراب معبد

ایک نئی طبی

ناشری
اقبال کتب خانہ سی صاحبی
حسین

۱۹۲۴ - ۱۳۲۲

[اور خانہ مطبعہ سی]



خراب معبدلر

چو جوقلق معبدمز ! سحابه لرله مزین مائی قبه سی ، روحمزك
بوتون تضرعلرینه تیره یهرك ، پیریلدا یارق آشنا چیقان ییلدیزدن
قتدیللری ، الم و امیدلریمزى قانادلرندە طاشیان ، عوالمه نیتنى سویلیهرك
بوسلقلى بی آرام طولاشان روزكارلری ، نهایتسز یشیل اورمانلردن
دیركلری ، انکین دگیزلرك چاغیلتیسندن آهنگدار الہیلری اولان
معبد ! چو جوقلق معبدمز !

بوتون چیچكلر ، بوتون آغاچلر ، بوتون قایالرله قونوشدیغمز زمان ،
بوتون بوجكلر ، بوتون قوشلرله برابر طاپیندیغمز مقدس یر !
سنك بلیغ ، سنك بوتون تحولات روحیه مزه مقابله ایدن بر
لسانك واردی . هیچ بر معبد طاوانی سنككى قدر براق ، مائی دكل ؛
هیچ بری بو قدر آهنگ مطاق ایله ، زمینی اوزوندە رنكلری او قدر
شعشعه ، او قدر نزاكتله تجلی ایتدیرمز . هیچ بر معبد سنك قدر
واضح ، سنك قدر عظمت و قدرته غضب الہی بی رنكلرك اكمظلمی ،

سسارڭ اڭ مدهشى ايله افاده ايتمز. هانكى معبدك ديوارلرى آراسنده
معبودك وارلغى بويله ضيادار، مدبدب برعالمده ينه وارلغمزك ذراتنده
چيرپينان، غليان ايدن لذت حيات ايله حس ايتدك !

كيجه متبسم ، ساكت قنديللريڭك سايه سنده ، يورغون كائناتى
ديڭلنديرن نيم مظلم ، مبهم ضيالركله اويوديغمز ، كوندوز فضايى
ايصيتارق ، تنوير ايدرك بزي دراغوش ايتمه كلن نورلو پرتولركله
اويانديغمز زمان دائما دعا ايدردك ؛ نچين و كيمه اولديغى بيلمهدن
ساده حس حياتمزله ، هراوفاق حر كتمزله طاپنيردق. بوقدر صميمى ،
بوقدر شديد برياشايش ، يالكرز ياشامق حظ طبيعىس اچون ياشايش ،
پرستشك ، ايلك شكلى دكلى ؟ بوندن دها طوغرو بر طبيعت پرستى
اولا بيليرمى ؟

بو كوزل معبدك اورتاسنده يڭى اويانان حس حياتله بوتون
وارلغمزى تهيز ايدن بدايى روحمز اچهرك غير اختيارى بر بهوشى
اچنده اكيلير ، سجده ايدردى .

ايلك معبدم ! چوجوقلق معبدمز ! قاچ سنه سنك قبهك آلتنده
ديز چوكدم ؛ قاچ سنه سكا طاپندم. دها صوكرالرى اوتكى معبدم
برر برر باشمه ييقيلدغى واونلرك انقاضى آلتندن ابدى بر احتياج
هيچى حس ايتديرن روحده او ايصسزلق ، قلمده او كسل وفتور
ايله چيقديغمز زمان دائما سنك قنديللريڭك ديڭلنديريجى ايشيقلرينه
التجا ايدردم.

فقط سنده اوته كيلر قدر جانسز وصامت اولدك. قنديللرك روحه
آشنا دكل. كوكلريڭك آرادىغم اه ايله ارتباطى يوق . روزكارلريڭك

ترانه‌سی نینى دكل ، عجز مزله اُكله نن ، قولوبه‌لری ییقان ، سایه‌دار
 آغاچلری ده‌ویره‌ن کور بر قدرت ! صولریڭڭ موسیقیسی الهی
 دكل، معبودینی آیارایان یتیم انسانیتك آوازهُ یأسی ، آرتق صیغیناجق
 یری اولمایان بشرک عکس صداسی ! سن ده خراب اول ! قندیللرڭ
 سونسون ، اورمانلرڭ یانسین ، ده‌گیزلرڭ قوروسون ، روزکارلرڭ
 ساکت اولسون، مزهر ، معطر گوشه‌لرڭ قیزغین چوللر کبی بیابان
 اولسون، سن ده قارانلق، ویران برعالم اول ! ایلك معبدمك خرابه‌سی !

.....

صاریشین ، قومرال ، اسمر عشق خیاللری ! هیمزڭ یاپدیغمز

فانی معبدلر !

اونه مزهر ، ضیادار ، معطر بر معبد ایدی . او ناصل شفاف ،
 بلور قبه‌سندن بوتون ییلدیزلری ، بوتون رنک‌لری کوزلش‌دیره‌رڭ
 عکس ایتدیریردی . او بلور دیرکلرنده عکس صدایاپان زمزمه‌لر
 خیالک یاراتدیغی ابدیاً بر برینی سهون قلبلرڭ ترانه‌سی ایدی . او معبد
 باشلری چیچکلی ، دوداقلری متبسم ، روحلری اڭ صاف بر عشقڭ
 وجدیله طاپینان کنج‌لر ایله طول ایدی . دائماً محرابده ، قوللری
 آچیق ، بیاض دوواغی آلتده سنه‌لر کچدکجه چهره‌سی صولان ،
 کوزلرینه حزن یرلشن کنج قیزی کوروردم هیچ بر وقت
 کلمه‌جك اولان روحنك أشنی بکلین بدلا قیز !

اونڭ أشنی معبدك قاپیسنده چامورلره کومولو براقدم . بلور
 تصور ایتدیکی جام قیریقلرینی باشنه ییقدم . بر دها کورمه‌مك ایچین

اڭ سياه ، اڭ قالين بر اورتو ايله خرابه سنى اورتدم .
 اڭ بهوده ، اڭ كولونچ ، اڭ يالانچى اولان معبد ، عشق معبدى .
 بربرنى دعوت ايدن ايكي كنج كوزلردن مطلقا برينك قعرنده خيانت
 كورورم . بربرنى صيقان ايكي صيجاق اڭ برى مطلقا اوتە كنى
 آچالتير ، سوروكلر .

چوجوقلق ، دين وعشق ايله آرامده بويله ييقيق ويرانه لر براقارق
 دائما ايلرى ديه ، سودكلىرىمى آرقاده براقارق ، افكارڭ ، احتساساتڭ
 يالانچى افقلىرىنه طوغرو بوقدر مدهش بر سرعتله بنى آتان بوحيات
 يولنده اڭ چوق صراق ايتديكم باشقالرينڭ معبدلرينڭ قايسىڭ
 آراغىدىن باقمق ! فقط باقه باقه اڭ قالين پرده لرى كچن كوزلرم هريرده ،
 بوتون قىلبلرده معبد خرابه لرندن باشقا برشى كورميور . حكمانك
 يتيشه مدكلىرى علوم ، شعرانك افاده ايدە مدكلىرى ، بىستە كارلرك ترجمه
 ايدە مدكلىرى آلام بشريه دوستاق ، عشق ، دين ، افكار ، بوتون تجليات
 بشر نهايت خراب اولان برر معبددر . دماغ وقلب خرابه لرى !

بورغاز ؛ ۲۹ مایس ، ۱۳۲۴

روح متحجر

تقسیم باغچه سنك قارشىسنده، تعليمخانه ديوارينه آرقه سنى دايامش،
اللارىنى آرايه كورولتولرينه، انسان آلايلرينك قيميدانيشنه طوغرو
دائما اوزاتير. اللرينك اوجندن اوتەسنه باقايلىك ايچين جسارتدن
فضله برشى لازمدر. عجيب بر صارى ايله مستكره مختلف قيرمى
ات ييغينلردن مركب آغزى، بوروبسىز بر انسان چهرەسى، ياخود
بر روح ماسكەسى! صوكرا بوييغينلرك اورتاسنده قوجامان، يوواردلاق
سياه، سونمش بر كوز وار.

ادامە حيات ايچين ظلمتلرك آراسندن كندينه ياقلاشان خيشيلتيلره
طوغرو اوزانان بوانسان اللرنده اويله آجيتيجى، مدهش بر معنى
هيچى، اويله يامان بر استهزاي قدر وار كه بالا اختيار هر زمان باشمى
چويرير، باقارم؛ فقط هر دفعە سنده بنده باشقەلرى كى استكره ايله
قاريشيق مبهم بر قورقو ايله ايلريلرم.

كونشك آچيق توالتلر ايچندن اوقشاديني لطيف باشلرك حركتى
كوردون آغاچلر قارشىسنده، توزلويولده قوشوشان ميني ميني ياوردولره
دكل، يورغون اتلره بيايه صاريشين ضياعى، بويوك صيجاقلنى ايله
يكي حظ حيات ورن بوضيادار عالمك تا اورتاسنده ابدى بر برودت،

نهایتسز، عادتاً طوتولور بر قارانلقده اوطوران بر دیلنجی عجا نصل
 بر قدرتک تجسم ایتش برکابوسیدر؛ بوتون کوزلرک ضیالردن، بوتون
 وجودلرک حرارت تماسندن مردود بوخارق العاده یالکیز مخلوق،
 عجا نه مقصد ایله بویابانجیلر آراسنه آتیلمش، اونلرک حیاتلرینه اشتراک
 ایتکسزین یاشایور؛ بکا کلیرکه بو، بنی نوعنه یابانجی اولان بروجودک،
 عالمک بوتون معنای ذوقندن، کرداب فلا کتندن اوزاق بر روحک
 دور تکاملنک ناصل اولاجغنی آ کلامق ایچین بر تجربه قدرتدر!
 خایر! بوطن صمدانیتی کوچولتور! اولاماز. فقط ابدی بر استفهام
 اشارتی کی بوشلغه اوزانان بواللرک وارلغی ذاتاً صمدانیتی کوچولتمز می؟
 یابومعطر کنج و جودلرک بواوزانان اللردن خشیتله اوزاقلاشمه لری،
 چوجوقلرک قاجیشمه لری بورو حی صیقه صیقه تحجر ایتدیر میور می؟
 طوندور میور می؟ بن حس ایدیورم: اوت، بواللرده کی معنای کدری
 تضرع مدهشی سزیورم! بوا کمک دکل تماس دیله نیور؛ بوسسدن،
 حر کتدن محروم، محبوس روح بالواریور؛ یاواش یاواش تحجر ایدن
 روحنی قورتارمق ایچین اوافق بر تماس بشر دیله نیور. اوت! بن
 سزیورم که یوللره طراوت، کنجلمک صاچارق بوسیاه نقطه مدهشه دن
 قاچان آچیق توآلتلر ایچنده بر نرمین ال، او دیله نن، او قدر صامت،
 فقط او قدر مدهش بر معنا ایله اوزانان اللره یاواشجه طوقونسه،
 بر دامله صیجاق باش او اللره دوشسه، بومتحجر، منجسد روحک
 یوزلرینی پارچالامق ایچین مجادله فوق الطبیعیه سنی، او مستکره ات
 ییغینلری اوزرنده فرق ایده جکم؛ سونمش سیاه نقطه دن، بوتون او
 اوزون، صوغوق محرومیت زهرلرینک، توزلو یوللره آقیدیغنی

کوره جکم . فقط او اللره ايکي مترو ياقلاشنجه او عمومي خوف
واستکراهه مغلوب اولارق ، او اللرك معنای استرحامی يکانه بن
آکلامش اولديغم حالده اونی جوابسز براقارق قاچيورم .



ضيا ، حرارت بو کورولتولردن چکيلديکي ، انسانلر حرکتدن
قالديغي ، بر آغير ظلمت آلتنده بوتون وارقلر سکونته دالقلری
بر زمانده مظالم بوشقلارك اک کشيف یرنده ، کندیمی تقسیمده کی
دیلنجینک شکلنده ، خایر ، تقسیمده کی دیلنجینک هویتده بولورم .
بن ده عینی معنای استرحامله اللریمی مظلم بوشقلره اوزاتیر ، صوکره
بوابدی جوابسزلق قارشیدنده روحک یاواش یاواش تحجرايتدیکی
حس ایدهرم . اودت ، او دیلنجینک کونشدن ، انسانلردن ایسته دیکی
شیئی بن حقیقتدن صمدانیتدن ، ابدیتدن ایستر ، اونلردن ، اوفاجق
بر تماس ایچن بیکلرجه سنه طونارق ، تیره یه رک ، ظلمتلرده دیلنمکه
راضی اولورم . فقط او دیلنجیدن انسانلری قاچیران مادی مستکر هلکک
معنوی برشکلی ده بلکه بن حقیقتدن ، ابدیتدن ، صمدانیتدن اوزاقلاشدیرر
ایشته بو فکر ایله شبهه و ترددلریمک ظلمت برودتنده او دیلنجینک
روحي نبی روحده کی استرحامک ابدیاً جوابسز قاله جفی حسی ایله
یاواش یاواش مظلم بوشقلرده روحم تحجر ایدر .

ای آنا طوپراغی !

چو جوقلرک ، فلاکت سولرینک اگمظلم دریندیکلرندە بوغولپور ؛
روحلری ، شرحە شرحە یورکلرندن قان صیزارق صولک دفعە سئک
قارانلق ، سئک یوموشاق سینە کدە طوپلاندىلر !

آچ کوکسکی ، ای قارە طوپراق ، اک خردە طاشک ایچین لیمە
لیمە یارەلریلە یئە دشمنی سئندن اوزاق طوتان شەداکک ، قهرمان
اجدادیمزک یانئدە بزە یر حاضرلا !

آق صقاللردن اکمعصوم تورک یاوروسنە قدر بوتون چو جوقلرینک
عمیق روحلرندن سوزولان آجی یاشار سئک متروک ، سئک قوراق ،
سئک منسی قایاجقلرینی ایصلاقمغە کافی دکلی ؛

بزە دارغینمیسک ، ای آنا طوپراغی ؟ سئنی چیکنە یوب کچن
آیاقلرک ، سنی یارالایوب ، طیرناقلایوب تلویت ایدن حیدود اللرک ،
سئک کیمکلرنگی کیرن خائئلرک سیئاتنی بومردە ، بوکناە نسلدن صورما!
ای مائی دالغەلر ایچئدە اویویان آنا طوپراغی ! جبالکک نازلی
خطوطی ، مور کولکەلری ، آفاقکک روئیامسی ، تولسی سبسلری ،
مهاکک پنبە ، ایجی سحرلری ، بولوطلریکک دابر ، نازنین رنک

یغینلریله بزی یتیم براقوب هانکی یابانچی آرزولره دوغرو قایورسک؟
یوموشاق ، وفا کار سینه کک آلتی یوز سنه لک چوجوقلرینی نره لره
فیرلاتیورسک؟

سنی نه محتشم روماء نه فیلسوف یونان بزلر قدر آتشین، وفا کار؛
اولوملره قدر سوه من وسومه مشدر؛ وهیچ برملت مستقبیلده ...!
تورکلکک اڭ وجد آور خشوع وتضرعی، تورکلکک اڭ منز
آمال واستغراقی اوستکه تیتره تورکلکک یاشار، اولور، ازیلیر، ایگلر
هپ سنک اوزرگده !

کیم بیلیر نه درینلرله قدر حمیرک تورک اولادگدن، قانلرینک
اڭ قیمتدار دامله لرینی سینه گه آقیتان تورک شهدا گدن، اڭ طاتلی آن
وجانی آياقلریکک دینده ویرن تورک عسکرگدن مرکبدر. دها
بیگلرجه سنه سنک کوکسکده اولمک ایچین هر غربتзде تورک آواره،
یتیم وارلغنی، یورغون، سرسر کیمکلرینی سکا کوممکه سوروکنه جکدر.
بو خطرناک کونده سنک ایچین اولمش اولمق مکافات ابدیسیله
قهرگده دیکلنه ن تورکلرک شانلی فاتحلری نرمن روز کارلرگده، افقگی
تهدید ایدن قاره کولکه لرده طولاشیور! برکتله حس اولان صوڭ
فدایلیریکک یوکسک جههلرینی ماضینک انکینلرندن کلن صامت،
وقور، معظم ارواح قانادلری اوقشایور! اکر یاشارسه ق آرتق
یالکیز سنک ایچین در، فقط یورکلریمزک اڭ انجه عبودیتلری دشمن
ایله پارچالاناجقسه یاشامیالم، هپمز ابدیاً قاره طوپراقلرده دیکلنه لم.
ای آنا طوپراغی! بشیکده یوکسلن معصوم باشلردن مزاره تمایل
ایدن کهنه بللره قدر وبوتون چوجوقلریکک هویتلری سنی تهدید

ایدن برکون ایچین قانلی صیزیلرله بری برندن آریلیر ، اولومک قدید
یوزینی مونس کورورلر .

ای کمالک ، مدحتک آناسی ؛ فاتحک ، سلیمک مزاری ! سنک
پاک گوشه لریگه ، نزیه محرمیتگه حرمتسز آياقار باصاجقسه ... بزهیمنز ،
بویوک انوریمز ، بهادر نیازیمز ، آرسلان اردومزله ، قادین ارکک ،
یتیمهدک یتیملریمزله ائسیاه ، ائدرین قعریگه کوچه لم ! فقط یوموشاق
کوکسکده دشمن طیرناقلری حس ایدهمیه جک قدر بزى کیزلی
درینلک لریگه کوم ! خایر ، سن اکر آنامز اولمقدن قاچاجقسه ک ،
سندده بزمه برابر کوچ ؛ سرای طاملرک ، اولو قبه لرک ، اسرادلر
اورمانلرک ، حتی مائی کولکه لرکله کوچ ! قعر ارضک ائ قارانلق ،
ائ اوزاق قویولرندده اویو ! نه انسانلرک خاطره سندده ، نه کتابلرک
قاره یازی سندده نام ونشانک قالسین ! سینه گده سنک ایچین روحاری
برحظه دیدیکلنمکدن قالمیاجق چو جوقلریکک قدیدلرندده صیزاجق الم
قانلریله ، کول اولان معموره لریکک خرابه لریله ، هیمزله برابر یوقلغه
قاریش !

سلطان عثمانك سلامى

— اوچنجى اوردويه —

بويوك ، اولو عثمانك قورومغه باشلايان يشيل يوردنده ، قارلى
طاغلك اكيلدىكى خوش اوواسنده نوردن بر كول كوردم ... صباح
يىلدىزلرندى دو كولن صولغون پىرىلتىلر ك باتدىغى ، شفق بولوطلرىنىك
خفيف بر حمىرته تلوين ايتدىكى ، ايلك ضيانك بر انجى بياضغيله
جلالادىغى بورا كد صولرك اوستىده مديد ، بر سكوت حكىمفرما
اولان بوسماوى ايشىقلره خطاب ايدىوردى .

بونور كولى بشقه بر تجلى يەده معكس ايدى : بوبر سراب بو آزاد
ايدىلرله آزاد اولان چهرەلرك سىرابى ايدى .. روحلىرى ، شىكلى
بىلمدىكمز يىگى برسودا ايله مەتىز ، كوزلىرى يىگى كوردكلىرى بىراقى
كشاده ، آللىرى يتىشىله مدك بر علويت ايجىندە پارلايان بر نور ايله
چىرچىوەلىمش چهرەلرك سىرابى ... آچىلان ، دائىما آچىلان انكىن
بويوكلكلردە بىلىكى غائب ايدىلرك سىرابى ! بوتون ذوات معنويه مزك
صوك آن احتضارندەكى حساسىتى ايله ، بوتون اسرار صمدانىتى
روحك ايجدىكى ايلك آن استغراقده بويوك عثمانك مزارىنە معطوف انظار !

ديوارلارنى صارماشيقلىر بورومش ، طاوانلرى اورومچكلنمش
اومعظم مقبر ، بوكون آغزىنى آچارق صاصيلمش ، خيرپالانمش اولان
عثمانلىلار كىمنى ، عثمانلىلار كى باباشنى ، وطنك اوچىنى مؤسسلىرىنى
كوسىتمىدى .

بوسه اووالرىنى ناظر تپه چك معطوف انظار ، اونی جسامت
طبيعىه سندن دها جسيم اولان وجوديله كوردىر ! عصرلردن برى
باشمىزك اوستنه اوزانمىقدن يوروليان اوزون قوللرى ، بياض كفتك
اوستنه اوزانان بياض صقالى ، اعماق آتيمز دالان درين سياه كوزلىيله
كنديسنى ملاقى اولان ملتك روحنى سلاملايوردى .

بوسىده اوزون قهرلرمىزك ، قىلارمىزك بر كوشه سىندى هزىمى
داىما محفوظ قالاچق دلتىرك ، شرف مليمىزى قارارتان سىفالتىرك
براقدىغى مبهم بر حزن ، پايدار اولان فضائليله مايالادىغى چوچقلىرىنىك
اعتلاسنه عائد قوى بر محظوظيت ، استقبالك نهايتىز حدودىنى اوزانان
نظرىندى زمانيله ، موقت موفىقتىزلىكلرله ازاله ايديله ميه چك براميد
وجسارت واردى .

بوسى بوتون آنا طوپراغىمىزى محيط اولاي هواى نسيميدى
منفرداً تيتىردى ، يايلىدى ، باشنى قالدىرمىق اچىن قان دوكن ملتىره ،
قارانلىقدن چىقمىق اچىن چىرىپىنان ، قىورانان ، ازيلن اوردولره قدر
ايشيدىلدى .

بوسى ديوردى كه :

« السلام ! اوچىنى دفعه ملتى اولومك نچى سندن ، بر آووج قالان
ملكى صوك پارچالانمىقدن قورتاران عسكرلرم ! السلام ! كوشىلرى

ویران ، دامری چو کوك معموره نری ، یقیق خرابه لری اعمارہ کلن
 قهرمانلرم ! اللرم له تأسیس ایتدیکم ملتكم مساوات وعدالت [۱]
 اساسلرنی ییقان مخربلری یقیدیگنر ؛ تنزل ایدن قومیتی ؛ آچالان
 اوصاف ملیه نی ، ظلم و تعدی ایله مردلكنی غائب ایدن عرقی یکی
 برقان ، یکی برجسار تله جانلاندیردیگنر .

السلام ! مزارمه قدر چيكنه مکه کلن آياقلى توقیف ایدن یکی
 عصر ! السلام ! طورونم شهزاده سلیمانك سزه آناختارینی بخش ایتدیکی
 بلاددن سزی سورمه یوروی قوته قهرمان کوکسلریکزی سپر
 ایدرک اولومك تا کوزلرینك ایچنه باققدن چکینمه ین اوردو ! طوزم ،
 اكمکم سزه حلال اولسون ! سزی آسیا چوللرینه یالین آياق
 کوندرمه قالقیشان قوللره عصیان ایدرک آياق دیره دیگنر . یقیلمق
 ایسته نیلن بومعظم ملت تمللرینی یکیدن آتمغه تشبث ایتدیگنر . اوهت ،
 حلال اولسون عسکرلرم ، یالکز طوزم اكمکم دکل ، نائمده سزه
 حلال اولسون !

السلام ! عثمانك اڭ موطلو ، اڭ شجیع ، اڭ سوکیلی یتیملى !
 عالمك خیر پالادیغی ، بوینی بوکدوردیکی ، هیچ بر تشبث مردانه سنه
 ال اوزاتوب یاردیم ایتدیکی چوجوقلر ! روح دئاماسزك ایچین متأذی
 ایدی ؛ طوپراغه قاریشان قوللرم سزی قالدیرمق ایچین دئاما عجزندن
 صیزلاردی . عثمانك اسمنه لایق اولان بر ملت باتماز ، باتماز .

۱۱ | برجهه کونی کرمان بکی علی شيرك تبعه سندن برمسلمان ایله بیله جک
 تکفورینك تبعه سندن بر خرستیان آره سنده وقوع بولان اختلافده سلطان
 عثمان خرستیان اهنده حکم ویرمشدی ؛ بو حال برچوقلرینك عثمانلیره التحاق
 ایتلرینه سبب اولدی .

چالشيگىز ، اولادلىرىم ! مىلكى اعمار ، مىلتى بوتون علوم و فنون ،
 بوتون خصائل عثمانيه ايله احيا ايدىگىز. آرتق و ىرمه يىگىز ؛ آقتىلان
 قانلىك ھىوز قورومادىغى معزز طوپراغىك بىرقارىشى ، بىزدىسى بىلە
 و ىرمه يىگىز ! »

كونش طوغىور ؛ سىراب اوزاقلاشىور ؛ اومعظم صدا خفىلە -
 شىوردى . صوك بىر قوتلە كشىشك بىاض شاھقەلرىندە عكس صدا
 ياپان سىس مىزارىك بىلە سوندورىمە جىكى طور حكمرانىلە علاوۋە ايتدى :
 « اونوتمايىگىز ، چىكنە مىگىز ، چوجوقلىرىمىك اىك كوچوك بىر
 حقنى بىلە سىزە ، اولادىم - يالىگىز دكل ، مۇسىلىكىدە ھىان ھىم
 مىسلىك دىيە جىكم - سىزە بوكون طوپراغىم ، دەگىزلىرىم اىك معمور
 كوشەلرىدن اىك و ىران خرابەلرىنە قدر بوتون مىلكىم حلال اولسون ! »

بوزغاد ؛ ۲۶ ، تموز ۱۲۳۴

أللر

آی یوارلاق ، صاری چهره سنك پر تولرینی ارضه صاچیوردی .
سیاه یاپراقلر آراسنده قایان کوموش تللر کیبی اوزون ضیالر ، اوزون
نور خطلری چیزییوردی . غیر منتظم خطلرله تحدیدایدیلن اسرارلی
ده کیز ، لاقید ، ساکت قارانلق کولکه لرله اوزرینه اکیلن ایکی سلسله
جبالك آراسنده اینجه له نوب بوغازه دوغرو اوزانیوردی . یالکیز آیک
نفوذ ایتدیکی یرلرده سطحی یاریلمادن آهنگله قیورلدیجه ضیادار غمزه لر
یاپیوردی . چوقورلرنده کی ظلمت ، دوزلکلرنده کی ضیا ایله ارض
ده رین بر اویقویه دالمشدی . اشیاده کی ساکت ، نائم حالی ، اونکله هم
آهنك اویویان انسانلغك سکوتی اورتالغه مبهم بر ملال ویریوردی .
قوللاریمی آچیق پنجره دن دیشاری چیقاردیم . آقشامدن بری یانان
فکرم سرینلنمك ایستیوردی . فقط روزکار چوقدن ئولمش ، هوا
آغیر وبایغین ، بوتون اشیا کندیسنی بوقدر سکونتله تدقیق ایدن بوشلق
و اونك صولوق کوزلرینك صمت اسرارلی قارشیسنده بیهوش
ایدی . بوتون بو بایغین فضا ده ، حرکتدن قالمش اشیاده اسرار

انکیز ، مخوف بر باصق ، بر تضییق حس ایدیوردیم که بر خفی قدرت
بوکیجه ایشیتیمک ایسته دیکم انکین ماضینک بوتون بکالرینی ، بوتون
اینلرینی صوصدورویور .

اوزون مدت کوزلرم عالمده کی بو فوق العاده کیزلی قدرتی دلمک
ایچون بوتون اشیانک الک خفیف قیپردیسنی ایچمک ایستیوردی .
بردن بره قلم غیرطبیعی بر هر اسله قباردی . روحم اشیایه قاریشاجق
قدر کائناته دالمشدی . و او کائنات بوتون بوشلغی وعالملری ایله یاواش
یاواش قبارییوردی . بوشلقلرده اوزاق بر بیاضلق واردی . ارض
نهایتسز بر زماندن بری کندیسنی ایتن بر قوتله یوکسه لیور ؛ عینی
زمانده ده رین ، عاجز بر اکیلیتی ییلدیزلره قدر اوزون ، مهصر ،
نغماتیله تمادی ایدیوردی .

روحک صوگ بر قدرتیله کورمک ایسته یه رک کائناته نظرم حلول
ایتدی : دهشت بوشلقلر وعالملرده بر بوش نقطه یوقدی که کیتدجه
بلیرن پارماق اوجلرندن بری اولسون . هر یردن بر صاییسز ، اینجه
پارماق اوجلری اوزانیور ، یاواش یاواش نامتناهی کوچوک اللر
بلیریوردی . یاربم ! نیچین بو صاییسز اللر آچیق آووجلریله وار
اولق اذیتندن قورتولمق ایچین یانوارییورلردی ؟ کائناتی بایلتوب
صوصدوران او خفی قدرت بوتون انسانلری ده رین براویقوده بولوندوریور ،
بو مناجات ایدن اللری اونلره کوسترمیوردی . فقط بن ، نفسم طوتولمش
اولدینی حالدده روحده بوتون عمر مده حس ایده جکم بروضوح ایله
بو اللری و بواللرک معنای اشتکاسنی کوروپور وحس ایدیوردیم .
ماضینک تمید اولونمش ایکرنج کمیک بیاضلغیله پارلایان ییغیتلری

آراسنده بو كوناك تروتازه كنج پارماقلىرى ويارىنىك دوغماش
چو جوقلىرىنىك اىپك اللرى هپ بو آغلایان آهنگ الیم ایله قیورانیور،
شکایت ایدیوردی . آه ، بو ماضینك چاتال چاتال چورومش، آچیق
ئولمش اللرى یارینىك دوغماق ایچین یالواران نازك پارماقلىرى، کیمی
وار اولمش اولمقدن کیمی وار اولونمقدن ، کیمی ده حیاتی بيلمك
آجیسندن قاقچق ایستیوردی . بوتون نسویتك کیزلی تالمی که روحم
کیجه کوندوز ، خیالده ، حقیقتده ، حتی اشیا و فضا ده بیله عکس
صدالرینى ، خیاللرینى ، ایکیلیتیلرینی دویمقدن قارغ اولما یوردی .

فقط بن نه قدر ازیلیور ، خراب اولویوردم . بوتون جنسمك
حقیقت سفاالتنك ، فجیعه قدرینك تجلیسی بىلكم و بىلكمك هر حسی،
هرالمی یوق اولویوردی . او آراق روحك اشتراك ایتدیكى یکنسوق،
یوموشاق ، عاشق بکالرك اوستندن مخوف بر طراقة رعد کیمی سامعه
خراش بر سس ایشیتدم ! اوسس اوته کی خفیف آهنگی یاواش یاواش
ایشیتدیرمیه رك صوصدورویوردی . بو بوتون بوشلغی دولدوران قورقونج
صدا ییلدیریم قدرتیله هواده حرکتلر ، بولوطلر اوچورویوردی .
بوتون بو اللر جهنمواری بر عذابله قیورانارق، بوزوله رك چکیلیورلر،
او خفی قدرتك باصقیسی آلتنه کیریورلردی . اوزمان کیریورلردی .
او زمان یوقاری باقدم؛ پرده عدمی بیله یرتارق طاشان ماضی، کوکلره
قدر ارتقا ایدن حال، دومانلرینی یرتان آتی قادینلرینك اللرینی اوافق
بر حرکتله یرینه کوندهرن قدرتی کورددم . او اوزون سیاه طیرناقلریله
عالمی کولک لندیرن کره مز قدر بر ال ایدی؛ عجب اقدر دینیلن شی بومیدی که
خفیف بر اهترازیله بیکلرجه سنه یی ایسته دیکی کیمی یوغورویوردی !

مغربدن مشرقه قدر اوزانان بو قار اسكهلهت آل بوتون كائناتى
 ظلم واستبداديله ازد كدن صوكره پارماقلىرىنى تهديد آميز بر حر كتمه
 تيره تدى ؛ بوتون بوشلق مدهش قاصير غه لرله دو مانلاندى ؛ و اوزمان
 بن هيچ بروقت اونو تاما يا جغم قورقونچ ، متحكم بر ندا ايشيتدم ، ديدى كه :
 — « اى هر شينى دوشونيجى اولان بد بخت چوجوق ! نچين
 ابدىاً جنسك ايچين آغلار نچين جنسكك قارانلق مقدراتى « نچين ،
 نچين » لرله آيدىنلا تمق اىسترسك ! قادينلغك اىستكلرى ابدىاً اسعاف
 ايدلمه مك ، قادينلغك اللرى ابدىاً بوش قالمق ، قادينلغك قلبى ابدىاً
 چيكنه نمك ، قادينلغك بياض ، وقور جبهه سى ابدىاً آياق لرله ازىلك ؛
 ايشته بو ، محيطكك فلسفه اعتيادى . بو محيطده حكمدار لر بيكلرجه
 همجنسكى هوس كردابلرينك آلتون صولرنده بو غار لر ، بويونلرينه
 زنجير ، آياق لرينه ايپكلر ، كرانبها كندلر طاقار لر ، اطرافلرينه مصنع
 زندانلر بنا ايدر لر ؛ و او بچاره لر كوزلرينك او كنده فجييع بر نتيجه
 و يا خود يالكز متروك بر اختيارلق خيال كريانيه ساكت وصامت
 اللرى ، ايشيتمدين سياه كشاده روحلريله ابدىاً آغلار لر . زواللى
 غافل چوجوق ، دوغمش دو غاجق ، كلش كله جاك بوتون جنسك
 هپ مختلف صفحه و محيطلرده بوسفالت ، بو بچاره لسكه ايكله ميور مى ؟
 و ايكله ميه جكمى ؟ بيلير ميسك كه قادينلغك ابدى بچاره لسكى اولماسه ،
 نه شعر ، نه ده ذوق اولوردى . سز ازىلير ، سز آغلار ، سز ايكلر ،
 سز عصيان ايدرسكز ، اللريكنز ابدىاً سما و اته آچيق ، يوق اولمق
 اىسترسكز ، فقط هر نسللك قادينلغى ديكر نسله شعر ، ذوق ، دوشونجه و
 اكلنجه اولمق ايچين دائما كوز ياشلرى وقانلر ايچنده بو غولور ! »

بیلیم طوپراقلر صیجا قیدر ؟

اگر او یله ایسه بی روز کارلرک دائماً اسدیکی، اولودینی، هایقیردینی
بر تپه یه کومکیز .

حیاتک صوغوقلقلری ایله وارلغمدن بر داملا حرارت ته متحسر طوتان
اک اینجه مسامانه، کییکلر مه قدر صیجاق ، یوموشاق طوپراقلر نفوذ
ایتسین . آرتق کله ، نظر ، تبسم ، یالان یوزلریله اوشومه یه جاک قدر،
سوکیلی ارضک کوکنده یوق اولایم . ابدیاً صیجاق ، راحت، یالکیز
واوزاق یرک آلتنده دیکله نهیم . فقط قبرک مظلم آغوشنده ایصیندیغم
واویودیغم زمان روحی دکلسه بیله قولاقلمی بردها تقرب ایده مه یه جکم
انسان حیاتلرینک عکس صدالرینه آچیق بولوندورایم . اوزاق ،
صوغوق و روز کارلرک ابدیاً اسدیکی بر تپه جکده طوپراقلره صارینارق
اک خرده حجره مه قدر صیجا قلقلق وظلمتله کنیدیمی احاطه ایدهیم .
بو ابدیاً اسن روز کارلر ایسه اونلرک حیاتندن بکا خبرلر کتیرسین .
اولایم ، یوق اولایم ؛ فقط انسانلری ایشیتمکدن قالما یایم .

بعضاً روز کار طوندوروجی ، کییجی صوغوقلغی ایله یاقیجی

برشدله صاورولور ، اوتر ، اوکنده نهوارسه ییقار ، داغیتیر کیدر .
 اووقت اوتا مزارمک صیجاقلغنی تهدید ایدر کبی یرلری بیله قدرتیله
 ایتوب صارصارکن بن صوغوق سفالتلرله اریوب ازیلنلرک ضعیف
 اینلرینی هوانک آهنگدار ، قورقونج طنینی لساننده دویمغه چالیشیم .
 وبیله یم که اونک بوضغوق ، بووحشی حرکت موسیقیه سی عجزه یی
 ایکه توب اولدورورکن نفاست وبدایعه ایصینمش صیجاقلر صالونلرده
 قادین قلبندن زیاده برر جی جی ، بهالی اویونجاغه بکزه یین قلبلر ،
 پنبه دوداقلر واسطه سیله صنعی برحرارتک صوغوق آله ولرینی اطرافه
 صاچیورلر ؛ ارکک قلبندن زیاده ایشانمش ، یونتولش یالکنز
 سطحندن حیاتی رسم ایدن برر معدن لوحیه بکزه یین ارکک قلبلری ،
 عشق ، وفا ، اضطراب کولکه لرینی قلبلرندن دوداقلرینه اوزاتان قادین
 اویونجاقلرینک کوزلرینه عکس ایتدیریورلر . حس ایدیم که قارا
 دالغلر ، هواده بو قدر شدله اوچوب آقان روزکارله قونوشویور ،
 اوپوشویور ، چیغریشیور ، برنشیده طبیعتی ترنم ایدیور . حس
 ایدیم که بومتحکم ، محتشم ، مخوف ، معظم صوغوق روزکارلرک
 دکل قطبک بوتون بوزلرینک بیله سوندوره مه یه جکی آتشلر ایچنده
 یانان روحلر بوکون دوداقلرنده آله ولر ایله کولیورلر .

وبوضغوق روزکارلر سیاه ، صیجاقلر طوپراق اورتولرمی
 اوشوته معدن کونلرجه ، آیلرجه باشمده تیتره سین ، اسسین ،
 صاورولسون ! بکا بواک اوزاق آغاجلرک ، صولرک ، صیجاقلر
 مسکنلرک ، سفیل قولوبه لرک ، باتان کیملرک ترانه لرینی کتیرن روزکارک
 محتشم ، دنیالری دولدوران آهنگکنده روحنک اک اینجه وکیزی

نقطة سىندىن بوتون وارلىغىلە اوشوينلارە قدر دىشلرىنىڭ ، قىللىرىنىڭ
چاتىردادىغىنى ، طوندىغىنى دويىم . وياواش ياواش بارد ، يامان بر
قدرت نەنك ھوا ايله انسانلارە نفوذ ايتدىكىنى اونلار ك روھلارندە ،
دوداقلارندە ، كوزلارندە آچان كوش ، حیات ، حرارت چىچكلىرىنىڭ
صوغوقلە زەرلە نوب ياتدىغىنى ، يوق اولدىغىنى دويىم . صىجاق و ياللىكز
مقبرمك اوستىندە ابدىاً اسن ، صاورولان صوغوق روزكار ك دىيائى
صوغوتدىغىنى ، قوروتدىغىنى ، بىابان ايتدىكىنى آ كلايىم . عشقلەر ،
ترجىلەر ، صىزىلەر ، قەھقەھلەر ، خىانتلەر ھر ھس و فكىر ، ھر انسان
ومسكىنى صوغوسون ، طونسون ! واك نەھت ھىر برى مزارمك
اوستىندەكى صوغوق و ياللىكز تپە كى اىصسىز ، ھىسسىز ، جانسىز
وحر كىتسىز قالسىن ! مسكىنلەر ، انسانلەر ، یشىل يوردلەر ، قىزغىن
چوللەر واك كىزلى كوشەلەر برر طونمىش ، يانمىش برر خرابە ، برر
مزار اولسون !

بى اىشتە اويلە بر روزكار ك صوغوق صدمەلرىنى ابدىاً ھس
ايدەك ياللىكز ، يوكسك برتپە ك كۆمكز . فقط بىلسەم اويرك
توپراقلىرى صىجاقىدۇر ؟

بورغاز ؛ تشرىس اول ، ۱۳۲۶

ده كيزك خاطر اتندن

۱

بوغاز ایچنده اوکهنه یالینک چورومش تملرینه هجوم ایدەرك
اولویور، اولویوردم. بوراده طانیدیغم برکنج قادین واردی که
ینه اونی چاغیریوردیم بن اونک اک اسکی آشناسی ایدم. چونکه
او، قوملرم اوزرنده بویودی. بیاض سینه مده سودی. پنجره سنه
قدر کوپورمن دالغەلر مه روحنک سعادت دالغەلرینی تودیعی ایتدی.
قارانلق صولر مه کوز یاشلرینی قاریشدیردی. اوسنه کندیمی اوکا
هر زمان یقین بولیوردم. یاواش یاواش اونی کندیمه دهازیاده جذب
ایدیوردم. هر کیجه قفسی قالدیرارق بکا اوزون اوزون باقارکن
اعماقه دوز و کان روحیله برابر وجودی ده صولرمک درین در آغوشنک
سرین تحسریله یانیوردی. آرتق هر کیجه اونی پنجره سنک آلتنده
بکلرکن بلیوردم که درینلر مه دالان متحسر کوزلریله اوزون
بیاض وجودی ده بنم اولاجقدی. اونی بر زمان بیاض ویوکسک

دالغەلرەمك يۈمۈشاق سۈرۈنلەكنە تەۋزاقلارە كۈتۈرە جەكەم . و دنيایە
 صیغمیان روحنك نہایتسز قوراقلفی ، آتشی اوجسز بئلكمك تیز
 روزكارلری ، نہایتسز دالغەلرەمك صوغوق بوسەلریلە سۈندۈرە جەكەم .
 واك نہایت قلبمك اك مائی بریرندە انجی ، صدف پنجرەلرە ضیا
 ورنکی كۈلەكلەندیرلش برسرایە كۈتۈرە جەكەم . اورادە ، ایچندە اك
 دلشین ، اك خولیا پرور چیچكلر صاقلانان انجیلی برده كیز « سەر »
 ینە كۈمە جەكەم . اونك سوکیلی وجودی اوزرندە بن ابدیاً جوشار ،
 آقاركن او ، اورادە ساكت ، ساكت او یویا جقدی . بن هر کیجە
 اوکا بونلری ودها نەلری سۈیلركن او ، بنی دیکلر ، صوکرە
 جاذبەمدن قورقش کی قفسی نیتە بەرك ایندیریدی . فقط نە ضرری
 واردی . بن اونی دائماً چاغیریوردیم . بر کرە چاغیردیغم ، بر کرە
 چاغیریلدیغنی طویان مطلق بر کون کلیر یۈمۈشاق ، صوئوق کوکسە
 کومولور .

بر آقشام صولرم سیاه ، دارغین ، هر وقتدن دها سریع ، دها
 آزغین آقوب کیدیورلیدی . وەر دفعە سنده اونك پنجرەسی آلتندە
 اونی چاغیرمقدن فارغ اولیورلیدی . او کیجە او ، آرقە سنده یالکیز
 اوزون ، بیاض بر کوملك اولدیغنی حالە پنجرەسی قالیدی . نارین ،
 بیاض قوللارینی چیپلاق ، اوموزلارینی هر وقتدن زیادە بکا اوزاتیوردی .
 سیاه ، صوئوق صولرم کوکسنی ، اُگسەنی یالایارق تا داغینیق
 صاچارینە قدر هجوم ایدرکن او ، هر آن دها ممنون ، دها مجلوب ،
 وجودینی بکا اوزاتیوردی . هر کیجە نك کوز یاشلرینە بدل بو کیجە
 قەقەلر واردی . فقط بوقەقەلرە لردە کی آجیلق بوتون بنم وجودمدە کی

طوزلردن دها آجی ایدی . بکا دیدی که :

— نهایت مطلق بنی ایستیورسك ، دكلی ، اسکی دوستم ؟ بنده
نه قدر زماندر سكا كلمه مك ایچین کنديمله مجادله ایدیوردم . هیچ
سومديکم سیاه طور اقلره اینه جكم کونی بکلیه بيله جك قدر کنديمه
متانت ، صبر امید ایدیوردم . بیلیرميسك ، قاچ سنه در تاریخه برسنه
دها علاوه ایتديکمز کونی نصل سوهردم ؟ بوسنه برر برر ماضیه
کچرکجه اوموزمه ییغیلان حیات یوکنی آتاجیم زمانه برآز دها
یاقلاشدیغمی تخیل ایدیوردم . ظن اتمه که هر سنه حیات یوکم
آزالیوردی . اوبالعکس هر سنه دها آغیرلاشیوردی . فانیرك فانی عد
ایتدیکی اوچان مسرتلر ، کچن ضربه لر ، آقیتیلان یاشلر ، بونلر
روحزده نه قدر یر طوتیور ، ای کهنه ده کیز . التیام بولان یرلر
قایتیلاشیور . آقان یاشلر قاپانماز ایزلر براقیور . مسرتلر روحك اك مترنم
تلر نده دائمًا کولیور . کدرلر روحك اك کنیش ساحه سنده ابدیاً عکس
صدا یابان بریلدیریم سرعتيله دولاشیور . هیچ برآن ، هیچ برحس
غائب اولمیور . میلیونلر جه سنی بوتوبده بللی بيله ایتدیكك بو کوچك
انسان دینیلن مخلوقلر یوقی ؟ ای بیل که ، ای دکیز ، اونلر ك اك
کوچوکنك روحنده قاباران حیات دالغهلری سنك نهایت سزدرینالکلرنده
اولسه طاشاردك !

بو کون بنده روحك مظلم دالغهلرینی سنککیلره مزج اتمکه
کادم ، سویله ، سویله ده بنی اقناع ایت ، بنی کنديکه آل . قاچ سنه
وارکه بو حیات دالغهلرینی ، مرحمت ، حدت ، کوز یاشی ، قهقهه یه
قلب ایدهرك اطرافه آقیتوب کیدیورم ؛ فقط دائمًا بوغدار حیات

بوتون استعداد یأس و مسرتی ايله روحه دولویور؛ روحدن طاشیور.
 آنلر، کونلر، آیلر اوچوب کیتدکجه بن ده حیات یوکنی یوقلغه
 فیرلاتاجق زمانک تقریبه سرخوش اولیورم. بعضاً اون سنه لک
 حیاتی یاریم ساعتده اسراف اییدیورم. بعضاً ده آیلرجه یاشامغی
 اونوتارق سورونیورم. فقط المله، عذابلرله دویمش، یأس ویالانلرله
 طاشمش اختیار روحه رغماً کنج بر وجودم وار. اونک ایچون
 طویراقلره اینه جکم کونی بکله مک اوزون، فضله اوزون کله جکدر.
 اولوماییکیز، سوکیلی صولر. بلکه سزه بو آقشام کله جکم. چونکه
 آرتق یتیشیر. کندی روحلرینی دیدیکله یین، طیرناقلایان، ایصیران
 بویالانجی انسانلرک اوکمه قوردقلری طوزاقلرله حیات یولنده آياقلمک
 پارچالانماسی یتیشمیورمش کبی یینه اونلر الک معظم وعلوی دویغولرندن
 الک سفیلرینه قدر بنی معکس اییدیورلر. بو قدر شدتله منفرد، فقط
 اطرافنده کی بوتون سفالتلره قارشى مهتز اولان بئلكم شیمدی بلکه
 اون، بلکه بکرمی سنه لک حیات یوکنی فیرلاتوب آتمق ایستیور.
 سن بر دقیقه ده بنی ابدیاً اویوتاجغکی سویلیورسک، اویله می؟
 طور، بلکه، شیمدی کلیورم.

بیاضلی قادین برقاق دقیقه غائب اولدی. صوکره کلدی، اکیلدی؛
 قورقاق بر فیصلتی ايله صوک آرزوسنی بکا تودیع ایتدی. دیدی که:
 — بیلیرمیسک بن سکا کلیرکن ایکنجی «بن» لکمی بوراده
 براقیورم. انسانلرک حسلرینه برر وارث اولدجه عدم یوقدر. بن
 کیدرکن آجیلرمی اوکا براقارق کیدیورم، بکا ایتدیكک لطفکارانی

اوكادە ايدرمىسك ؟ اونى دە چاغىرى ، بىم دىكلەنن قوللرمك آرەسنە
كىتىرىرمىسك ؟

شىمدى بو قادىن درىنلىكلرمدە اويويور . فقط اسكى يالىنك
پىجرەسندن قومرال برچوجوق ھر آقشام بكا ا كىلەرك :
— آئە ، آئە !

دىيور . بىليورم كە چوق كچمەدن اودە بكا كلەجكدەر . چونكە
بر كرە چاغىردىغم ، بر كرە چاغىرىلدىغنى طويان مطلق بر كون كلير
صوئوق ، يوموشاق كو كسمە كومولور .

بورغاز ؛ ۸ ايلول ، ۱۳۲۶

ده كيزك خاطر اتندن

۲

انسانلر ك بويوك ديدكلرى بر كمى ايدى . ظن ايدرم ايلك دفعه
اولارق ليورپول ايله آمريكا آراسنده ايشليوردى . ضيالر، موزيقلر،
مزين سالونلر ، واسع كووه رتهلر ، سوسلو يولچيلرله مالا مال ايدى .
اوستنده ييلديزلرى اويوتديغم دالغين صولرمى بياض كو كسى ايله
يارارق اوچوب كيديوردى . كيجه ياريسى ايدى كه كووه رتهده
دولاشان كوچوك برقادين اكيلدى ، يوزمه باقدى . دالغه جقلمك
اك خوش بر قيورينتيسنده پارلاق بر چهره كوردم . يووارلاق ،
صولغون بر اسمر كوزه لك اسرار وحرارتله قاينايان مظلم كوزلرى
زهره نك كولدكي صولرده طالع استقبالي تحرى ايدىوردى . اينجه
ومعني دار قاشلرى ، كيجه نك قانادلرى قدر يوموشاق ، سياه صاحچلرى
آلتنده شرق فضالرينك بوتون بدايعنى ، بوتون زنكىنلكلرني صاقلايان
سياه كوزلرى قارانلق موجه لرمله همان دوست اولدى . ايچنده بلكه

بيك انسان قلبي آتان بو قوجه واپورده يالكيز اونك روحى بنمله
آشنا چيقدى . دالغلى ، متنوع هويى بنمله بر نقطه اشتراك بولدى .
بكا همان آمالنى آچدى ، ديدى كه :

— بن شان و شرفه ، بن قدرته كيديورم . بونه ديمكدر ، سن
بيليرسك ، دكلى ، سو كيلي ده كيز ؟ چونكه بوتون روحلرى صافيت
وحسنكله غشى ايدهبيله جك قدر ساكت و روحپرور اولديغك بر آن ،
ايسترسك اوزرنده امللرينه دوغرو قوشان ميلليونلرجه انسانى يوتار ،
يوق ايدر سك . بن ده ايسـترم كه او كمده انكين ده كيزلر كى سريلىن
انسان آلايلرينى كوزهللكم و سسمله غشى ايدر كن لذت عذابله
اولدوره جك قدر قوتم اولسون ! بن ايسـترم كه كره ارضده صنعت
و موسيقى اسمنى ايشيتن هر انسان اسممه سرفرو ايتسين ! بن ايسـترم كه
عشقلرى ، الملى موسيقى ايله ترنم ايدن بويوك روحلرك اك كزيده
بسته لرينه معنای حياتى بن ويره يم . بن ايسـترم كه دنيا ده اك بويوك
واك چوق پرستش ايديلن بن اولاييم .

فى الحقيقه بو كوچوك اسمرقادين او قدر كوزهل ، او قدر كوزهلدى كه ،
سسندده او قدر آتشلى استغراقلر ، احتراصلر آغلايوردى كه كمينك ياننه
صولرماه چارپارق ، شپيلدا يه رق اونى نه قدر بكنديكى سويله دم .
صو كره بوقادينى دائما دنيا نك بش قطعه سنه طاشير ، طور و رددم .
انسانلر ، مملكتلر اونك سسنى بردفعه ايشيتمك ايچين آووچ آووچ
ليرالر صرف ايد يورلر ، بردفعه ايشيتد كدن صو كره يوزلرجه سى قلبنى
غائب ايدمرك اونى بر مملكتدن ديكر مملكتنه تعقيب ايچين سور و نيور-
لردى . آرتق بوقادين بش قطعه نك اك بويوك ملكه سى ، اك ذى قدرت

حکمداری ایدی . هراسکله ده یوزلرجه خلق اونک ورودینی بکلر ،
هر بئندیکی واپورده فیض حیات ، عشق ، ضیا و شنک صولر مه قدر
طاشار و یاییلیدی .

واو قادین هر دفعه سنده اوزرمدن کچر کن کیجه یاریسی یالکز
ومتواضع بر کنج قیز خلیجانیله کلیر ، بکا موفقیتلرینی آ کلاتیردی .
صوک دفعه سنده آرابه سنک آتلیرینی آلوب ده اونی چکنلر آراسنده بویوک
برولی عهد بویوک بر بسته کار بولوندیغنی سویلیوردی . آرتق بویوک ،
کوچوک هراونی کورن و سنی ایشیتن اوکا تمامیه منقاد ایدی . فقط
سنه کچدکجه کنج قادین بنی کیجه لری زیارت ایدر کن سسند یکی
بر نردد خفیف بر کسل حس ایدیوردم . آ کلا یوردم که هر بویوک
انسانه کلن فلا کتدن اونک روحی ده مصون دکلدی . چونکه یاواش ،
یاواش بیپرانیور ، اسکییوردی .

بر کونینه اوزرمدن کچر کن کندیسندن چوقدن بری کورمدیکم
برتهالک و خلیجانیله کلدی و دیدی که :

— ایلک بویوک امللرمی سن دیکله مشدک . اقبالک نره لرینه قدر
ارتقا ایتدیکمه ینه سن شاهد اولمشدک . بن ظن ایدیورم که بنم شان
و شهرتیه سنک عظمت و قدرتک آراسنده برابطه واردر . بوتون
عمر مده سندن باشقه ، انسانلرکالنده بازیچه اولدینی بر قدرت طانیادم .
ییلدیریملردن ، روز کارلردن اک مدهش خسته لقلردن قاجاییلورلر .
فقط سنک قدرتکدن هیچ بروقت خلاص اولامیورلر . بوتون امل
و مظفریتلرمی ناصل دیکله دکه بکون ده بنی تهیدایدن هزیمتی دیکله !
شیمدی یه قدر یالکز باشمه اشغال ایتدیکم تاج و تختمه رقیب اولان

برقادين بو واپورده . بر فيرطينه بنى هر وقت تمنى ايدوب بگله ديكم
سنگ قلبكه كومه بيلير . فقط او، اوده انسانلرك قلبنده كى معننا موقعى
چالامادن سنگ قعر كده يوق اولور .

شيمدى صولرم مترنم بر تهديدله قابارييور . تا كووهرتهنگ
پارماقلقلىرىنى كوپوكلو ضربه جكلرله غيجيقلايوردى . قرار ويرمشم؛
اوچ ساعت صوكره كمينك ديركلرنده ايصالق چالان قوت ، كى يى
بر زاواللى طوپ كى يوواريلايوب آتان دالغهلر اسكى دوستمى ده ،
رقيبى ده چكوب عدمه كوتوره جكدى .

دالغهلرملك اك چوق آزدينى بر آنده ايكي بويوكلك ناسزدى
قادين شيمدى كووهرتهده عاجز ، قورقاق قوشوشانلر آراسنده
ايلريليورلردى . بونوروه چيانك كوزهل وبلند برقادينى ايدى . كيجه لك
كوملكسنگ اوستنده اوزون براييك ييغينى كى صاحلىرى طاغيليور ،
قاجيشانلرك چهره لرىنى قامچيلايوردى . اوزون ، بلور وجودينك
اوزرنده ، كوچوك باشنده هنوز كشف ايديله ين قطبارك بوزلرينك
بارد علوتى واردى . صاحلىرينك عيى اولان بال رنكسده كى كوزلرنده
بر « والكبرى » نك قورقونج اسرارى واردى . قامت موزونى ،
آهنك سكوتنى بوشيمدى آلتاوست اولان كميده بيله محافظه ايدهرك
كووهرتهنگ پارماقلغنه كلدى ، داياندى .

كيجهنگ بوتون كيزلى مخلوقلىرى بو اولن انسانلر قارشيسنده ،
روزكارك ، صولرك آراسنده چيغيريشارق كولوشيورلردى . سياه
صولرمك ذروه لرنده كوپورن بياضلقلر ايچنده اك كوزهل قيزلرم
كريان بر جنازه شريقسى سويليورلردى . دالغهلرم بر قاچ دقيقه صوكره

بر دامله كې بويوك كمى نى بوتون انسانلر يله يوتاجق، يوقايدە جكدى.
 شيمدى شمالك بوبلور قىزى بومظلم، مترنم اولومك بوتون جاذبە
 باردىنى روحندە حس ايدىيوردى. اوندن اون آديم كرىدە ماضيدن
 بردن برە آتلايوب چيقمىش شمالك بويوك برده كىز قورصاننە بىكزەين
 صارى برار كك، روحندە وحشى بر مسرتلە بو كىنج قادينى دە، كمى نى دە
 يوتاجق اولومى بىكلە يوردى. او، بو كىنج قادينلە برابر بويومىش،
 اونى بر كولاكە كې تعقيب ايدن بر نشانلى ايدى. چو جوقلغنىك اك
 ايركن كونلرندن برندە بو قادينك اپك صاحلىرى كې موجودىتى دە
 روحنك اك اينجە انساننە صارىلمىش، اورولمىشدى. شيمدى كىنج قادين
 بىلكە متوج باشلىرى بىلە بىياض آياقلىرى آلتندە خاكە سرە جك
 سىنىك وحىنىك تصادفى بر فىرطينە ايلە محو اولاجغنى دوشونوركن
 كىنج آدم اولومك نشانلىسىنى باشقە عشقلىردن، باشقە قىلبلردن صىانت
 ايدە جكنى دوشونيور، اولوملۇدالغەلرمە شكرانلە طولوبر نظر يوللايوردى.
 چىركىن بر خىر يىلتى ايلە بويوك صويغىنلىرى آلتندن كمى كچركن
 كىنج قادين باشنى چويوردى، نشانلىسىنى چاغىردى. دنيايە ويرەمىە جكى
 روحنك جاذب برودتى نفىس، امثالسىز سىيلە اوكا بخش ايتدى.
 جان چكىشمە خىرىلتمىلر ينىك فوقندە روز كارلىرى، صولرى صوصدوران
 سىيلە قطبلرك اك بىياض، اك دوقونولمامش قار يىغىنلر ينىك براقلغنى،
 تمىزلىكى ايلە اوبر عشق السهيسى سويلركن اولومك كىسكىن پنچە سىندە
 قىورانان قىلبلر بردن برە سكونت بولەرق اولومە تسليم اوليورلردى.
 السهيسنك صوك پرده سى صولرك صوك بر هجومىلە صوصدىغنى وقت
 كمى دە تماماً غائب اولمىشدى.

بورغاز؛ ۱۰ ايلول، ۱۳۲۶

ده كيزك خاطر اتندن

۳

خيرالدين اسكله سنك دار ريختيمنه، كيجه لري بياض كفني اوزرنده
اسكى شدى يرينه شيمدى حزن يرلەشن باشيله كلير، اكيلىر، صولر مه
باقاردى . چوق ، اما چوق سىنه اوليور ، بنم اوكا اويله حوادثلر
ويرديكم اولوردى كه اونك اطرافنه صاحدينى مسرت نورلري، ريختيم
اوزرنده اولرده، هر كسك روحنى نشاطله، انبساطله ييقاردى. بوهنوز
طور غودلرك ، پياله لرك صولرمده حولان ايتديكى زمانلره مصادف
ايدى . فقط ياواش ياواش اۇنى ممنون ايدەجـك حوادث ويرمه مكه
باشلامشدم. گرچه اوزرمده هانكى ملته مخصوص اولورسه اولسونـ
آقيتيلان بوقانلري ، باتيريلاان كىلري ، اولوم و مظفريت آنلرينى
ديكلردى ، فقط اونك روحنه تعلق ايدن برشى قالمامشدى .

خيرالدين بارباروس بنم اك سو كىلى چوق قلمدندر. دالغىلر مى
قانلره بويايان ، اعماقه بيكلرجه انس ان كوندرون ، جنك وجدال

آوازه لری نی روز کارلرله بولو طلرله یوکسلتن بو قایدانی هیچ بر وقت
 قورقوتامامشدم. کوپوکلرم، سیاه اولوم دالغه لرم، کردابلرم، فیرطینه لرم
 اوکا محظوظیت ویرردی؛ او، بونلرک هپسندده مندمج اولان شعری،
 قدرتی، متحرک، سیال عظمت تنوعی وحشی بر مسرتله دویاردی.
 صوکره سکونتی، حدتیی، او یوموشاق قابلیت تبدیلی، هپسنی کندیسینه
 برر واسطه ظفر اولارق قوللانیردی. او، بوتون اعماقم قدر درین
 صولرم کبی متحول، بولو طلرم کبی مددهشدی. او صاغ اولدجه برر
 ایپک کلهک کبی اوزرمدده اوچوشان کیارده هپ قانلی فاجعه لر،
 غیرتلاق غیرتلاغه بربرینی اولومه کوندرهن انسان مجادله لری،
 چیغریشمه لر، فیرطینه لرک دومان وسیر مددهشیله صولو بوشلغه داغیلان
 صیحه لری ایشیتیلیردی. صوکره بونلرک هپسنی اورتهرک، یوتارق
 صولرمک سکوتی آلتنه کومردم. شان وشجاعتنه، ظفر ومغلوبیتلرینه،
 بوتون حیانه میدان اولان صولرم اولد کدن صوکره بیله اونک روحنی
 جذب ایدیوردی. اونک روحی، کولکه سی صولرمده جریان ایدن
 شیلری کلیر، دیکلردی. عثمانلیلرک هرده کیز محاربه سندده ریختیمه بویلو
 بونجه اوزانیر، صولرمک کتیردیکی حوادی دیکلر، روحک تمنیاتی
 دالغه لرمه تودیع ایدر، کونده ریردی. آرتق اوزون سنه لردن بری
 اوکا سویلیه جک بر شیتم یوقدی. فقط او، هر کیجه کلیر، صوراردی:
 — بزمکیلردن کیمسه اوزرکده چابالایورمی؟

— خایر!

اوکا سینوب فاجعه سنی سویله دیکم وقت صولرمه آجی، طوزلوب
 بردامله دوشدی. بوهریمت اونی طوپراقلرینه قلب ایتدی ظن ایدیوردم.

سەلجە كەلدى. مىزاريك تۈزلۈرى ايچىندە يوق اولمىغە قارار بىر مەشدى.
 عثمانلىلار كەلگەن ئۆزۈندە اوراق بىر فەئالىت كۈستۈرگەن كۈندىن
 بىر خىرالدىن رىختىمەندە بىر حەركەت خەس ايدىيورم. ھەلە بۇغازە دۇغرو
 كچىد رەسەلرى باشلادىنى كۈندىن بىر ئابەت، مائۇس بىر سىرچى صەفتى
 مەخەفە ايدە مەيور، ارادە - فەقەت بۇ بىر سەردەر - دالغەلەرمەك اوستەنە
 بىر آزار شەكلەرنى يابانچى بولدىنى بۇزەرەلەرە قەدر كىدىيور؛ مەتەخەس
 ومەتەيىچ، اونلرى سىر ايدىيور. اوبەغۇزاً كەينەك پارماقلىقلىرىنى طوتار
 يۈكەلەدىكى زامان نوبەتچى نەركە روخەندە شانلەر، ظەفرلەر دالغالانىيور.
 كەچە زيارەت ايدىلەن بۇنەفرلەر، چاوشلەردۇن نامادە خاراقالەدە چالەشان
 عثمانلى كەيىچىلەردە.

۱ كەتەريا رىختىمە دۈنەرنەن كۈزلۈرى مەتەردە، مەغەر، قەمرە دالار
 وەندەن سۇرار:

بۇنلەر بۇكەلەركە فەنى بىلەيورلەرمى؟ بۇتۇن بۇ آھەنەن قەلەلەرە اونەر
 صەخەمى، سۇيە؟ نەم بىلەدىكەم كەي اك كۈچۈك تەفرەنەنە قەدر حەكمى،
 سۇيە، سۇيە؟

بارباروس خىرالدىن زەرەلەسى بىشكەش او كەندەن كچەرنەن او،
 ھەركە مەستۇر، فەقەت بىكەلەن، رىختىمەندە طور ويور، بۇتۇن مەجۇدەيتەك
 ائەشارەتەردىكى نورلەرە سىرايدىيور، بىلەكەدە بىر ائەشارەت، بىر سەلام بىكەلە يوردى.
 كەي سەسەزجە كچدى. قەيچە طەرقەندە طوران بىر نەفر، اللەرى
 كۈكەندە، روخەندەن او كە بىر سەلام، بىر تەغەيم كۈندەردى.
 بۇ، كەيچەلەرى فەكرەنەنە ھەلۈل ايتەدىكى مەرتەبەندە بىر كەنج تۈرك
 ياوروسى ايدى!

حکایہ

ارواح مقامات

روح عالم خارجدن چكىلمشدى: بن اويويوردىم؛ فقط او كندى خرائى، كندى كائىناتى اچىندە كىمىسەنك سىزە مەدىكى زىنكىن قابىلىتىلە ياشايوردى. دىيا ايله روابىطم كىيىلدىكى زمانلارنى چوق سۈيۈردىم: كۈزلىرىم ضىالە قاپلى، قولاقلىرىم سەدالە طىقالى، موجودىتىم بوتون تەماسلىرىدىن اوزاقلىنىپ، ياللىق زىچە ياشايم.

ايشىتە اويلە بىر آن ايدى. يابانچى بىر وارلىقك اىپك اھتىزالارلە اطرافىدە طولاشدىغىنى طويدىم. رۈھىدە آقشامدى: شىمال آقشاملىرىنىڭ اوزون، رىنكىسز، مېھىم خىياللىرى اچىندە يۈزۈيوردىم. عالمىدە رىنكىدن عارى، كۈمۈشسى بىر ايشىق آغاچلىرىدىن آقپور، سۈلۈك يۈزىدە اوزانپور؛ يىلدىزلىك اوزاق كۈزلىرىدە مۈجەلنىپور؛ بوتون ھۈي نىمىدە يۈمۈشاق، ساكت تىترەشىپوردى. اولابونى اطرافىدە اھتىزالايدىن آتەشسىز، يازىلىتىسىز ضىيانك رۈھى ظن ايتىمدى. فقط بۈيۈك اھتىزالار سىكونتلى دەكىزلىك ساحللىرى يالاركن كۈندۈرۈكلۈرى موسىقىيە بىكىز بىر شى واردى. ھالبۇكى بۈيۈك دىلىمىزدەر. اونىڭ ياللىق رىنكىسى

کولکه لری وادا السه سیله هم آهنگ حرکت لری وارد ر .
اطرافنده حس ایتدیکم وارلق تبسمه بکزر بر سسله روحه
دیدى که:

— بنی طانیادکمی؟

روحم فیصیلدادی :

— خایر !

او وقت او داها طاتلی :

— او یله ایسه بکا باق .

دیدى ؛ و روحم اطرافنده اهتزاز ایدن طینی کوردی . شفق
سیدسلرینه بکزر شفاف ، پنبه قانادلریله پر طیران ، پراحتزاز شکررنک
بر مخلوقدی . کوزلری رؤیا ضیاسنک عکسی ایله آچیلیور ، کولیور ،
حزنلنیور ، دائماً تحول ایدیوردی . او وقت روحم اوئی طانیق
آرزوسيله متأذی و متحسر ، یالواردی :

— سویله ، سنی بن نه وقت کوردم؟ بکا ایلك دفعه نه زمان کوروندک؟

هواده غائب اولان اثری قانادلریله روحی اوقشایارق آ کلاتدی :

— سکا ایلك دفعه تصادف ایتدیکم زمان خولیا کوزلو بر

چوجوقدک . ایلك عشقکک ییلدیزلی قانادلریله چیرپینیوردک ؛ سن

اونک مائی ضیادار کوزلرینی دوشونورکن بن سکا طوغمشدم . او وقت

هپ دوشونجه لرك ، هپ کوزلرکده اوچوشان خولیا لر ، هپ

دوداقلرکدن و کوزلرکدن دوکولن خنده لر و کریه لر بنم صدامک ،

بنم قانادلریمک ضربهلریله هم آهنگ ایدی . محرك ، اینجه ، صبرسز ،

چالاک ! حالا بیله مدکمی ، بن سوزنا کم !

ایشته او وقت روحم ، ایلک خاطراتنک موسیقیسیله بیهوش ،
اثری پنبه قانادرلر آراسنده ابدیاً یاشامق آرزوسیله آغلادی :

— شیمدی سنی طانیدم . برکیجه پاپتیه تارلاسنگ یوموشاق ،
صاف قلبنده یاتیور ، ایلک عشقمی دوشونیوردم ؛ کوزلرم نهایتسز
برالماس تارلاسی کبی باشمک اوستنده پیریلداشان ییلدیزلرک کوزلرنده کی
نامتناهی معنایی ایچرکن سنی کوردم . چونکه سن ، اونک شوپهنک
روحنی یاشاتان پارماقلرندن ، شوپهنک غملری اصرارله تکرار ایدن
صدا ضربه لری آراسندن بردنبره کولوویرمشدک . ناصل اک آغیر ،
اک معظم غملر ، صدالر آراسنده کومولمش بر خنده ایله قانادلرک
روحی اوقشاردی . فقط چوقدن بری سن قیافتکی دکیشدیرمشدک .
سنه لر ، اما سنه لر وارکه سن توزلو ، بایاغی ، بایات شرقیلر آراسنده
یکنسق نغمه لرکله بنی تعذیب ایدیورسک .

روحک ایلک بلور خنده لرینی لذت بر خاطره ایله دیریلتیر کبی
سوزناک کولدی :

— آرتق اون آلتی یاشنده دکاسک ، دیدی ، شیمدی سنده کی
سسلر هزام و عجم عشیران دوستلریمک ، پست ایکلیتیلری ، غایه سنی
غائب ایتمش یاسلی کریه لری وسنده کی رنکلر قانادلریمک دلبر رنکلرینه
هیچ بکزه مهین ابدی قورشونیلکلردر ، ایسترمیسک ، سنی بوتون
حیات روحکک مختلف لسانلری اولان مقاماتک ارواحنه تقدیم ایدهیم ؟
فقط بنی دیکله مدی ؛ قانادلرینک ایکی نغمه کار ضربه سیله اوچدق
وکندیمری نهایتسز برجام اورماننک مظلم وصولغون ضیالرله ییقانان
قورشونیلککنده بولدق . خولیا یورور داللرنده رنکسز ایشیققلر

آفتان بولوند و كوزل آغاچلر ذروه لرینی بر طرفه تمایل ایتدیرمشلر؛
 بوتون ایکنه لرندە طولاشان حسی براهتزاز لذتله آرارندە کی قونسری
 دیکله یورلردی . بوساحله دوغرو اوزانان اورمانلی وادینک تا اورته
 یرندن بلور کویوکلر و دالغهلرله رقصان بیاض بر صو ، یوصونلرک ،
 قیالرک ، طاشلرک اوستندن آتلا یارق ، قایارق ، ترنم ایدە رک بیک
 دلبر آقیشلرله چاغلایارق کندیسینی دیکلر کی اویویان بر ده کیزه
 آقوب کیدیور . بوراده اویله غشی ایدیچی بر آهنگ ، بر آهنگ
 روح واردی که بوتون عشقارک ارواحی بوراده آغلاشیورلر ،
 بوتون طبیعتک آغاچلری ، یاپراقلری ، طاغلری ، صولری اک کوزل
 مرثیالری بوراده اتحاد ایتدیرمشلر ظن ایدیلیوردی . فقط بونهایتسز
 ده کیزلرک حرکتسز سینهنه ، هوای نسیمینک اک کیزلی مسامانه
 اوزانان نغمه لرده شال اقشاملرینک رنگسز ضیالرینه بکزیورلردی .
 آتشدن ، غلیاندن ، چیلغینلقدن ، طوفاندن عاری ! هپ حزن ،
 سادکی ، غموم ایله مشحون و پست اینلر !

سوزناک بنی اولو و حمایه کار برچامک کولکه سنه تودیع ایدرکن :
 — شیمدی اونلری کورده جکسک .

دیدی . کوزلرم بوضیالرک مبهم قعرینی دلمکه آلیشدقدن صو کرا
 وایلک کوردیکی روح صولرک اورته سندن یوکسلیوردی . اولاینجه ،
 یوکسک برطاشله اونک اوزرندن آتلا یوب کیدن بیاض بر صو ظن
 ایتمشدم . صو کرا کوردم که ملال ایچنده ایگلەین برطیف ، بوتون
 وارلغیه آغلایان و کوز یاشندن لباسنی دائماً صولره مزج ایدن اینجه ،
 اوزون برخیال !

اوزرنده نوشين دالغهلرله آقوب كيدن مخيل ، سيال توللرك
 آتنده اوزون ، نارين ، نفيس اعضالري واردى . اينجه قوللري
 سسنىك ملال آميز موسيتيسيله سهاره دوغرو قالقيور ؛ قورشونى
 ضيانك لونلرينه بكنزه ين اوزون صاحچلري سيال تول لباسيله برابر
 صولره قاريشيور ؛ ابدىآ آقيور كيدى . اينجه ، چوكوك ، بياض
 سياهسنده اشكنجىلى بر رؤيا طولاشيور ؛ بويوك اسرارلى كيجهلره
 بكنزه ين كوزلرندن دو كولى پارلاق ياشلر لباسيله آقوب كيديوردى .
 بوتون بوكريله لرله برابر رنگسز و كوزك دوداقلرندن سرييان نغمه لر
 كچمش بر آجينك ابدىآ دوام ايدن حماسيله صاييقلايوردى :

— محشم بر سراى ، صوكرا شمعشعلر ، دبدبهر ، آلتونلر ،
 زبرجدلر ، ياقوتلر ، ايككلر ، سوسلر ، هپسنىك اورته سنده او ...
 مهيب چهره سى ، كونشدن كوزلريله باقان او ... آتش دوداقلرينك
 بر بوسه سيله روحى مص ايدن اوشه نشاه ، او اله آ ! ... ابديته قدر
 رؤيالرمده آغلانان بر ساعتك حيات ؛ دكلى كه بنى بر ساعت ايچين
 سودى ؛ دكلى كه بنى او آلتونى ، احتشامى اتمام ايدن يوزلرجه كوزهلر
 ايچنده كونشدن كوزلرينك بر لمعه سيله چكدى ، كوتوردى ... بر ساعت
 ضيا ، رنگ ، حيات كونش ، صوكرا ابدىآ رنگسز كولكلر آراسنده
 طولاشان برانين ، بر طيف ! ... بر آن ايچين رؤيالر مه سيله گلزميسك ؛
 باق ، قوللرم سنىك ايچين قيامته قدر كشاده ، باق ، كوزلرم سنى
 ابديته قدر بلكه يه جك برر شفقت ! ... باق ، دوداقلرم معظم وارلغكى
 اويالامق ايچين روحى ابدى بر نغمه كى سكا آقيتاجق ! ...

حيرتلى كوزلرمله او خيالى ديكلر كن سوزناك تيز ، قيصقاج بر

نغمه ایله دیدی که :

— بویاووز سلطان سلیمک بر ساعت سودیکی بر قیز ، حسیننک
آناسی ! حزنی ترنم ایدن بر دیوانه در . کل ، کیده لم .

دره نك اوجنه دوغرو بویوك بیاض قاووقلو ، صاری جبهلی ،
آغیر جبهلی ، قاریشیق قاشلی ، یشیل کوزلو ، بری باغداش قورمش ،
ألنده طنبور ، دائماً چالیوردی . بطی ، عظمتلی ، مقنع ، تك سسلرله
دائماً سویله یوردی . سوزناك :

— بو ، راست دوستمز .

دیدى . بر آزار ایلریده صولرك ایصلا تدیخی کوزل بر سو کودك
یا براقلری آراسندن علام سما رنگلریله پارلایان بر مخلوق کوزلرمی
آلدى . باشمی قلدردم ؛ اوزون ، ظریف قویروغی ایله بوتون
موجودیتنى ، حق عجیب ، آلتون کوزلرینی بیله احاطه ایدن بیک رنگی
واردی . دوداقلرنده یشیل ، افلاطون ، اینجی سسلر ، بیک لون ،
بیک اینجه لکله ترنم ایدوب داغیلوردی .

سوزناك :

— بوموسیقینك حشمتلی بر پرئیسیدر ، اوچ آرا .

دیدى . بر آزاوته ده بر طاشك اوزرنده قورشون بویوك کوزلری
اسرارله پرده لشمش ، اسمنی بیلمه دیکم تللی بر سازچالان بر طیف واردی .
طانیدم ، هزام ایدی . آرقاسنده عشاق ، فرحناك ویکاه خولیالی
چهره لرله اونى دیکله یورلردی . اوزاق آغاچلرك اورتە سنده کوچوک
کوموشی ضیالی بر میدا نجه قده قر جفار ، حجاز ، حجازکار سیاه صاچلری ،
اوزون بیاض لباسلری ، کولن کوزلریله مترنم ، نشئه دار ، رقصان

برنغمه نك اوچان قهقهه لریله دونوب اوینایورلردی .

اوزون سكه سىنك آلتىده كى شعر حزنله نىنك كوزلری ، كبار ،
ضعیف وجودىنك خیالى خطوطنى تزیین ایدن ، یوموشاق عباسیله
صبا ، بویوك برمولىنك دعالر ، وجدلر ، سرلر ایچنده طاپینان روحنى
ترنم ایدیوردی . عجم عشیران واصفهان سیاه جبهلری ، بویوك
قاووقلو ، مظلم چهره لریله ، حرمتكار ، اونك اطرافنده طولاشیورلردی .
بو كوموشلو اورمانی ، بلور صویى طولدیران بيلمه دیکم قیافتلر ،
چهره لر ، مخلوقلر و بوتون اونلرك معناسى سزمك ایچین روحك
کریلدىكى متنوع ، مبهم ترانه لر واردی . بوتون بو مختلف سسارک .
سازلرك اتحادیله عشق ارواحنك آغلاشدیغى برنشىده حصوله کلیوردی ؛
اونى ، اراده م یوموشامش ، بر آزده مخمورلاشمش اولدیغى حالد
اوزون مدت دیکله دم . حالبوکه تحلیل ایدیلیرسه بر سس یوقدی که
روحك برلوتنى افاده ایتمه سین ؛ برنغمه یوقدی که روحك بر صفحه سنى
ترسیم ایتمه سین ؛ بر پارچه یوقدی که الك مهم حیاتك الك مهم بر آجیسنی ،
بر حکایه سنى ترنم ایتمه سین . سوزناكك پنبه قانادارینه صوقولارق
دیدى که :

— بنی آرتق یاتاغمه کوتور ، بوتون عمریمى ترنم ایدن نشیده لرك
خیالیه ابدیاً اویویایم .

چوق سورمه دن چاملرك آراسنده بر پوتین غیجیرتیسى ایشتم ،
حیرت ایتدم ؛ چونکه بوتون ارواح یاچدیک پابوج کییورلر ، یا بلوری
چیپلاق آیقلرله چام ایکنه لری اوزرنده قاییورلر ، یا صولغون ، ضیادار
قانادلرله اوچیورلر ، یا رنگین وظریف ده کیز قیزی قویروقلریله

سورونیورلردی . بونکه برابرینه دوندم . باقدم ؛ سیاه برجیهنك
آلته یوكسك بریافالق طاقش . شیق بریانتالون کیمش ، کوزنده
رتك کوزلك ، سیاه کوزلو ، کوچوك قفالی ، مهالك و عجول طورلی .
اوضاعيله ترانه لرینه جان ویرن برکنج ایدی . هرکسدن چوق باغیرارق ،
متکبر و مفتخر دائماً سویله یوردی . یاننده اونك بوتون سوزلرینی
دقتله دیکه یین ستره و پانتالوناو زوپه طورلی بریسی واردی . لوسترین
پوتینلیسی دییوردی که :

شیمدی غراند اوپردن کلیورم . غربك اك بویوك بسته لرینه
مطلق بنی قاریش دیریرلر . بعضاً نوروه چیايه قدر کیتدی کم واردر .
افندم ، نهاوند اولمق بوتون مقاماتك شاهی اولمق دیمکدر . غریبه
نه زنکین ، نه پرحیات ، نه مشعشع صدالر واردر . بعضاً بو افندیلره
کلوب ترنم ایدرم . فقط بن اصل عربك ، اوبویوکلرک مالییم .
بوسوزلره اوته کیلرک جانی صیقیلیمش کبیدی . هپسی استخفافکار ،
باشارینی چویریورلردی . یالکیز راست خومورداندی :

— مسخره ، زوپه ، یالکیز قانطویه یارار .

او آلدیرمادی ، دوام ایدیوردی :

— بن بو افندیلره سوله یورم . آرتق قانونده والس لر ، سنطورده
غالوپلر ، طنبورده نوقتورنلر چالیناجق زمان کادی . بو سماعیلر ،
پیشرولر ، بسته لر هپ سزه عاٹد !

یاننده کی حجازکار کردی جا کتنی ، بویون باغنی دوزلته رک هپ

اونك دیدکلرینی تکرار ایدیوردی :

— بنده کز ، عاجزانه او اسکی ، آغیر ، مزعج شیاری براقدم ،

کوچوک شیق شرقیلرم وار . کفته لر تی تنلردن آرتق آزاده ؛ بر
یکیلک اولسون دییه کفته لرمه برر دوقتور صیقیشدیریورم :

بر آچیق یاره یه دوقتور اورولورمی نیشترا ؟

اسکی طیوف کندی آهنکلرینه مستغرق ، اوئی دیکله مکه تنزل
ایتمه یورلردی . فقط او آن ، صمدانی بر اورکسترا کانلرینک
ایلک ضربه سی کی معظم بر سسله هیمز سیلکیندک . هر کس
ساحله قوشو یوردی . جبهه لر ، حرمانیلر ، اوزون لباسلر ،
قنادلر هپ بردن دالغالانیور ، چیرپینیور ، اوچوشیوردی .
ساحله بوارواح مقامات دیزلری اوستنه چو کدیله ، برازا اول اویقوده
کورونن رنکسر و سسر ده کیزلر شیجدی اولو دالغله لر ، کوپوکلر
ایله خروش ایتمش آقیور و آلتون ، لعل کولکه لر بو حرکت ورنک
دریاسی اوزریده تیره یوب اوزانیوردی . صوکرابو نهایتسر یانغینلردن ،
کونشلردن بولو طلردن ، طوپلانمش رنکلرله یانان بر افق واردی .
بو احتشام رنکی کونده رن کونشسلرک آلتون ، آتش جریانلرینک
آقیشنی ایشیدیوردق و کونشلری تعقیب ایدن سیاراتک موسیقیسیله
آزیلیوردق . یارب ! اوافقدن ، اوده کیزدن ، او کونشدن انسانی
نه آغلادیجی ، نه خراب ایدیجی سسلر ، ناصل بوتون وارلنی صارصان
نشیده المله ، عشقلر آقوب کلیوردی . سوزناک حیرتکار ، یاشلی بر
سسله بکا دییوردی که :

— بویلدیزلرک ، ده کیزلرک ، رنکلرک ترنم ایتدیکی بویوک
شیلر نه دن بزی صارصیور ، آزیور ، هیچ ایدیور ، قاصیرغایه
طونولمش بر چوپه دوندورویورلر ، بیلیرمیسک ؛ اونلر هپ حیاتک ،

ياشاينلارك ، قىلارك لسانى سويلەيۈرلر ؛ روھلارك حرىكتدە اولان
آنلرىنى ، طبيعتك ھىجاندە اولان صفىھەلرىنى تىنىم ايدىيورلر .
— يابز ؟

دېدىم .

— بىز كۈلكەلرى ، اسكى انسانلارك سىكونتدە اولان قىللىرىنى ،
اسكى رۇياللىرىنى تىكرار ايدىيورز .

— يا كىندى تىسىرمىز ، كىندى كۈزلر ياشلىرىمىز ؟

— خاير ؟ اونلرى ھىچ سويلەمەيز ؟ ابدىاً كچمىش خۇلىالىرى
تىكرار ايدر ، قورومىش ياشلىرى آقئىتىرز ، حىسات ، حىيات حاضىر ،
اوغرىبكدر ، ايشتە !

بورغاز ؛ ۲۹ ھىزىران ، ۱۲۲۴

معبده کی قادیان

روحده کی هر کون آغیرلاشان یوکک بردن بره اوموزلرمی ا کدیکنی
بلی بو کدیکنی حس ایتدم . یا غمورلو ، کیرلی بر کونده ، چامورلر ،
راطب روزکارلر ایچنده ایلرلرکن بوتون موجودیتک ، مایوسیتک
ویره بیله جکی آنی وقطی بر قرارله اوموزلرمی ، روحی اکن یوکی
فیرلاتمق ایچین عصیانی دویدم . همان او کیرلی ، مظلوم فقرا محله سنده
اوستی صنعتدن ، سوسدن تاری کوچک بر جامعه کیردم .
بویا سر ، اسکی کارکیر بر بنا ایدی ؛ دیوارلرینک کیره چلری
چوقدن دوکولمش طاشلری وسیاه ، باصیق ، خراب اولر آراسنده
قورشونی کوکه دوغرو یوکسلن اینجه ، ظریف مناره سنک بیاضلغی ،
اسکی ، یوموشاق ، یشیلیمترهک بررنک آلمشدی . یاغلانمش ، سیاهلانمغه
باشلامش قیرمیزی دیکیشلی پرده سنی قالدیردم . ایچری کیردم .
اسکی حصیرلردن ، رنک لری نه اولدیغی اونوتولمش خالی پارچه لرندن ،
راطب دیوارلردن ، خطوطی سیلینمش کبی بوشلق ایچنده قاراران ،
بربرینه قاریشان لوحه لرندن ، بوتون فقیر ، متواضع ، فقط ییللرله

او قدر بویوک ، او قدر بیکلرجه روحك اسرارینی صاقلایان ظلمتندن
 داغیلان اسکی بر معبد قوقوسی بوتون بینمی واردی . تپه جاملرینه
 وارنجهیه قدر محیطنك قورشونی سفالت ونسیانی ترسیم ایدن بو
 قورشونی ظلمت ایچنده ایلریلهدم . اسکی بر دیركك آلتنده دیزچو کدم
 اللرم دیزمده ، باشم اسکی حصیرلرهمایل طورورکن بوتون موجودیتی
 حیاتدن صیانت ایدن بو قورشونی ظلمتلرده روحم دامله دامله بوشالیور ،
 اوموزلرم اوقه اوقه یوکنی دوکیوردی . ایلریده محرابك یاننده
 اسمرلهشن بویوک مومك دیبنده اختیار برقیوم ، یورغون ، کسک
 عکسلرله گوشه لرده ایکله یین اختیار سسیله قرآن اوقویوردی . جبه سنك
 یشیلی ، صاریغنك بیاضی زمانله موزه لرده کی قیمتدار اسکی لونلر آلمش
 کهنه لکی ایچنده بوتون بو معظم و کهنه بدایعله امتزاج ایتشدی .
 اختیارك اسکی بر کولکه کبی محرابك قورشونی کولکه لری آراسنده
 مطرد صالالانیشتی کوزلرم تعقیب ایدیور ، او اکیلوب دوغرو لورکن
 اوموزلرم دها خفیفله شیور ، روحم دها بوشالیوردی .

بر ساعت بو ساکت ولوش معبدده دیکلند کدن صوکره بوتون
 موجودیتمده غریب بر بوشاق ، سرخوش بر استغراقله قالقدم . قیوم
 حالا اسکی یشیل جبه می ایچنده کهنه ، ضعیف وجودیله صالالانیرکن
 منبرك آرقه سنده سیاه بر کولکه قارباردی ، جامعك بوش ولوش دومانیری
 ایچنده اوچار کبی بکا دوغرو کلدی . بو ، اسکی ، سیاه یلدرمه سنك
 بولانی ایچنده نارین ، اوزون وجودی تموج ایدن ، باشی و بوتون
 صاحب رینی بیاض ، یوموشاق بر تولبند ایچنه صارمش ، یالین آیاق بر
 قادیندی . بر روح کچیورمش کبی هواده بیله بر حرکت حصوله

کتیرمه دن بیاض آیاقلری حصیرلر و خالی پارچه لری اوزرلنده ایکی مقدس کووه رجین کی اوچیوردی . بیاض تولبند صارغیسی ایچنده کوچوک، صولفون بر چهره قورشونیلکالر ایچنده اسمرله شیوردی . برآز دار آلی واوزون ، آچیق قاشلری آلتنده آیسز ، ییلدیزسز کیجه لرك کثیف سیاهلغی طوپلانمشدی . فقط اسکی بر تابلونك دوداقلری کی قیرمیزیلغی یوموشامش دوداقلرلنده ، هیجانسز ، منتظم بورلنده قصورسز خطوطیله ایخه لنوب اوزانان کوچوک چکه سنده ینه عصرلرك الیله اسمرله شمش ، قطعیتی غائب ایده رك روحانیلکندن قازانمش اسکی سوکیلی چهره لرك سکوتی واردی .

بوقادین بلکه یکریمی بش ، بلکه اوتوز بش ، بلکه یوز یاشنده اولابیلیردی . زمان بوقارانلق سوقاقدده ، قارارمش ، فقط او قدر بدیع او قدر روحی اوقشایجی لوش بر معبدده دیکلندیریجی ضیالریله اونی کیدیریرکن انسان چهره لرینه براق دینی اک اوافق بر ایزی بیله اونك چهره سینه براقامشدی . نه یاشادی ، نه طویدی ، نه آغلادی ، نه کولدیسه اونی زمان اونك کیم بیلیرناصل محفوظ روحنده اورتمش ، چهره سندن انسانلغك هر حرصی ، هر آلمنی ، هر آرزوسنی سیلوب کوتورمشدی . بو بوتون کولکه لر ، ظلمتلر ایچنده اسمرله شن خطوطیله بر قادین چهره سی تمثیل ایدن جانلی لوحه نك نه کوزلرلنده ، نه دوداقلرلنده ، نه ده وضعنده انسان حسلرینك بر خیالی بیله قالمامشدی . هله معبدك اوشوتمه یین دعا کار سرینلکینی عکس ایتدیرن سیاه کوزلرلنده هیچ بر شی ، هیچ بر حیات یوقدی . عجبا بوقادین بواسکی معبدك روحیمی ایدی ، نه ایدی ؟ روحنك بوتون انتظار واملری یوق اولدقدن

صوکرہ ، ماضینک بوتون یوکلری ، زہرلری آقوب دوکولہ کدن
صوکرہ معبدہ نہ آرایوردی؟

بنی کورنجه بر آن ایچین آدم کورمکہ آلیشمامشار وضعیلہ
کریلہ دی . صوکرہ سیاہ کوزلری کویا بن شفاف برپارچہ ایمشم کبی
بنی دلدی ، کچدی ؛ معطوف اولدیغی اوزاقلرہ دالدی . قاپیہ دوغرو
کیدرکن جامعک اولوسنده کی مزارلقلرک سرویلرندن چاملرہ
قارانلقلر اوزاتان بر روزکار ایکلہ دی . قادیں بونی بکلہ یورمش کبی
طوردی . کوزلرنده ، دوداقلرنده ابدیاً بکلہ ینلرک صبری ، تسلیمیتی
واردی .

« عبدالحلیم ، بو کونده کلہ دک . » دیدی .

صوکرہ آ کلایامادیغم بر یان قاپیدن بیاض ، مقدس کوودرجینلر
کبی اوچان آیاقلری اوزرنده اینجه وجودی بول ، سیاہ اورتوسی ایچنده
تموج ایدرک غائب اولدی ، کیتدی .

بن قاپیدن چیقارکن قیومده آرقہ مدہ پابوچنرینی کییوردی .

محترز و قورقاق ، صوردم :

— خواجه افندی ، بو قادیں کیمدر؟

اختیار فری غائب اولمش کوزلرنده بنی احترامہ دعوت ایدن اسرارلی
آ کلاشیلماز بیلکیلرلہ ، یوزمه باقدی . جہالتمہ آجیور کبی ایدی .
بونکلہ برابر برچوجوغہ اوکرہ تیلن ایلک دعانک آجیان فقط سوهن
رقتیلہ دیدی کہ:

— باش امامک حرمی صالحہ خاتون ، ارمشدر؛ دائماً کلیر، مرحوم

عبدالحلیم افندیلہ ملاقی اولور ، کیدر ، هر کیزلی شی اوکا عیاندرد .

— ناصل اولیورده بر قادین جامعده بویله دولاشیور ، ار ککله

اولدینی وقتده بویله اورتهده میدر؟

شیمدی قیوم سؤالمک مادیق ایله استخفاف ایدن بر سکونتله

چکیلائی ، کیتدی . آلوده سرویلر اولورکن حرمتکار ودعا کار ،

بیاض بر مزار طاشی اوکنده اللرینی قالدیرمش ، فاتحه ، اوقیوردی .

آرقه سنندن کیتدم ، باقدم . شو ساده ایکی سطری کورددم :

« اوتوز یاشنده وفات ایدن عبدالحلم افندی بوراده مدفوندر .

روحنه فاتحه اوقوییکز . »

ظلال اموات

اسكندريه موزه سنده بر كون

كنيش طاش مرد يونلردن چيقار چيقماز كنديمزى اوزونجه بر
مرمر قوريدورده بولاق . پك صيجاق بر كوندى . كنديمزى
مرمر طاوانلرك سرين كولكه لرينه آتا بيلمك ايچين آياقلىرىمىز طاشلرك
اوزرنده سريىع ، عجول آديملرله سرت ، قطفى كورولتولر ياپيوردى .
بر برينه آچيلان واسع قاپلردن تا ايلريسنه قدر كورولن متعدد سالونلردن
عكس ايدن بو كورولتولو ، خشونتلى آياق سسلرندن ، ينه اوزاق
سالونلرك قعرنده صامت ومعنيدار ، عظمتله ديكله ن طاشدن هيكللردن ،
هواده اوچديغنى حس ايتديكمز اولولرك كولكه لرندن روحمزه بر
خوف مبهم سوزولدى . ضيانتك صولديغنى ، سسلرك يوق اولديغنى قبه لر
آلنده كي ماضى وماضينك اولولريله قارشى قارشى به كلدك .
مقابر دن كچركن قابمزه بر ملال عميق ، بيلمهم دها نره لره قدر
اوچاييله جك اولان انسانلغىمىزك قانادلرى قيريلارق ، وارلغىمىز سفيل

بر عجز چو کر . بیلیرز که هر شیئی فایه واردیران بر سر طبیعتک
 قانادلری بزیده کولکه لندیریور ! بر کون ، اون کون ، بر سنه ،
 اون سنه ، حاصلی اک اوزون مدتی یوق ایدهرک بزیه صاراجق ،
 کوتوره جک ! فقط بو حس موزه لرده کسکینه شیر ؛ اوراده حس
 ایدهرز که بشریتک وجودلرینک ، هویتلرینک ، عشقلرینک ، روحلرینک ،
 صنعتلرینک ، حیاتلرینک اک کوچوک وصفنه قدر - ابدی اولمق حس
 بشریسیله - طاشلرده تجلی ایتدیردکلری تمثاللری ده مزاره کیره جکلر ؛
 تک اولارق دکل اثرلریله ، ملتلیله ، مدنیتلریله کوچه جکلر ! انسانیتک
 اولمه مک ایچین نه مضر ، نه آجیقلی ، نه کولونج اهتماملری وار ! مزارلر
 بزه کندیمزک فنا بولاجغنی احساس ایدهرک بزیه قورقوتورلر ؛ فقط
 آثارمیزک ، افکارمیزک لزومسز بر زینتی اولاجغنی ، اخلاقک مساعده کار
 بر لطفله بونلری بر گوشه یه صاقلایه جغنی حس ایدر اتمز فکریمیزک ،
 صنعتمیزک ، روحمیزک اک اینجه غروری ، اک حساس یریه صیزلار
 و ایگله رز .

الرم یا نمده ، ماضینک طاش شکنده صاقلادیغنی کزیده باشلرک
 قیریق بقیهلری ، آلتونلری ، زییتلری و حیاتلرینه تعلق ایدن بوتون
 لوازمی آره سنده بو حسلارله ازیلمش اولدیغم حالده طولاشیرکن ظن
 ایتدم که بوسسز هواده ، بو جانسز طاش انسانلرک اوزرنده بر تبسم ،
 بوتون حسلرمی آکلایان مساعده کاره فقط بر زده مستهزی بر خنده ،
 بزلرله ، بویکی انسانلرله ، اکلنیور . بونلر نه حس ایدیور ، نه یاپیور ؛
 حیانه هیچ بر وقت بیلعه دیکمز معنا و سرلری بیلپورلرمی ؛ نه قدر
 صور مقایستیور ، نه قدر آکلامق ایچین یانیوردم ! فقط آکلایوردم که

شمديكى حياتلىرى ايسترهيچي، ايستر برضاي مشعشع صمدانى اولسون،
 بويله بر حياته اشتراك ايدم بيلمك ايچين مطلقا اونلردن اولمالى، ينه
 آكلايوردىم كه بر وقت اونلردن انسان ايكن آغلادقلىرى، كولدكلىرى،
 سودكلىرى وياشادقلىرى زمانلىرى بكا آكلاتمقدن چكىنميه جكلر؛ فقط
 ناصل صورمالى ؟

اوتوده عبوس چهره سى وقهار جبهه سيله صومورتان بر ايمپراطور
 « آدرين » ؛ بريده حسن سماويسى ايله مغرور و او قدر انساندن بعيد
 طوران بر « آپولون » ؛ بر ستون اوزرنده بيلمم نه ايچين ابدىلشمك
 ايسته دكلىرى ، باشى قولى اوزرنده اويويان ، طومبول بر چوجوق ؛
 انسانلىرى سورولرله نعللى آياقلىرى آلتنده طاپينديران طونجندن مقدس
 بر بوذا ؛ كنج ، اختيار ، قادين ، ارڪك الھلريله ، كوزللكلريله ،
 چيركىندىكلريله ، خرافاتى و عالمى تلوين ايدن شهرتلىرى و حكايله لريله ،
 طاشدن تمثاللىرى آرقه سنده عنود و بارد طور و يورلر ؛ دارجه برصالونده
 جاملى ماصه لر اوستنده شيرين ، ظريف آلتونلر ديزلمش ، سحارانہ
 پيريلدا يورلردى . بونلر كيم بيلير نه احتراصلر ، نه انتريقه لر وجوده
 كتير مشلر ؟ نه كوزل كوزلرك اك جاذب تبسملىرىنى دعوت ايتمشلر ؛
 نه دوغرو قالمغه عزم ايتمش قلبلىرى تلويث ايتمشلر ايدى ؟ قبه سندن
 صارى آلتون رنگكندى پرتولر آقان مشمس برصالونه كيرنجه حيرتمزى
 بلكه ين بويوك بر وضعيته خدمه پنبه بر پرده چكدى ؛ اوراده ضيانك
 انجه توزلىرى آره سنده سسزجه جيويىلدا يارق بر بويله قونوشيور ظن
 ايتديكم بر صيره ده كوچوك ، شيق ، طاش قادينلر طور و يورلردى .
 صاحابرينك ظريف دالغه لر ينك اك انجه كوزللكنه ، كبار ، وقور

چهره لرینك اك يوكسك نظر متكبرانه لرینه ، فستانلرینك اك اوفاق
 قیرمه لرینه قدر محافظه ایدیلن بو اعیل ودلر رومالیر ، ایکی بیک
 سنه لك تقدم وعظمتلرینی محافظه ایدیورلردی . صاحب لرینك قیرمزی
 دالغه لرینی ، فستانلرینك پارلاق رنگلرینی عصرلر صولدورامامش ،
 فقط یوموشاتمیش ، اونلره محتشم وشاهانه کولسکلر ویرمشدی . خدمه
 « بو کوچوکلر بوتون موزه یی صاتون آلیرلر . » دیرکن یوکسك
 صاح قاباتمالری آلتنده دارلاشان بو آلنر ، معترضان و مغروران ،
 دها پك چوق قیمتدار اولدقلرینی اعلان ایدیورلردی !

بو سالونك تا اورتہ سنده محتشم برمدور مرمر بانیو ، اسکی
 و مصنع مرمرلرله ایشلنمیش بر زمین اوزرنده ، اطراف ی زنجیرلرله
 محافظه آلمش ، طورویوردی ، صوردم ؛ « قله اوپاترانك بانیوسی ! »
 دیدی . بؤکله یه اعماق روحدن لرزشلرله هرج و مرج اولان شی
 جواب ویردی . بوتیرشه نیلک ، بوشیل خرمدال لرینك ، بوقیزغین
 سانك ملكه حقیقه سی عینی زمانده نه قدر متوج باشلره ، شاهانه
 کوکلره ، چیلغین پرستشلره حاکمه اولمشدی . بانیونك اوستنه تصادف
 ایدن برقبه جامندن صاریشین ضیا ذره لری اویناشارق ، قایناشه رق
 اسطوانی بر نور جریان یی ایچنده پر حیات رقصان ایدیلر . بر زمان ،
 دنیا نك بواك بویوك ماجرای عشقنی تعقیب ایدن خاطراتم دالدی
 کیتدی . ذرات ضیانك نورانی رقصنه دالان کوزلر مه برطل ممات
 دکل ، برطل عشق جواب ویردی :

ذرات ضیا آراسنده منور ، بیاض بر بخارک برقادین شکلنی آلمقده
 اولدیغنی کوردیم . قله اوپاترانك بانیوسندن چیقیوردی ؛ بونور جریان یی

ایچنده آنجق سچیه بیه جک قدر اثری بر خیال یو کسل یوردی . قیزلیلی
 آلتون دالغه لرله صاچلری ، آلتون اورمه بر فیله ایچنده ضبط
 ایدیل یوردی . عریان و نارین اوموزلری نازک ، خیانتکار خطرله
 آشاغی به دوشیور ؛ ایلاک شبابه صنعتکار بر روحک بوتون بدایع
 عشوه کاری سنی ایجه آلتونسی بر صار یلقه انجلا ایتدیرن بر وجود
 بوتون فسونی ، بوتون قدرت بی آمانیله اوزانیوردی . صوکره بو
 آلتون وجود ، آلتون ذره لرك اوردیکی اورتو آلتنده دالغالانیوردی .
 خیالی یالکیز یانندن کوره بیلیوردم . خارق العاده نرمین منحنی لرله
 رسم ایدن یانقلری ، مقاومتسوز بیاض و نارین بر چکه ایله نتیجه -
 نیوردی . دار جبهه سی آلتنده اوزانان اوجار یله طوغدینی مملکتک
 بادم کوزلرینک اک مقتناسنه مالکدی ؛ بو کوزلر ، خلقت اوشکلده کی
 کوزده ایکی دفعه عینی خارقه یی ابراز ایده میه جک قدر بدیع و مستثنا
 ایدی ؛ قعرینی کوره میوردم . هر حالده اعماقی تقلید ایدمز بر آتش ،
 بر حیات سیاهانی ایله یانیوردی . بومظلم ضیالر ، نیاز کار ، نواز شکار ،
 سحر کار و متحکم قادین شکلنده تجسم ایتش بر عشق مهلکک اسرار
 احتیاساتی عالمه یاییور ، یوللایورلردی . ظن ایتدم که شمسک آلتون
 شعاعانندن نسج ایدمش جانلی اورتوسی آلتندن قوللری دعوتکار بر
 وضعه قالقارق آلتون سسیله : « مارکوس آنطونیوس » دوداقلر مزده
 ابدیت ، کوزلر مزده جنت وار ؛ « دییوردی .

نهایت موزه نك مدخلنه کلمشک ؛ بزی کزدیرن خدمتچی یرده
 جاملی صندوقه لری کویستره رک اهمیتسز بر طورله « بونلرده مومیالر ! »
 دیدی . اهمیت ویریله یین بواک حقیقی بقایای جنسی صوئوق بر تماس

ایله بنی اولدیغم یره میخلادی . اوتہ کیلر ! طاشار وزینتلر هپ خیال
اولابیلیر ؛ فقط بونلر ! ات و کمیک بقیه لری ! ایشته بونلر ، یارینکی
بزلرک ائدوغرو تمثاللری ! بونلری کورنجه فنا بولمقدن قاقچق ایسته یین
خیالک یولی قاپانیور ؛ چیپلاق انسانلغمنز و عجزیمزله قارشى قارشى یه
کلیور . مشفق و رحیم بر حرمتله ایلریلیه رک هر صندوقه نك محتویاتنه
باقدم . بونده نجسس و حیرت یوقدی . نظرم ماضى به نفوذ ایتک ،
بوزواللی انسان بقیه لرینک کیکلریله بر نقطه ارتباط آرامق ایستیوردی .
ایلك صندوقه اك یوکک و کنیشی ایدی . ایچنده کی اوچ مومیانک
صارغیلری چوزولمش ، اتلری چورومش ، کیکلری ده چورومکه
باشلامشدی . اولاً اوزون ، پک اوزون بر ارکک اسکله تی قوللری
یاندە ، اوزانمشدی . اونک اوموزندن دیزلرینه قدر بوی اولان قادین
اسکله تی چورومکه باشلایان قومرال باشنى ارککک قولنه قویمش
یاتیوردی . صیرتاران چهره سنده عمیق بر اویقو وسعادت واردی .
صوگره بونلرک اورتە سنه مینی مینی صارى بر اسکله تچک قاریشمشدی .
قلبمده بوسعاده قارشى هم خشوع ، همده بر آرز حسد اویاندی !
حیات آرقاداشیله ، یاوروسیله رؤیای مسعدتلرینی ابدیتە قدر کیکلرنده ،
کیکلرینک توزلرنده کوتورن بوچفت ، حیاتک غایه عنایتی المشلردی .
اونلرک بر برینه قاریشارق اجزالری برلشن بو اوچ کام ایله اویویان
بقیه لرینه صورولاجق بر شی یوقدی . باشمی اکدم . اوزاقلاشدم .
اولولرکده دیریلر کی شخصیتی اولانی واولمایانی وار ! بو بر آلاى
ظلال اموات آراسنده هان دقت ایتدیکم ، اعصابنک شدت تقلصی ،
چهره سنک اوزرینه وضع ایتدکلری رسمده بیله محافظه ایدیلن چاتیق

قاشلی ، مضطرب کوزلی بر بیزانس پاپاسی اولدی ! احتمال خسته اعصابی صوصدورمق ایچین مصرک اوزاق چوللارنده وجودینی زنجیرلرله دوکمهک کیش ، نماتده بیله مریض روحنک تقلصی محافظه ایدیوردی . اک صوگ کوردیکم رومالی برقادین مومیاسی ایدی . صیقی صارغیلری آلتنده کیم بیلیر قاچ یوز سنه زنکین و بلیغ خطلرینی محافظه ایتشدی . کوچوک ، یچیمی آیاقلارینک طیرناقلری بلکه بر نشانه اصال اولمق اوزره آلتونله قاپلانمشدی . اوفاق باشنک صارغیلری اوستنه یاپیشدیریلان رسم ، ایری کوزلری ، طولغون ، قیوریق دوداقلری ، حساس بورنی ایله تام کوزهل برقادین چهره سی ایدی . یک شاهانه بر صورتده یووارلانان کوکسنک صاغ طرفی ، صارغیلری آلتنده چوکمهک باشلامشدی . صندوقه سنک جام قاپاغنه دایانارق اوزون مدت اوصارغیلری یارارق وجودینه ، صوکرده اوجودک چوقدن اوچش اولان هویتنه نفوز اتمک ایستیوردم . باقمقدن یورولان کوزلرم اوقدر درین بر سکونتله عدمه کوچش بوجودده بر حرکت کورویورم ظن ایتدی . بویوک کوزلری دوستانه بر تبسمله قیمیلدادی . نه دیمک ایستیوردی ؟ بنی اوزون بر صحبتیه می دعوت ایدیوردی ؟

بیلیمه رؤیایمی ایدی ! هریرده بر کشف قارانلق واردی . بن صولوق صولوغه موزهنک کنیش مردیوه نلرندن چیقئوردم . بنی صوگ رومالی قادین دعوت ایتش ، اوکا کیدیوردم . قاپیده کیمی کورمک ایسته دیکمی صورارلر سه نه دییه جکم ! چونکهکاسه نی تمامیه اونوتمشدم . بیلیمه ناصل اولدی ده کیمسه برشی صورمادی . ظلال امواتک

آچيقدن آچيغه فيصيلداشداقارى صوئوق، راطب سالونده عجيا غارديان اويويورمىدى؟ اويومايورسه نه اولاجقدى؟ بواسرالى فيصيلتىنى آكلاياجق ومنع ايدى بيله جكمى ايدى؟ بوكشيف قارانلقده بر چوق جسملرك حركتلرني حس ايدىيور، درين، اوزون، معناسنى بيلمه ديكم برمكالمه ايشيتيوردم. تامدخلده اثيرى برال بنى چكدى؟ كوندوزكى صندوقه نك ياننه كوتوردى، ديز چوكدوردى. صندوقده بر حركت واردى. ياواش ياواش برسس برشيلر سويليوردى:

«اسم لوقره چيادر. ايمپراطور آدريانوس زماننده كى اسكندريه واليسنك يكنى يم. كوزملى يم؟ البت اوزمانك اك كوزمل قادينى.. دايم بكا، دكل بوراده، روماده بيله كوزمللرك باشى اولاجغى سويلردى. فقط رومايه كىتمكه حاجت قالمادى. آفريقاي طولاشيركن ايمپراطور ايمپراطورچيه ومعيتى ايله اسكندريه كلى... نه محشم، چيچكلى، خيالى زنكين ضياقتلر، اكلنجهلرله اونلرى قارشيلادق. بونم ايچين بويوك بر موفقيتك ابتداسى اولدى. روما اصيلزاده كانى كوزلرمك قارشيسنده بوتون ثبات ومتانتلرني غائب ايتديلر. برربرر حسنه اسير دوشديلر. برايكيسى ده مأيوسيتندن دامارلرني آچدى. ولى عهد آنطونيوس هر وقت چكهمى اوقشاردى. ايمپراطورچيه همان بنى دام دونورلرى آراسنه ادخال ايتدى. نه شان! نه شهرت! نه دبدبلى كونلر! اسكندريه دن روما جمعيتلرينه قدر صيت حسنم منتشر اولدى. فقط بركون!...»

«فقط بركون! ايمپراطورك ياننده بركنج كورمشدم. او آنده آپولونك دنيايه كلىكنى حس ايتدم! بوكا، كنديسى روما الهلرى

آراسنه ادخال ايدن ايمپراطور آدریانوسك عبوديتنى آرقهده براقان بر آتشله ياندم. نهايت بنمده تاج مظفریتم قیریلش، بر کنجك آياقاری آلتنه یووارلانمشدی. اوزمانی تصویر ایچین سزدن بری بر کتاب یازمش. او یله می؟ حتی کچن کون عجیب قیافتلی بر آدم اسمنی بوراده سویلیوردی: « ژورژ اُیبرس » دکلې؟ صوکره بو بارد، کوزهل وجودی کندیمه جذب ایچین هر شیئی یاپدم. رومالی برقادینك، الـمقدس اولان عظمتنی پایمال ایتدم. فقط او بردقیقه، بر آن کوزهل کوزلرینك یورغون نظرنی بکا چویرمدی. صوکره دن سویله دیار: چیرکین و طوپال بر یونان قیزینی سوه رمش!

بوراده سسنده محترص بر طولولق حاصل اولدی. سالونلرده کی کورولتو آرتیوردی؛ فقط او دائماً سویلیوردی:

« بر کون ايمپراطور یچه بنی برشی صـورمق ایچین ايمپراطورك دائره سنه کوندردی. ايمپراطور کیجه لری اکثریا ییلدیزلره باقاردی. قاپینك او گنده بولونان نوبتجی اونك رصد قله سنده اولدیغنی و ایچریده ندیم آنتینوس بولوندیغنی سویله دی. قلبمی لذتله اولدورن بر فکرله چیلدیردیغمی طویدم. المده بر کاغذ اولدیغنی، ايمپراطور یچه نك کوندردیکنی و بو کاغدی ايمپراطورك او طه سـنه قویاجغمی سویله دم؛ نوبتجی یول ویردی. »

« نیم ضیادار او طهده ايمپراطورك قاپلان دریلریله مستور اولان سدیرینك او گنده او، دیگر بر قاپلان دریسنه اوزانمش، قیویرجیق باشنی قولنك اوستنه قویمش، او یو یوردی. او وقت داها قطعیتله آکلادم که آیولون بو کنجك وجودنده در! »

« بولوش صرمر اوطەنك اورتە يرنەدە ديزلوم والارملە سورونەرك
يانە دوغرو ايلريەدم . صاحلرم باغلرندن چوقۇلش ، بىملە برابر
يرلردە سورونيور ، حرکاتى منع ايدييوردى . نهايت ياقلاشدم .
اوموزندەكى اورتويى فيرلاندەم ، باشى قالدیردم ؛ صاغ اوموزمك
اوستنە قويدم . »

« بوبران بىلە سورمەن برتماسدى ؛ فقط باشى اوموزمدە تا
قلىمى قاووران بر آتشلە بنى پارچالادى . يەنە او آندە كىندىسنى
سلاملايان سالاخ شاقيردىلرني متعاقب ايمپراطور ايجرىيە كىردى .
فقط بن ! اللرم بوتون وارلغمە سيال آتشلر كوندەرن بونقطە اوزرنەدە ،
پريشان وبى تاب قالدەم . آدریانوسك آلتندە دامارلر قابارمشدى ،
كوزلرندن شمشكلر صاحپايوردى . لباس حكمدارى يى تىترەتن قولى
يوكسەدى ؛ قاپى يى كوستردى . كىردىكم كې سورونەرك چىقەدم .
وايمپراطور يچەنك يانە كىتمكى خاطر مە بىلە كىتىرمىەرك كەندى اوطەمە
كىتەدم . اورادە وجودمك اورتولرني آتارق صرمرك اوزرينە بويلى
بوينە ياتەدم . ظن ايتەدم كە صوئوق صرمرلر دكل ، اسكەندريەنك
راطب كىجە سىرىندەكى بىلە حرارت مە قاينايور . بونىكلە برابر ايمپراطوردن
برخبر بىكليوردەم . البت بىكا شەيد بر مجازات واردى . »

« چوق سورمەدى ، نوبتى قاپى يى اوردى ؛ آچەدم . الەدە بر
كوموش تېسى ، اوستەندە بر مەكتوب ، بىردە بوزلو شىرتى حاوى
آلتون برقدح واردى . نوبتى احتراملە اكيەرك :
« ايمپراطور حضرەتلرى يا مەكتوبى ، يا شىرتى آما كىزى امر
ايدىيورلر . » دیدى . »

« بررومالی قادینک صوڭ ساعته یاقیشاجق برسکونتله : » ایمپراطور
حضرتلرینک امرلری یرینه کله جکدر . « دیدم .

« اوراده دیزلرم اوزرنده مهر حکمداری یی قوپارارق مکتوبی
اوقودم . وجودمده کی حرارت بردن بره طوندوروجی بر برودتله
دامارلرمده طولاشمغه باشلادی . ایمپراطور یچهنک معیتنده بولونان
کور ، مسخره ، چرکین بریونان فیلسوفیه اولنمه می امرایدیوردی ،
بوامری قبول ایتمه مک طبیعی قدحک محتویاتی صوڭ دامله سنه قدر
ایچمه می انتاج ایده جکدی . قلبمک بر تک ضربه عصیانی اولدی .
صوکره اوموزمده کی خاطره جنتی خاطر لادم . برالم وارلغمی قاووران
اوموزمده اولدیغی حالدده قدحی دیکدم . اوموزمده کی خاطره آتشی
محافظه ایتدجکه واراولاجغم ؛ اولوم ، حقیقی عدم ، بوتماسک یاقدیغی
یریوق اولنجه کله جک »

ألمی جامدن اوزاتم ؛ چو کمکه باشلایان بواوموزی شفقته
اوقشادم . آرقه دن بیزانس باباسی اولدیغی تصور ایتدیکم مضطرب ،
خسته برسس :

« بنمده ماجرامی دیکله مز میسک ؛ دیوردی . خایر ! خایر !
بر ماجرای عشق داها دیکله مک احتمالن دن اورکهرک موزه نک
مردیوه نلرینه دوغرو قوشدم . بیلمهم ناصل اولدی ، قارانلق
قدمه لردن آشاغی مظلم بوبوشلغه بدکده ظلال امواتک کوندوز
چکیلدکلی سیاه فضایه یووارلاندیم .

سقوطمله اویانمشم ، اسکندریه نک براق سہاسنده یانان صاریشین
کونش پانچورلری کچهرک یاتاغمه قدر کلیوردی .

اسکندریه - اوتل بونار ؛ بازار ، ۲ مایس ، ۱۳۲۵

فریدون حکمتک ژورنالندن

قارده شم و دوستم فاطمیه

۱

یو وارلاق ، قومرال باشیله ، دیزلرینک آلتند قیوریلان درست ،
فعال کوچوک باجاقلریله آنه مک یورغانک اوزرینه اوزانان صولغون
النه دایادینی یاناغیله اونی ایلك دفعه کوروپورم ظن ایدیوردم .
اوطه نك اوته کی گوشه سنده ابراهیمک یرنده اولق الم تهالکیله ،
حیا زدن بویوک برضیانک ، متین براستنادک چکیلوب کیتدیکنی مبهم
بر آکلایشله سینمش ، بکلیوردم . هیچ اونوتمام ، آنه مک بیاض
یاصدیقلر اوزرنده چهره سنک خطوطی واضح بر قطعیتله میدان چیقمشدی .
صوکره بیاض تنک اوزرنده اینجه ، مستثنا قاشلرینی ، یورغون ، مائیتره ک
کوزقا پاقلرینک آلتند تیره یین اوزون کیرپیکلرینی صوکره دقیقه قدر رنکین ،
دولغونلغنی ، مساعده کار ، نواز شکار چیز کیرینی محافظه ایدن دوداقلرینی
یکی کورمش کی تدقیق ایدیوردم .

ابراهيمك آلتونمسی لونی تعیین ایدمه مدیکې بر اغبرارله پنبه لشمس،
کوچوک دوداقلری بو کولمش، اوطه نك لوش گوشه سنده قویولاشان
کوزلری منفعل بر حیرتله بویومشدی .

أوده بر ده کیشیکلک، بزم موجودیتمه تعلق ایدن بر ده کیشیکلک
حس ایدیوردق . کرچه خسته نك ابراميله یاتاقلریمز بو اوطه نك
گوشه سنده قالمشدی . فقط صباحلری کوزیمزی آچهدن بزی یاری
ایصینمش بر خدمتچی اوطه سنه قاچیریورلر، کیدیریورلردی، اک
معصوم حرکت مزده ذاتاً یوکا وسیله آرایان خدمتچیلر قوللریمز
چیمدیکیه رك درشت سسلریه « صوصه کز آ، آنه کز اولیور.»
دیورلردی؛ بابامزك آلتنه اک یوموشاق نوازشه اک صامت تکدیرلر
صاچان برفیرطینه دولاشیوردی.. صوفه لرده بر دیکله یش، قوریدورلرده
کیجه آیاق سسلری، بعضی کیجه یی شه زلونغ اوزرنده کچرن عبوت
الوجه بردوقتور... بونارک هپسی تجسمزی اویاندرمقله برابر بزی
متأذی ایدیوردی .

بو کون ینه صباحلین بویوک بر تلاش اولمشدی . بزی آشاغییه
قایامشلردی . فقط دادانک آشچییه اکسیک اولمایان زیارتلرندن استفاده
ایله ابراهیم بم اوموزمه باسارق قاپی بی آچمشدی، صو کره ایکی مزده،
قلیمز قابورغهریمزدن فیرلایاجق قدر کومبورده یه رك آنه مک اوطه سنك
قایینه کلشك . ابراهیم سسنده چوجوق شکایتی ایله ایچری دالارکن
بن کدی کی آرقه سندن کیرمشدم . آنه م کوز قاپاقلرینی کندینه
مخصوص آغیر وضعیه قالدیردی، یورغون نظرند ابراهیمه مشفق
بر دعوت پارلایوردی . ابراهیم قوشدی، فقط بودکیشن آنه یه

قارشى بردن بره يابانچىلىق حسى وىرن مېهم بر كولىكه دن محترز وقورقاق،
 اوراجغه ، دىزلرينك اوستنه چوكدى . ياناغنى آنه مك اوزانان
 ضعيف الى اوزرينه ياپىشدى رارق حيرتله بويوين كوزلريله باقيور ،
 اوزرندن معنای حيات سىيلينمكه باشلايان بو معزز چهره مك اولو
 سكونتنى نظرلريله ييرتوب تاصىجاق آنا روحنه قدر كىتمك ايسته يوردى .
 ايسته او زمان آنه مك ياواش ياواش صوغويان ، اك سودكارلارندن
 اوزاقلان لاقيد ، صوغوق ، اولوملو كوزلارنده مدید ، عمیق براسف
 وعجزك آنا يوره كنك اك اينجه تللرينى چكوب كرديكى كوروپورم
 ظن ايتدم .

« آرتق سن بويودك » ديه اونك اهتماملارندن بى اوزاقلانلار
 آلتى ياشمه ناصل لعنت ايدييوردم . هر كسك ، حقى آنه مك
 بيله اك كىزلى قابليت شفقتى انحصاره آلفه باشلايان بو كوچوك
 قاردهش ناصل اوياناقدن ، او الدن قىسقانييوردم . فقط چوق
 بلكه مدم . آنه م تكرر يورغون نظرلريله برشى آرايور كى
 ايدى . دوداقلارندن حيات وبشرى غائب اولمش بر نفسله بر
 « فریدون » فيرلادى . او زمان قوشدم ، ظن ايدييوردم كه قابلم ده ،
 بىلكم ده برابر قوشيور؟ ياناغنىك تا يانه ، حتى ايچنه طيرماشدم ، بيلمه م
 او كون نه دن چكىنگن دوداقلرم اونك صوئوق ياناقلرينه متحسر
 وصىجاق بوسه لر باقيورلردى . بر لحظه ايچين او صوئوق كولىكه مك
 ضعيف چهره سندن اوزاقلانلارنى كوردم . صوكره دوداقلرينى
 قولاغمه ياپىشدىردى ، صاخ قوليله بكا صاريلدى ، چكدى ، باشى
 كوكسكه ايندىردى . حالا ايشيتديكم كىيك ، زبون بر سىله : « سن

ابراهيمك آنهسى اولورميسك ؟ » دیدی .

بزی او یاتاقدن قوپارارق قالديرمشلردی، خدمتچیلر باغریشیور، بابام حایقیرارق، هیچقیرارق آغلایوردی . بر چوق ارکک سسلری بردن یوکسک یوکسک قونوشیورلر، فقط بابام چیلغین، طاشغین بر یأس عجزله دائماً هیچقیریوردی ؛ آرادهده بردن بره بزی اوشوتن بر قهقهه ایشیدیورق . دادا قاپنک آراغندن بزه یمک اوزاتان آشچی به فقیردایارق « غالباً چیلدیریور » دییوردی . او کیجه خدمتچی یاتاقلری ایچنده « باق ، پچلر ناصل یمک یورلر » دین اختیار بر دالقاووغک سسندن اورکوب چکیلن ابراهیمله یان یانه، سسسز، یاشسز، آچ و سفیل بر کیجه کچیردک . صباحه قارشى دالمشز ؛ رؤیامده ، آنه مک بیاض انتاریسیله، بیاض چهره سیله ابراهیمک کوچوک باجاقلرینک تیشه مدیکى بر سرعتله افقلره دوغرو قوشدیغنى کورو یوردم ؛ صباحلین ابراهیمک « آنه ، آنه مى ایسترم . » فریاديله اویاندم . اوولیور ، تپنیور ، کیجه لکیله یالین آیاق ، یوزی قیزارمش بوتون قوتيله باغیریوردی . بابام قیرمیزی کوزلریله کلدی ، ابراهیمی قوجاقلادی ؛ بکا باققسزین کیتدی . آیاقده دوران دادا « بوچوجوق خائمش ، باق آنه مى هیچ آرامادی » دیدی . او یالکیز لغمک، چوجوق قلقدە او قدر مخوف اولان کدرمک غایه سی اولدی . بوینى بوکدم، بر کوشه به بوزولدیم . او کیجه بابامک اوطه سنده یاتدق . ابراهیم بابامک قویننده یاتیوردی . فقط بن خدمتچیلرک یاننده براقیلامادیغندن بیله مسعود ، ابراهیمه یقین اولمقدن بر آز متسلی ایدم . بابام بنی کلوب کمال جدیتله اوقشایوردی . فقط بونده بر آز بنی قیصقا نماسین، بر آزده وظیفه دیه

یاسیلدیغنی افشایدن برصوئوقلق واردی. اونک ابراهیمه صاریلشنده کی
 حار، صمیمی بر تهالک بکا ویریلن نوازشلرده یوقدی.
 بکا او زمان بر عذاب اولان بو طرفدارلغه شیمدی ابراهیم نامنه
 متشکر اولیورم. حیاتی، کنجلیکنی آناتولینک هجری بر گوشه سنه
 کومن زواللی ابراهیمجک!

فقط بن چو جو قلمی سویلیوردم. ابراهیمه بابامک سودیکی،
 فقط یارامازلغی حسیه خدمتجیلرک خیرپالادقلری چو جوغه قارش
 آری، آری ایکی حسله متحسدم. بری دوغرودن دوغرویه بنم
 موقعی غضب ایتمه سندن دولای برکین، بری نهایتسن برحمایه وشفقت!
 سنه لرچدکجه آنه مک قوی بوینده، ضعیف سسیله « ابراهیمک آنه سی
 اولورمیسک؟ » دیدیکنی داها زیاده ایشیتیردم.

اوج سنه صوکره اوه شیشمان، کنج، قیرمیزی بر قادین کلدی،
 حیاتمزد یکانه فرق بزی بابامک او طه سندن چیقارمالری اولدی. ابراهیم
 بوکا باغیردی، آتیلدی، فقط بن عادتاً نموندیم. بنی اوندن آیران
 او امتیازه نهایت ویریلیوردی. کوچوک بر او طه ده کوچوک یاتاقلریمزی
 قارش قارشیه قویدیلر، ایلمک کیجه ابراهیم آغلایه آغلایه قوینده
 او بودی. بکا کلیورکه ابراهیمله بنی باغلایان قارده شلکدن باشقه اولان
 سائقلرک اک بویوکی آنه مک وصیتی، اک سوره کلیسی ده حیانده بنم
 سومک، اونک حمایه ایدلمک ایچین بربریمزه باقمه من اولدی.

اووهی آنه من حیاتمزه نه عذاب، نه ده فضله سعادت علاوه ایتدی.
 متوسط، ای یورکلی، بر آرز بدلاجه بر قادیندی. ایکی آی صوکره
 بابامک آنجق بر او طه خدمتجیسی قدر کندیسنه اهمیت ویردیکنی آکلادم.

بابام هر وسیله ایله ذواللی قادینه بر خدمتچی کی باقیوردی. آنه مک پوتینلرینی ایله کییدیرمن بو آدم بو قادینه هر آقشام کندی پوتینلرینی چکدیرمک ایچین آیاغی بورنه اوزاتیوردی.

بعضاده یاتاغک یاننده کی قولتوقده بر دیزنده بن، بر دیزنده ابراهیم موازنه عقلندن شبهه ویردیرن شن بر سسله آنه مک رسمنه باشنی صالالایارق « باق لامعه جغم، سنک چو جوقلریکی نه قدر سو یورم، بندن خوشنودمیسک؟ » دیردی. اکثری بونطقار، باشی ابراهیمک کو کسنده، اوزون بر هیچقیر یقله نتیجه لیردی.

بویله بر دقیقه ده بر کون اوومی آنه مک کوزنده بر دامله یاش کورمشم. او کوندن صو کره کندی اوندی کندی نه اهمیت ویردیرمین بو قادینه صو قولدم، وحالا اونک النی اویمک اوزره قوسقه یه کیتمکده بر بایرام قاچیرمادم.

بابام بن اون آلتی یاسنه قدر صاغ قالمقه برابر هیچ بروقت بکا، آنه مه قارشى آلتی یاشمک ویردیکی نه حرمتی، نه ده حاره آتشین بر رابطه یی حس ایتدیردی.

بابامک نه تکملات ذهنیه مده، نه ده قلبیه شکل ویرن جدال روحیده بر موقعی وارد. آنه مه بوتون عشقیله برابر اونی هیچ آ کلامامش، اونک تزیه ایجه لکی یاننده قابا ابتلاسیله اونی رنجیده ایتش اولدیغی حس ایدردم. اوندن فضله اولارق بو عشقی بعضاً بزم، خصوصیه بنم، یعنی چو جوقلرینک آراسنه بیله کیرردی. هیچ بر دفعه آنه می قوجاقلادیغمی خاطر لامیورم که بابام مطلق بنم یاتاغمله آنه مک نازک

یا ناقری آراسنه کندی سرت چهره سنی صوقاسین ، قوللریله اونی
بندن کنندینه دوغرو چکمه سین ... فضله اولارق دائما ابراهیمی
فضله سومش و بنم کنندیسنه قارشی ساکت ، فقط مؤاخذه کارحسیمی
سزمش ، بکا اکثریتله حقسنز و درشت داورانمشدی .

یالکیز اولمهدن برایکی آی اول برچوجوق دوشکونلکی ایله بنی
قارشیسندن آیرمامغه باشلامشدی . بونک سببینه ده صوکره آکلادم:
چهره مک آنه مه اولان مشابعتی ایدی . کنندیسنه بورجلو اولدیغ
خاطرات حرمتکارمله برابر بکا بابامک بر شیئی هیچ بر وقت عفو
ایده مدم . اوده آنه می بندن زیاده سومش اولق ادعاسیدی .

بر کون ، کلدی ، یا تاغنه کیردی ، بنی چاغیردی ، چهره سنده
بنی اورسنه اولکی بر خاطره مؤلمه یه عودت ایتدیرن یاری بر جانسزلق
واردی . کوزلرندن ، آلتندن حیات یاواش یاواش سیلینوردی ؛
فقط آغزینک اطرافنده هیچ بر وقت حیاتنده کوره مدیکم بر سکونت
واردی . بکا کنندیسنک اوله جکینی و کیسه سنز قالا جق اولان کوچوک
ابراهیمه آرتق هم آنا و هم بابا اولما می رجا ایتدی . صوکره باشنی
دیوارده کی آنه مک رسنه چویردی . بنده یاواش سجه اونک النی
اوپدم . یکر می درت ساعت صوکره اولمشدی . بو حیاتمه او قدر
بویوک بر نقصان اولمادی . ذاتاً کنندیم محتاج حایه ایکن بردن بره
الله قالمش ، تربیه اخلاقیه سنک مسئولیتی اوزریمه آتیامش بندن او چ
یاش کوچوک برچوجوغه حامی اولیور مشدم . بونی کنجلاک چیلغینلقلرندن
قورتاردی . کتابلرمدن باشقه حیاتده بر اندیشه م واردی ، اوده
ابراهیمی ناصیه سی تمیز ، قلبی آچیق ، دوغرو بویوتمک ! و بوکا

امیدمدن فضله موفق اولدم . یالکیز بوکون بو موفقیتمی ابراهیمك
نجیب، نزیه مایه سنه می یوقسه بنم پك جدی اولان، ابراهیمله کچیردیکم
اوزون سنه لر می مدیون اولدیغمی بیلمیورم . کوچوک قارده شم
ابراهیم سنه لرجه روحمز بربرینه قارشى عریان اولارق ایده آل بر
رابطه ایله مربوط قالدیغم وارلقدر .

او بنم نصایحمله می بویله اولدی؟ یوقسه بن اونك اصالت روحیله می
یوکسلدم؟ فقط بونك برسؤال قالماسی بنجه مرجعدر .
ایشته حیاتمك ایلك صفحه سی !

نور عثمانیه ؛ ۱ کانون اول ، ۱۳۲۴

ابراهيم حكمت مکتبدن پارلاق برضابط اولارق چيقدی. اونك
 اونیفورمه سی آلتنده متناسب، قوی وجودینی، اوموزلری اوزرنده
 هر کسدن باشقه بر وضع کبارانه ایله آرقیه میل ایتدیردیکی ییچیمی
 قومرال باشنی بو کونکی کبی خاطر لایورم. چوجقلغنك آلتونمی
 دوز تنده، دائما کنج قیزلره غبطه ایتدیره جك برچوجوق طراوتی
 قویو مشعشع کوزلرنده، قومرال قاشلرنده مغنیدار، آچیق خصوصیتی
 محافظه ایدیوردی. سوقاقده برابر کیدرکن اوکا بردفعه داها باقق
 اوزره هر باش، خصوصیه قادین باشلری هر دفعه چویریلیردی. او
 عادتاً ساری اولان شطارتیه، هراندیشه کولکه سندن عاری، لکه سز،
 آچیق، سیمی آلی ایله هرقلبه بریول بولمشدی. ابراهیم حکمتدن
 کیم بحث ایدرسه ایتسین بر کره مطلق «چوجوق، کوزدل چوجوق!
 دییه جکدی. صوکره اونی ذهنلرنده دولتك اڭ بلند، اڭ یوکسک
 موقعلرنده کورورلردی؛ اونی برداهی درجه سنه اعتلا ایتدیرمکدن
 بیله چکینمزلردی.

بنده عینی زمانده ملکیه دن اولد فجه ای برشهادتنامه ایله چیقم شدم.

فقط نه بن ، نه باشقه سی بنم نه اولاییله جگمی کس دیره میوردی . بکا کلیور که بو یکر می ایکی یاشم حیاتمک اک دغدغه لی ، اک مبهم و اک چوق حسی فاجعه لرله دولو اولدینی زماندر . ابراهیم حکمتی عقلمجه اخلاقاً و فکرآ یتیشدیرد کدن صوکره بوتون بوتون کندیمله مشغول اولیوردم . فقط ابراهیم بنم روحمک بوتون تحولاتنک اک اینجه تفرعاتی اشغال ایتدیکی صرهدده ینه بنم حسیاتمک برسامی و بوتون حیات قلبیه مک آرقداشی ، شاعدی ایدی . ائی خاطر لارم ، بکیر بکننده اسکی یالینزده بر برینه آچیلان یاتاق اوطه لریمزدن چوق وقت سسلنه رک بر بریمزله قونوشوردق . بعضاً ابراهیم کیجه لکیله کلیر ، قولتوغمک یاننده بر پوفه اوطورور ، بنم بیتمز توکنمز صنعت قورونتولریمی ، اوزمان عشق ظن ایتدیکم اشتکالری ، آجیلری دیکلر ، دیکلر و بندن مأمول ایدلمه یین بعضی درشت لاقیردیلمه باشی صاللا یارق مطلق قادین طرفنه آجیر ، نهایت یاناغمه بویوک بوسه سنی راقارق کیده جکی زمان : « آه ، بنم مرحمتسز فریدونجغم ! » دیردی . فقط بیایردم که بن اک بویوک برجرمده ایشلر سه م بنی هیچ بروقت مؤاخذه ایتیه جک یکانه سس اوناک سسی ، هر زمان ، هر نه شرائط تحتنده اولورسه اولسون بنی روحنک اک تمیز حرمت و محبتیه سهو جک یکانه قلب اونک قلبی ایدی .

اونک پارلاق ، شن ، برآزده چاپقین حیساننده هیچ بر قادین حادثه سی اولمادینی حالدده بنم دورغون و دوستلریمی بر آز اور کوتن جدیمله برابر بو برقاج سنه لک حیاتم حالا کوزمک اوکنده متسلسل قادین چهرلرینک ویردیکی عذاب ، آرزو و تعبیه طولودر .

بن یکر می اوج ، ابراهیم یکر می یاشنده ایدک . بر بایرام کونی قوسقه یه بابامک خاطره سنه سا کتانه صادق قالان اووه ی آنه مه شکر کوتورمشدک . کند ی چوجوغی اولمایان بوقادین بزه ، خصوصیه بکاقارش ی اونک بر آز قابا هویتندن بکله نیلمه یین بر رقت اظهار ایتشد ی . بز ی بر معتاد کلینلک دوشه مه لرینک دیندار بر حرمتله اورتولری آلتنده دیوارلره دیزیلدیکی مسافر اوطه سنه کوتورد ی .

یکنسق حیاتنک انتظامی غیر منتظر بر زیارتک بوزدیغنی بر آز خلیجانه آکلاتدی . آوروپا سفارتلرندن برنده بر ایکنجی کاتبک زوجیه سی اولان یکنی مدیحه غیر معین بر زمان ایچین اونسکله یاشامغه کلشد ی . چوق زمان کچمده ن مدیحه فیستاننده مبالغه لی بر خیشیلتی ایله اوطه یه کیردی . کوچو کجه مائی کوزلو ، قوتلی برونلی ، چوق صاری صاحلی ، پنبه تنلی ، کوکسی مدور ونظردقتی جالب ایده جک قدر ایلری یه دوغرو ، کوزمل انداملی بر قادیندی . شبهه سز کندیسنه پک کوزل دین آدملرده بولونابیلیردی فقط بنده بوقادینک حضوری ، بارد بر حس قبل الوقوع ونفرته یاقین بر چکینمه اویاندردی . سسی خودبین ، مستهزی ، لاقیردیاری جعلی کبی کلدی . ابراهیماله شقا ایدیور و برجوق قونوشیوردی . فقط بکاقارش ی دورغونلغنده عمیق رتجسس ، حتی تمایل کورونیوردی .

کندیسه قارش ی حس ایتدیکم اوعجیب شی نی بر هفته صوکره اورابه سوق ایتمکدن منع ایده مدی . اوچنجی و دردنجی زیارتمده ایلک حسم زائل اولدی واونی محبتی آرزو اولونور بر قادین بولمغه باشلادم . بیلهم ناصل اولدی ، آلتی آی صوکره باشقه سنه نکاحلی ،

بندن بش آلتی یاش دها بویوک ، ارادتلی ، متحکم و محترص اولان
 بوقادینک شخصمه قارشى بیوک بر عشق بسله دیکنى حس ایتدم .
 هنوز اوزمان بن اونی سووب سومدیکمی بيلمیوردم ، فقط هر حالده
 اونک عشقنک بوتون حرکاتمه ، حیاتی تنظیمده بویوک بر رول
 اوینادیغنى بيلمیوردم . ایشه بو آراق وجدانم صاحب مشروعی بوراده
 اولمایان برقادیغى اغفال ایتش اولق احتمالیله بنی متأذی ایدیوردی .
 هنوز آرامزده عشقه دائر بر سوز کچمه مشدی . فقط ایکیمزده
 قارشینده کنک ماهیت حسنه دائر اولدجه واضح بر فکر پیدا
 ایتشدک . ایشه بوزمانلردی که بن اونک زوجی عاصم بکدن بحثله
 کویا آرامزده بردن بره اشتعاله مهیا بر آتش صاقلایوردم . اونک
 قالین دوداقلرنده بردن بره کورولن برادا ایله بنی اویله دیکله ییشی ،
 یووارلاق ، یوموشاق بوینی زبون ، مقهور بر عشقک اغیرلغیله بر
 اکیشى واردی که اکر بودقیقه لرده ، دیزلرینک اوستنه قاووشدوردیغى
 بر آز کوت پارماقلى بویوجک بیاض آلنى بکا اوزاتسه همان آیاقلرینک
 دینه بیغیلاجق قدر ارادت وعزمی ایزدی .

ساکت بر مبارزه دن ، بز تا اوچورومک کنارنده توقف ایتدیرن
 ارادتلر مزک چارپیشمالرندن صوکره بر بریمزله دها دوشکون ، دها
 ضعیف آریلیردق . ابراهیم حکمت بو آراق دائما چوغالان یکی
 آرقداشلریله ژیمناستیک مراقنه دالمشدی بنم صوگ ابتلامدن خبردار
 دکل کی کورونیوردی . اونی بعضاً قوسقه یه زورله کوتوروردم .
 طبیعی شن و شقاقی طورینه بر آز قونوشور ، قاچاردی . بوزیارتلر
 مدیحه یی اسکیزی کی نشئه لندیرمیوردی . چونکه بونلرک ارادتمدن

امین اولامادیغم زمانلره مصادف اولدیغنی بیلوردی .
 برنجشنبه کونی قوسقهیه کیتمه حاضرلانیرکن مدیحه دن بر
 تاغراف آلم : « بن خبر کوندرمینجه کله ییکز . » او آقشام واونی
 تعقیب ایدن ایلك هفته تردد ایچنده اولان ابتلامک بویوک برعشق
 شکلی المقده اولدیغنی حس ایدیوردم ؛ بردن بره کتابلرمدن معنای
 حظ سیلیندی ، کونلر اوزادی و بوتون حیات مزعج ، اوزون بر
 ایچ صیقینتییسی شکلی آلدی . عجبا مدیحه بکا بونی بر تجربه دییه می
 یاپوردی ؛ بونکله برابر اورایه قدر کیده رک اوندن ایضاحات
 ایسته مکدن عزت نفس بنی منع ایدیوردی . وعجیب اوله رق ایلك
 دفعه سوره کلی برعشقی ابراهیمدن صاقلامشدم . تمام بر آی صوکره ،
 آزجق اوئی اونوتمغه عزم ایتدیکم زمانده مدیحه دن برمکتوب آلم .
 قطی ، واضح برمکتوبدی . زوجی عاصم آوروپادن کلشیدی .
 کنجلیکنی زهرله مش واونی هیچ آ کلامامش اولان بو آدم اوکا یا
 کندیسيله برابر کیتکی ویاخود بوتون بوتون آیریلغنی تکلیف ایتشدی .
 حیاتی ایچین مهم برقرار ویرمه دن اول بکا مراجعت ایدیوردی .
 بن اوئی ایسته یورمیدم ؛ اکر ایسته میورسه م ابدیاً بدبخت اولاجقدی .
 استانبولدن زوجیه برابر اوزاقلاشاچق ، حیاتی یابانچی برملکته
 کومه جکدی . اکر ایسته یورسه م زوجیه قطع رابطه ایدرک بنمله
 اولمک اوزره استانبولده قالاچقدی . مکتوبنده نه بر احترام ، نه
 کوزیاشی ، نه ده تلاش واردی . فقط سکونتک آلتنده اولومه محکوم
 اولق قرارینی بکلین برمظنونک مدعش ، بارد ، لکن مختصر
 انتظاری واردی .

او کون مکتوب المده بر سر سري کي سوقاقلري دولاشدم .
اونکه اولمک وجدانمى تعذيب ايدە جىك بر ضعفى ، دگلى ؟ بوکا
قرار ويره مه يوردم .

نهایت مکتوب ديزمده ، آنه مک ياتاغي اولان ياتاغمک ياننده کي
قولتوقده ، کوزلرم آنه مک رسمه معطوف اولارق ساعتلرجه
دوشوندم ؛ کنديسندن استمداد ايتديکم بو کبار چهره نك اينجه لکلريني
روح صيزلا يارق تدقيق ايدرکن حيات آرقداشي اولق اوزره اتخابه
او قدر متايل اولديغم قادينک بوزيه وارلغه نه قدر بکزه مدیکني
دوشونيوردم . کوز قاپاقلريني کندينه مخصوص وضعيله اينديرمش
اولان بورسمک اعماق نظر نده صانکه سؤالمدن قاچان عنود بر اصرار واردی .
کيجه ساعت بش واردی که ابراهيم او طه سنه کيردی ، سسلندم ،
قوشدی ؛ ژيمناستيق ياقى ايچين کيدیکی فانيله قوستوم آلتنده زنده ،
کنج عضلاتيله بکا هيچ بر وقت ابراهيم بو قدر صحيح ، جوال ،
تميز بر قوت کوستر مه مشدی . صوکره لری روحکده او قدر صحيح ،
جوال و تميز و حتى الك اوراق لکه ايله بوتون شباتنى ، قوتنى قيروب
آتيوي ره جىك درجه ده نظيف اولديغى کندی فلا کتمله برابر آکلادم .
بوزولمش ، يورغون يوزمى کورور کورمز ايکي آديمه يانمه
آتيلدی ؛ قولنى بوينه آتدی ، بکله دی . برکله سويله مکسزین مکتوبى
اوزاندم ، او قودى ، بر آز سکوت ايتدی ، صوکره کنج ، وفا کار
سسيله : « فریدون نجغم ! دیدی . نه بر ، نه ده بيک عاصم سنک
سمادتککه مانع اولمغه لايق دکل ؛ مسعود اولاجقسه ک ، قبول ايت . »
ايشته ابراهيمک بکا وفا کار ، مشفق قلبنک منطقى : هيچ برشى

او غورنده بڼم سعادتم ، راحتم فدا ايديا به من ؛ فقط کنديسي بوتون
معاملاتنده او قدر کندن اول باشقه لرېني دوشونور که ...

بونکله برابر برهفته سکوت ايتدم ، آقشام مديحه دن بر تلغراف
داها آلام : « يارين زوجه له حرکت حاضره لانيورم . » ايشته
بواولتيماتوم قارشيسينده جسارتمی محافظه ايده مدم . تلغرافخانه يه
قوشدم ، همان تلغراف چکدم : « قالیکیز »

نورعثمانيه ؛ ۲ کانون اول . ۱۳۲۵

بردن برة قلىمىك قرارسىزلىقلىرى، حىاتىمى ابدىاً ازەن مېھىم يوقسوللىق،
 ياللىقلىق ھېسى خار، صىمىمى بر شىفقت ايچىندە دىكىلىدى. ايكى اوزون
 ھفتە فاصلەسىز بر سىكونت روھانى ايچىندە كچدى. مطلق بر صورتدە
 ھويتمە برلىش بوقادىن شىخىسىتى، آرتق اوزون، دىغدەھلى بر مبارزە
 قلىدن صوكرە اىستىكلىرىمىك، دوشونىچەلىرىمىك غايەلرېنە دوغرو بى
 پارچالا يەرق سوروكلەمەلرەن سىرف نظر ايتدىردى.

أولىمىك حىاتىمىك بو ايكى كزىدە ھفتەسىنىك تىقرعاتى دوشونە مەكسىزىن
 مەدىھىيە قارشى بى اىصال ايتدىكى بو قىئەت و جەدانيە و روھىيە ايچىن
 عمىق بر شىكران حس ايدىرم. بىنم، مەدىھەنىك، ابراھىمىك تىشكىل
 ايتدىكىمىز عائلە حىياتىنىك ايلىك كونلرەن داھا آسودە، داھا ساكن
 بر ياشايش تىخىل ايدە مىزدىم.

ايكىنچى ھفتەسىندە، او كىچە اوضاعنىك، شىفىق، سويىملى
 يوموشاقلىغىلە بى جذب ايدىن، بوقادىنىك خىدمەتچىلرە تىز، درشت
 بر سىسلە حايقىردىغى دوىچە معنأ بر آز مىزلزل اولدىم. ھلە بو

خیرچینلغه وقابا، تعرضکار طوره اولا ابراهیمک، صوکره بنم هدف اولدیغمیزی کورنجه سعادتمدن بر پارچه چکیلدی، قوپاریلدی. فقط حالا مدیحیه قارشى سعادتک تملنی محافظه ایدن نهایتسز بر اعتماد بسلیوردم. کندی هیچ بر سبيله تغیر ایدهمیهجک بویوک بر عشقک قانادلری آلتده محفوظ ظن ایدیوردم.

سفرده، اوطهده، هر یرده، اوراق، مناسبتسز وسیله لر ایله بوشانان بوقادینک چیرکین حدتی بنی بیزار ایتکه باشلاينجه اوه فضله مسافر دعوت ایتکه، دوستلره، بر آزده بر زمان ایچین اونوتمش اولدیغم کتابلره التجایه قرار ویردم. فقط بورادهده مدیحه یتیشدی یالکزلقدن صیقلیوردی. خصوصیه اونک کی قوجه سنک قولنده اوروپاده دولاشمش بر قادینی درت دیوار آرقه سنه صاقلامقده معنا وارمیدی؟ آرامزده کی مقدس محرمیته بندن اول داخل اولانی خاطرلاتان بو جمله عزت نفسی، بر آزده قلبی ایکنه لدی. اولا مدیحه نك کوزهل، نازک طورلرینی کوردکجه غروره بکزر بر شی قلبی قبارتیردی. فقط کاشکه اوقدرجق یالیز ویرن اوروپایی هیچ کورمیه ایدی. تربیه سی، تحصیل آز و فطرة پک اینجه دوغرو اولیان بر تورک قادینی اوزرنده غربک درین مزایامی هیچ بر تأثر حاصل ایتیبده یالکز اخلاقسز لقلرینک ناصل چیرکین، بارد ایزلر براقدیغنی حیاتک اک مستثا سنه لرینی محو ایدن آلامله آکلادم. بو کون او فلاکتلرک بنی بوقدر شهرت آلان بر محرر ایتدیکنی بیلیوردم. فقط اوسنه لرك خاطره ثقلتی، کنج لکمی اولدورن مرحمتسز صفحه لرینی دوشونویوردمه او آنلری یاشامامش اولق ایچین عادى هیچ طانناماش

بر آدم اولمغه قائل اولیوردم .

مدیحه بنی نه قدر باشقه مزایاسنده آلداتمش اولسهینه بر شیندن
امین قالیوردم . اوده بکا قارشی دیشمز بر محبت و باشقه ارککلره
قارشو خشین ، وقور بر طور !

اکثری پنجشنبه آقشاملری کوچک عائله مزله تیزمه ، ایکی
تیزه زاده لرمده حاضر اولدینی حالده آقشام یکنه دعوتلی ایدک .
و ایلک زمانلرده اکثریتی کنجکلر تشکیل ایدن بو قالابلق اوده
ای آقشاملر کچیریوردق . بو معصوم اکلنجه لک مدیحه نك اخلاقنه
بر آز سکونت و یردیکنه ، و بو دعوتلردن صکره بر ایکی کون طاشقینلق
ایتمه دیکنه دقت ایدیوردم ؛ فقط بر زمان صکره بوسکونتک اوزون
دالغینلقلاره منقلب اولدینی و بکا قارشی اطوارینه ده نازکانه اولمقله
برابر یکی بر لاقیدی ، ضعیف بر برودت کلدیکنی حس ایدیوردم .
تیزه مدن عودت ایتدیکنز بر آقشامدی ، یتاغک کنارنده ، آنده
پوتینی ، همان یاریم ساعت قدر کوزلرنده اوزاق بردوشونجه ایله اویقوده
کبی دورویوردی . بنمده بینمده بر بورغو ، مدیحه نك صوک حالک
اسبانی ده لک ایچون چیلغین فرضیاتله اجرای تضیق ایدیوردی .
طبعاً قیصقانج دکلم ، فقط روابط بشریه تجاوزی جنایت عد ایده جک
قدر یوکسک بر نقطه نظرله باقارم . هله اوزمانلر بوتون روحله صادق
قالدیغم مناسباتده برینک اک اوفاق اهانتکار بر نظرنی تجویز ایده مز ،
ازدواجی هر باغک فوقنده آغیر و مقدس بر رابطه عد ایدردم .
مدیحه نك غیر طبیعی دالغینلقلری ایله تیزمه زیارتلریمز آره سنده بر
مناسبت بولمغه باشلادم . عجبا هانکیکنی دوشونیور ؛ دییوردم . بو

تردد چوق سورمدی . دقت ایتمهک باشلادم و ایلک پنجشنبه کونی
 مدیحه‌نک شا کرله آرا لرنده اسم ویرمدیکم برحسک مقدمه‌سنی کشف
 ایتدم . ایکیسنک نظر لرنده ده بر برلرینی آکلامقدن متولد برحس اشتراک
 محظوظیتی واردی . حسلرینک نقطه‌اشتراکی ده بولدم . شا کرک قاریسیله
 بنم صفوتمزه استخفافکار ، تزییف آمیز بر تحقیر ! شا کرک چهره‌سنی
 آرتق آجیلقدن خالی قالان حافظه‌مده اولدینی کی کورو یورم : اینجه ،
 فوق‌العاده اینجه ، اوزون و کاغد کی بیاض بر چهره ؛ درین پارلاق
 فقط بارد ، خودکام ، سیاه کوزلر ؛ انسانی ای حسلرندن اوتانديران
 مزیف ، حیالک هر صفحه‌سنی کوروب بیقمش بر طرزله تبسم‌ایدن
 اینجه دوداقلر . کوزلری کستانه رنکنده ، یووارلاق ، وفاکار
 چهره‌لی کوچوک بر زوجیه‌سی واردی . قوجه‌سنی بر کوپک صداقت
 تسلیمیتیه تعقیب ایدن آجیق کوزلرینی بر کون تألمه‌بکزر بر طرزده
 بکا چویردیکنی کوردم . ایشته اوکون برشی کورمه‌ک تنزل ایتمین
 غرورم عصیان ایتدی . بردها مدیحه‌ایله تیزمه کیتهمدم . صداقتندن
 دیه‌م - چونکه عفته قارشو دیه‌جک بر سوزم یوقدی - فقط
 بکا قارشو شفقتنده شبهه ایتدیکم مدیحه‌دن حالا بوکونه قدر بو مسئله
 حقنده ایضاحات آلامادم . مدیحه بنم بو قیصقا نجلغمی خیاله عطف
 ایتدی . بن اوللری هویتلری بر برینه بکزمین ایکی روحک بر مقدمه
 ابتلاسنده کورمشم . فقط مسئله حل ایدیله‌مدی . یالکز شا کرله
 آرامن صوغودی ، براییک سنه بر بریمزه کیدوب کلز اولدق ،
 ایشته او قدر .

یویله ازدواجک کوچوک سفالشریله ، فضله یاقینلغک بعضاً وجوده

کتیردیکی لاقیدیدن باشلا یارق عاقبت عداوته قدر کیدن جدال ایچنده یاشارکن بر سنه قدر طشره ده اولان ابراهیم حکمت کلدی؛ و حیایتمزه بر آز تنوع کتیره رک بر بریمزی زده له مکدن خالی قالمادیغمز کونلر کویا بر آز دوستلق، صفوت قاتیشدیردی.

پک ای خاطر لایووم، ابراهیم حکمتک عودتنک اوچنچی کونی ایدی. مدیحهنک، قهوه آلتی یه کلدیکی زمان پارچالامق ایسته یه جک قدر بنی حدتاندیرن، دوشوک روب دوشامبرینی آرقه سندن آتمش، پریشان، دوشوک صاچارینی کمال اهتمامله باشنه طوپلامش اولدیغی کوردیم. بر قاج کون اونو بویله اعتنا کار، منتظم، ای کینمش، اطوارینه اسکی نزاکتی کلش کوره رک آرتق حیاتده یکی بر یاپراق چویرمکده اولدیغمزى تصورله سوتشمدم. فقط صوکره تحلیل ایدی-وردیم. یچین؟ بو کتوم، بوخود بین قادین بویله حرکاتی بردن بره نهن تبدیل ایتسین؟ بو ظریف توالتر، پارلاق کوزو مک ایچین ایدیلن اعتنالر، پک واقفانه بر کوزله تنظیم ایدیلن کشاده اُکسه سنده ییغیلان صاری صاچلرینک هیئت، هپسی، هپسی البت بر سببه مبنی اولمالی.

اوزمان حکمی ویردم: بوقادین بر «قوکت» اومت، دائماً، بکه نلک ایسته ین، فقط بونی جدی بروقارله اورتن بر قوکه تدی. فقط هپ بونک آلتنده دهشتندن، غدرندن ایکلیه رک اورتمک ایسته دیکم بر ظن دها واردی: بو اعتنالرک آرقه سنده عجبا ابراهیمه قارشى بعضاً کندنن پک کوچوک یاشیده اولانلر حقنده اوتوزینی کچمش قادینلره خاص محترص، چیلغین یر عشقمی صاقلانیوردی؟

بو هویتی او قدر مدھش بر صورتده صارصان برالم قاصیرغەسی ایدی که
 بونی او یاندیرمغه جسارت ایدەمیه رک، بینمه هجوم ایتدکجه بو یاقیجی،
 دەلیجی فکرلری ایتەرک، قاپاتەر ق یاشایوردم فقط وجداناً برشیئە
 قانع ایدم : مدیحه نه اولورسه اولسون ابراهیم اونک حسنه، فکرینه
 اشتراک ایدەمز و مدیحه هیچ بر وقت واضحاً او چوجوغە
 بویله بر خیاتی حس ایتدیرمیه جکدر . روحک چوجوغی اولان
 بو نجیب، آچیق چهرەنک معنای وفاسنه، صفوتنه او قدر اینانیردم
 وینه او قدر اینانمق ایسترم که بونک عکسی بنم هویت مغنویە مز برداها
 هیچ طوبلانا میاجق قدر هرج و مرج ایدر، یرلره کچیریر .
 فقط برسنه لک براذای دائمیدن صوکره بنم کورمه مکی التزام ایدن
 کوزلرم قارشیسندە مدیحه نک جراتی لزومندن فضله آرتدیغنی کورویوردم .
 آرتق ابراهیم حکمتی راحتسز ایدە جک قدر اونک اوستنە دوشیوردی .
 هله بکا قارشو اونک قلمندن صوک نبذە شفقتک بیله سو کولدیکنی
 - آه بشریت ! - ایکلیه رک آکلادم . آیلر اولیوردی که یابانجی،
 مادی و مغنوی یابانجی اولمشدق . آرتق بر برینه سویلیه جکی برشی قالمیان ایکی
 کشی کی ممکن اولدیغنی قدر یالکیز قالمقندن متحاشی، بر بریمزک حضورندن
 قاجیوردق : اونک آقشاملری او قدر سکونتله، اوفاق بر لا قیردی بی، بر
 مناسبتی منع ایتک ایچین او قدر نازکانه، فقط بارداه بر یا ناغه کیریشی واردی کی
 بو کافارشی قیورانان، چامورلره سورون عزت نفسله وقور، لا قید
 آرقەسی دوز، یاتار و اوبقوسز کچن او الیم، او یالکیز کیجه لرده
 انی او یودیغنی ظن ایتدیرمک ایچین ساعتارجه عینی وضعیتده
 قالیردم .

آرتق تحملم غایه سنه کلدیکی، جنسه اتخار آراسنده قالدیغم زمانلرد
 مدیحه ده یاواش، فقط قطعی بر تبدل باشلا یوردی. ایکنجه چو جو غنه
 والده اولدقدن صوکره ایدی، بو خسته لقی بر اصرارله یانندن
 آیرلادینی ابراهیمدن چکینیوردی. بندن قاچان صولغون مائی کوزلری
 بر آز نمناک، بر آز قورقاق کوزلری آرایوردی. بر آقشام یاتاقده
 برقاق ساعت دوند کدن صوکره قالدیغنی، بکا دوغرو کلدیکی حس
 ایتدم. یوموشاق، میجاق النی آلمه قویدی؛ صوکره عصی، معند
 بر طورله بو الدن چکیلن باشمدن بر طوتام صاچ یاقالایارق چکدی
 آیلرجه خاطره سیله بر محکوم، بر سفیل کبی سور وکلندیکم بوالک
 غائب ایتدیرمه دیکی قدرت ماضیه مله عصیان ایتدم. «رجا ایدرم.
 مدیحه، اوبقوم وار. دیدم. جواب ویرمدی. یانمده کی قولتوغه
 اوطوردی. قاراندقده بکا یاشلی و متضرع کلن سسیله «فریدون،
 دییوردی، فریدون، هیچ برشی، هیچ بر چهره حتی کندی فنا
 خلتم بيله سکا قارشی محبتمی افنا ایده من، بکا اینان. «جواب
 ویرمدم، ایضاحات ایسته مدم. بکا کلیوردی که بو قدر حقیقتنی کورمک
 ایسته دیکم اوزون اشکنجه مک معاصی تصریح ایدیلیرسه حیاتم،
 ایناندقلم تمل طاشی چکیلش بویوک بر بنا کبی باشمه چو که جک،
 بنی ابدیت ایچین آزه جک.

ایرته سی کون قطعی بر قرارله قالدیم. مدیحه دو قنوره کیتمشدی.
 آرتق ابراهیمه صوراجقدم. او بکا هر شیئی سویلیه جکدی. فقط
 ابراهیمک بکا اهانت ایتدیکنی او کره نیرسه نه اولاجقدم؟ خایر،

عمر مده هیچ بروقت برشیدن بوقادار قورقامشدم ، او کون بویله بر
شیتک ساده احتمالیله بیله ازیله رک آتشتک باشنده بکله دم . ذهنم صوگ
کونلری واضح ، آچیق بر قطعیتله خلاصه ایدیوردی . مدیحه ابراهیمدن
فرق ایدیله جک قدر اوزاقلاشیوردی . ابراهیمک کوزلرنده شاشقین ،
آچیق فقط بر شی آ کلامیان بر تأثر واردی . نیچین ؟

ابراهیمک اونشئه لی ، کنج بر آهنگله تحتلری صارصان چیزمه لرینک
سوروکلندیکنی دويدم ، قابوی مترددانه آچارق یانه کلدی ، دیز
چو کدی . کوزلرنده ، اونک ده صوگ درجه یه کلش بر اداسی واردی .
قیریق برسسله فقط هرشیئی کوزه آلدیرمشلره مخصوص بر جسارتله
باشلادی : « فریدون ، دیدی ، سکا ایدلمش کوچوک بر خیانت وار ،
فقط بنم طرفدن دکل . بوزمه اویله باقما ، بنی ده مشترک عدایدیورسک ،
دکلی ؟ پکی مشترک دکل ، ضعیف ، بحرانی بر زمانندن استفاده ایدلمش ،
اوینا تیللمش بر چو جوق ! »

عمر مده ایلك دفعه اولارق ابراهیمک اکیلن باشنی صارصدم ،
مقاومت ایتهدی . صوکره چیلدیرمغه باشلایان دماغمی قورقوتان بر
سسله حایقیردم : « دوغرو سویله ! مدیحه یه آرتق ناموسلو بر آدم
زوجهم دییه می ؟ » ابراهیم یرندن فیرلادی : « قیلیجم و ناموسم
اوزرینه یمین ایدرم که هر ناموسلو آدم اوکا هنوز زوجهم دییه بیلیر ؟
همده ینه یمین ایدرم که بو قادین سنک قادار کیسه یی سومه مش و
سومیه جکدر . » دیدی .

بو تسلی یه اینانا جق و قتم آرتق کچمشدی . یالکز ابراهیمی المله
ایتدم ؛ « سکا یالوار یرم ، دیدم ، آنالغکه کیت ، بنی یالکز براق . »

اووقت ابراهیمک روحندن کلن بر امنیتله آغلادیغنی دويدم .
 « فریدون ، دیوردی ، آرامزه کیرن بوقادین کولکه سینه سعادتکه
 اوینایان بوحسسنز ، فقط تجربه کار الاره لغت ایدیورم . فقط سن
 هیچ کیمسه نك قیامایه جنی مواددن یاپیلمشسک . بن ، زواللی ابراهیم ،
 ایشه کوچوک برخطا ایله آنهم ، بابام ، هرشیئمدن آیریلیورم و هیچ
 بر وقت بو - ولوکه هرکس ایچین کوچوک اولسون - بنجه مدهش
 اولان خطامک نتیجه سندن قورتولامیاجغم . »

ابراهیم او آقشام اوه کله دی ، اوچ کون صوکره طابورینه
 کیتدی . اوراده یرلشمش بر مأمورک قیزیله اولندی . نه اولدی ؟
 روحنده نه کبی تبدلات اولدی ؟ بونی ایشه کیمسه یه آکلامادی .
 دنیادن ، پارلاق بر موقی اولماسی لازم کلن دنیادن چکیلدی . بو
 بنجه معنوی براتحار .

شیمدی اوجوال ، آتشین ، حیاته قاینایان چوجوق بر کوی
 اوندی کویلو بر قادینک آناتولی تلفظلی چوجوقلرینه باقیور . او
 قصورسنز اونیفورمه سیله او قادار جانلی غبطه لر ، ضعف لر اویاندیران
 ضابط بلکه پیس بر کیجه لکه بر کوی قهوه سنک کوشه سنده اولمش
 بر بطائتله سورونیور . بونکه برابر هیچ بر کیمسه ، حتی بن ، قارده شی
 بیله اونک قاپادیغنی هویتنی کوره میورز .

مدیحه ؟ اکر رومانده اولایدی اولوردی . فقط حقیقتده صاغ !
 بکا درت چوجوق یتیشدیردی . ایجه اختیارلادی . آرتق قوکت
 دکل ! کتابلریمک توزینی سیلمکه ، یورغون اولدیغم کونلر چوجوقلره
 کورولتو ایتدیرمه مکه چالیشیور ؛ هر درلو رفاه و سعادتک بکجیسی !

آرتق حیات معنویه مدده بویوک برموقی اولمایان بوقادینک اعتیادلر مدده،
هر کونکی حیاتمدده بویوک بررولی وار .

بندن مقابله بکله مکسزین بر آنا شفقتیله بکا تقید ایدن بوزوجه نك
یوقلنی بنی طوپال براقاجق قادار اوکا محتاجم ! ایشته انسانك بعضاً
روحنه اك یاقین چهره لر اوچیور ، اوزاقلاشیور ، بویله حیاتنك اك
ابی سنه لرینی اذا ایله یوغورمش برقادینه اولان اعتیاد براحتیاج مطلق
حالی آلیور .

نور عثمانیه ؛ ۷ کانون ثانی ، ۱۳۲۴

آنا حسلى

بويوك ، كستانه رنكسندە ، ايچىندە حزن كۆلكەلىرى اوچوشان
كۆزلىرى باردى . يۇوارلاق ، سولغۇن چەرەسندە دولغۇنلۇقلىرى
يۇمۇشاق خۇطۇپىلە خۇدا اولان ، اوزۇرلىرىنى اوكسوزلىككە ايمىسىزلىقى
چۈشكۈش بۈكۈك دۇداقلىرى باردى . تۇرۇندە دۈشۈك بىر تىلىمىتە
او قادار سەكستانە دىنىنى تاشلىشى باردى كە كۆرۈپدە آنامىز
اولدىغىنى آ كلامامىق قايىل دىكلى . بو چۈچۈك بىم اوۋى قىزم
نەسرىن ايدى .

بو مۇلقى حەسلى ، ال اللەندە بويۇمش ياۋرونى ايللىك كۆرۈنچە
كۈچۈك رۇخسندە آنا ايلە دۈزەلەجك نەقادار پۇتلىر اولدىغىنى ، بوتون
وارلىقى كىيىك ، قىرىق بىر ياللىقلىقە ازىلدىكىنى آ كلام . ھان اونى
سۈمكە قارار وىردىم . فقط بوتون رقت ويۇمۇشاقلىغىنە رىغما ماضى اولمش
بىر وجودە اوقادار غنۇد ، وقۇر بىر وفاسى ، قلىبى ماتىمىلە قارارتىدىغى
آنانىك يىرنە كلىنە قارشى اوقادار باردى براۋزاقلىقى ، لاقىدىلىقى باردى كە
قايىل دىكلى اونىك بىلىكەنە تقرب ايدە ميوردىم . بوتون بىك اوغلندىن كلىن

اویونجاقلر، بوتون اونکله آرقاداش اولمغه چالیشارق ایجاد ایتدیکم اویونلر،
اونک قلبنده اوته کینک موقعندن بکا برقاریش یر قازانیر میوردی .
اؤک ایچنده یکانه صوقولدیغی وجود آنه سنک زمانندن قاله اختیار
برباجی ایدی . بکا صوئوق کوزلرله باقان بودرشت ، خشین طورلی
قادینک یانندن ایرمازدی . آ کلا یوردم ، اوبزم قایتمغه چالیشدیغیمز
اسکی یاره لری ، اسکی خاطره لری تر وتازه محافظه ایدیوردی .

اونک بندن الک چوق قاچدیغی زمانلر باباسنک اونی بکایصیندیرمغه
جهد ایتدیکی کونلر ایدی . اوزمان باباسنک اونوتقانلغی تعیب ایدن
معنیدار بر سررنشله نمناک کوزلری آچیلیر ، خفیفجه ایچنی چکه رک
برکوشیه بوزولور ، هیچ برشی دورغونلغی ، سکونتنی ازاله ایده مزدی .
بو چوجوق کوزلرینک تمیز ، فقط حیاتی آ کلامیان درین نظرلری
قارشیسنده موقعی فنا ، هم پک فنا بولمغه باشلامشدم . چوقدن
طوپراق اولش برقادینک برنی طوتمق برقباحت اولمادیغی اوکانا صل
آ کلاتایا یردم . بعضاً بو اودن ، بو بویوک کوزلو محزون چوجوقدن
قاچق ، اونک آنا جفناک مقدس خیالی رنجیده ایتمه مک ایستردم .
بعضاً ده بنم یرمه کله جک بر قادینک اونک اینجه کدرلرینی ، آنا
یوقسوللغندن بوتون اطوارینه یرله شن مغموم ، چکینکن دورغونلغی
آ کلامیارق اونی رنجیده ایتسی احتمالی دوشونور ؛ او وقت اونی
آ کلا یشسنز اللره ، انصافسنز تصادفه تودیعی ایتمه قیيامازدم .

چوق زمانلر اونی کندیمه ایصیندیرمق املیه اوغراشدقن صکره
موفقیتسنز لکمدن مأیوس اولارق چکیلیر ، سکوت ایدردم . بنی
دوشکون کوردیکی بوزمانلر یاواشجه یانمه صوقولور ، حساس کوزلرینک

متواضع ، متضرع نظر لریله بنی سومه مدیکندن دولایی بندن عفو دیلردی .

بکا کلیوردی که اگر نجیبه باجی خشین، بولانیق کوز لریله دایم اوئی خاطر لاتماسه، کیجه لری اونک باشنده ماضینک اوزاق قارانلق کوشه لرینی تشهیر ایتسه بکا دها چابوق آلیشاجق وبی سومه جکدی. بونی برکون باباسنه سویله دم . هر سوزمی بر قانون دییه قبول ایدن بو آدمک حلیم چهره سندن مدیدر آجی اوچوشدی. او کسوزیا و روسنی خیالی برضربه دن محافظه ایدیورمش کبی اللرینی قالدیردی؛ « صاقین، دیدی ، صاقین اوئی بر تک تسلیسندن محروم ایتمه . » اوزمان زوجه قارشی بر آز حدت ، فقط بابالغه قارشی بر چوق حرمت حس ایتدم . فنا برقادین اولسه م اوئی بکا خیر پالاتمیاجقدی . بونکله برابر اوئی بعضاً اوپله بهانه لرله خدمتجیلرک یانه کوندرمی ، بکا ایصیندیر مق ایچین نسرینک الیم بر آکلایشله حس ایتدیکی اصرار لری واردی که چوجوغنک قلبنده براقدیغی درین ، یرتجی ایزلرک چیزلدیکنی کوروپورم ظن ایدردم آه ارککلر !

آرتق بنده یاواش یاواش نسرینک حیاته فضله نشئه سرپمه نک یوللرینی اوکره نیورددم . بکا کلیوردی که کندیمک آننه اولوق امیدم قطعیلشه لی اونک بوتون اکیسکلکنی تقدیر ایدیورددم؛ اوئی اورکو- تمکسزین حیاندی کی قایغولری ازاله ایدم بیلیمورددم . اک چوق اوئی باباسیله یالکیز براقدیغم زمانلر و اوده حا کیمتی حس ایتدیرمدیکم کونلر بکا دها زیاده یاقلاشیردی .

فقط شو حرکتیمک اؤک انتظامی بوزدیغنی ، خدمتجیلرک

اطاعتسزلك ائمه لرني انتاج ايتديكنى كور يوردىم . بركون او طه لر ينك
او كندن كچر كن نجيه باجينك خشين سى : « آرتق بكك ياننده
دودو كى اوتميور » دييوردى . بو عزت نفسى شتله صارصدى ،
قولاق لرمده مدهش بر او غولتو ايله مرد يوه نلرى چيقمغه باشلادم .
عجبا جدا زوجك ياننده نفوذى غائب ايدييورميدىم ؟ چو جو غيله
بولنديغى زمانلر ناصل معنوى بر بشاشتله كوزلرى پارلايوردى ؟
عجبا بونك نه قدرى كسندى ماضى به ربطايدن خاطراته راجع ايدى ؟
بوانديشه نى عجيب بر يالكيزلقه متاذى ايدييوردى . يوقسه قيصقا -
نيورميدىم ؟ ماضى سى بياض ، خاطره سى باشقه چهره لرك ، باشقه حياتلرك
رسملرندن عادى ارلك وارميدر ؟

بو خيرچين ، عصبي دوشونوش چوق سورميور . ذهنم هنوز
چهره سنى كورمديكم يا ورومه كيدييوردى . بلكه بنده اونى يابانچى
اللهه براقه رق خاطره سنى قيصقسانديغم « بندن اولكى » نك صرويلر
آلتنده ديكلنديكى قارائلق يره كيده جكدم . اوزمان ؟ اوزمان عجبا
كلن قادين چو جو غمه ناصل معامله ايدى جكدى ؟ كيجه لرى صوئوق
بر ترله ، بو مزعج دوشونجه ذهنمى طيرمالا يارق اويانيوردىم . هله
نسرينه ، نسر ينك اك چو جو قجه آرزوسنه قارشى او قدر ايستكله
قوشيوردم كه كيم بيلير ، بو غيرتم ، بو آنا حسم بلكه چو جو غمى
خير پالانمقدن قورتايردى ! دائما ياشامق ايچين ، فقط ياشاياماز سه م
بم باشقه بر قادينك چو جو غمه قارشى بسله ديكىم مساعده كار ، كنش
رقتى چو جو غمه كوستره جك بر قادينك اومزه كلمه سى ايچين دعا
ايدييوردم .

نسرین اوزون سكونىدىن ، اوستىدە قارە ، وشونچەلر دولاشان
 بوروشوق ، مضطرب آلمىدىن اوركيوردى . حقى بردفعە مزارى
 قارشىسىندە كورن بر آناك اندیشه لر بنە بلكە آشنا چىقان بويوك كوزلىرى
 ياشارارق : « نىنە مەك دە يوزى بنى براقادىن اول ھې بويلە ايدى » ديدى .
 ايشتە اوزمان آكلایامادىغىم بر حزنلە كوزلرمىدىن ياشلر بوشانەرق
 قاچدىم .



اوزون ، آجى خستەلغىم آرتق ايلشمكە يوز طوتىوردى ، فقط
 يارەسى قاپانمىان ، بوشلغى دوليان زواللى یتیم قلىم !... كوچوك قادىغە
 اللريلە ، پنبە ايك چهرە سىلە اونى قارە طوپراقلىردە تصور ايتىمك خيال
 نجىي !... ياغمورلرلك ، قارلرلك صىزدىغى ، بلكە قورتلرلك هجوم ايتىدىكى
 كوچوك تابوتك رطوبتى ، برودتى ، كىم سە سىزلىكنى دويان كوكلە
 دائىما بويوك ، قارە ، قەيد برألك بوز كې تماسىلە رعشە داردى !...
 ديوارلرلك اوفاق خصوصىتى ، طاوانك اك سىچىلغىمىز خطايرىنى
 بىلىوردىم . بوتون كون آرقە اوستى كوزلرم طاواندە ، اولومى بىكلە يو -
 ردىم ، فقط ايلە شىوردىم ، حتى زور ايلە اى ايدىيورلردى . زوجىك
 بنى غائب ايتىمك قورقوسىلە صولان حلیم ، مشفق چهرەسى باش اوجمە
 اولوملە نچەلشىوردى . بركون ياناقلرمىدىن سىسسىزچە داملايان روحمك
 ياشلرىنە باقارق : « زواللى قادىن ، دىيوردى ، سىن نسرینى چوق
 سۈەردىك ، نچىن اونىكلە متسلى اولغە چالیشمىورسك ؟ » بىلەم ، ناصل
 بر آجى ايلە عصيان ايتدىم ، « صوص ، دىدىم ، كندى ياورو مەك یرىنە

باشقەسنى ناصل قویارم ؟ « فقط او آنده ذهنمدن بر مقایسه کچدی .
 کندیمی نسرینک برسنه اولسکی حالنده بولدم . باباسی بنی آناسنک یرینه
 قویدورمق ایچین آ کلا یورم که کیمسەنک یرینه قونمئور ؟ خصوصیه
 آنا ایله چوجوق !



روزکار پنجره لره چارپیور ، سرویلردن اوزاق ، تهید آمیز بر
 ایکیلی کلیور... قارلر آیک دونوق، بولانیق ضیا سنده اوچوشیورلر ..
 صوئوق ... طبیعتک بو دهشت ولوله سی آره سنده یاوروجغمک مینی
 مینی بکامی وارمی ؟ بوالیم ، بوقورقونج عجز ایله یاتاقده دوغرو لدم .
 قاچ آیدر ، یأس وفلا کتله صارصیلان ذهنم تارمار اولیور ، هویتیم
 زهرلی کوچوک ذره لره آیریلیوردی . آجی آجی حایقیردم . اوخوف ،
 ایصسز ، صوئوق سرویلکده کی یاورومک وجودینی حایه ایچین بو
 صوئوق قیامتته ، بوانصافسز قار فیرطینه سنه آتیلاجقدم . بن قاپییه
 دوغرو آیاقلرم چیپلاق قوشارکن بردن بره قانی آچیلدی . نسرین ،
 اووهی قیزم ، اوزون بیاض کیجه لکیله ، کدر چکمشلره مخصوص
 برقت ، فلاکتزده لره آشنا چیقان برم لال دولاشان یوموشاق کوزلریله
 یانمه کادی . ایلک دفعه ، ایستیهرک وسوه رک آهنگدار سسیله :
 — آننه ، آننه !

دیدى ؟ و بر فیصیلتی درجه سنه ایندیردیکی سسینده مشفق بر صمیمیتله
 دوام ایتدی :

— قارده شم ایچین قورقویورسک ؟ دگلی ؟ فقط بنم آننه م قاچ

سەدر اورادە ، قورقما ؛ قار دەشمى قوينە آلىر ياتار ، ھىم بىياسەك
ناصل سارىلىردە انسانی ايصىتىر ؟

بن قولتوغك اوستندە ھىچقىر ركن او اوراق قوللارى بويندە :
« بن دە آرتق سنك چوجو غك اولایم ، اولمازمى ؟ » دیدى . شىمدى
بىم كوچوك او كسوزە اھتماملرم بىھودە اولما دىغنه ، يا ورومك خراب
مزارلقار دە برقادىن شىفقننە ، برقادىنك بوش قوللرىنە صىغىندىغنه
يانىق روھم اينامق اىستىور ؛ كوچوك نىسرىن آنە سەنە آرقە داش
يوللا دىغم قارە دە شەنە مقابل قلىمى ايصىتىور و بوش قوللرمى دولدور و يور ..

نور عثمانىہ : ۲۳ تشرىن اول ، ۱۳۲۴

كوسم سلطان

عثمانلى تارىخىدىن بر صھيفه

آغير، قيمتدار ايپكلىرى، گرانېھا اشياھىلە ، صنعتكارانە اولمقدن
زيادە محشم بر حكمدار اولطەسندە ايدى ، بوتون بو آلايلى نمايشك،
رنكين دېدېھنك آراسندە يكانە سادە كورون يەنە بويوك سىرايك
حاكمەسى، بوتون ملك عثمانينك حقيقى صاحبهسى كوسم سلطان ايدى.
اورتە بويلى نحيف ونارين برقادىندى . صولغون ، ضعيف ، اوزون
چېرەسەندە ، بر آز كوچوك قورو ياناقلارندە ، سرپوشنك آلتندە
داغالاغھە براقيلمىارق صيقى صيقى طارانان ، آغارمغە باشلامش قويو
صاچلارندە، بر آز اوزون ، قانادلىرى متحرك اوزون برونندە ، انجە،
قىصيق دوداقلارندە ، عصرلىرى وادىيات عالمى تول قانادلرلە روياھىسى
براوقشايدىشلە غىجىقلايان ، شرقك اسرار انكيز حسن وآنندى ر
بقىە آرانىلسە بولونامازدى . اونك نە ياشنك ، نەدە اوزون ، فعال
ومەلك آنلرلە مالى وقايع حياتيەسنك بوزامادىغى درين، نافذ كوزلىرى
واردى . سياه كىرپىكلىرى آلتندە غدرايەھى، يوقسە مېھم براحتراصلەھى

اولدینی آکلاشیلمیان کسکین ، ضیادار قیزیللقلرله یانان نظری مخاطبینک
اک محرم ، اک مظلم دوشونجه لرینی آیدینلاتیویریردی .
ایشته یوکسک ، شاهانه آلتی . اینجه متحکم قاشاری وجانی ،
ارادتتی کوزلریله بر فقیر قولوبه سندن بومعظم سرایه ، اورادن خاقان
مرحومک روحنک اک اینجه یرلرینه یرلشهرک قالمشدی . ایری ، دابر
قافقاسیالیرک ارئی عظمت وادالریله طولاشدقلری بو بویوک دیوانخا
نهره ذکی ، جوال بر حیات قاتمش ، دائما کندینی یوقارولره سوق
ایدن فراستیه یالکیز پادشاهک باش قادینی اولمله قالمیارق نفوذی
سرایدن سیاسته ، ملکک امور داخلیه سنه ، ثروتنه ، هرشیته حکم
ایتمشدی .

فقط بو کون ، آرتق اعتیاد حالنه کلن سلطنتی ، نفوذی منکسر
دی : وقادینلر اونک حکمنه اشتراک ایدیوردی ! بو کون کندیمی
ایکینجی ، بلکهده هیچنجی ، اویله می ؟

هم ده اوغلنک یاننده ! بو اوغلی ده سلطان ابراهیم ! یوکسک
دیوارلرده سرایک ، عصرلرک اورایه یرلشدیردیکی حشمتیابلرک وقار
حکمرانیلرندن اوزاق قالمیان بر شعشعه ایله دالغالانان ایپکلی آغیر
اورتولرینک وزانیله هم آهنگ ، آتاغی یوقاری کزینیوردی . صیرمالی
پابوجلری قالین خالیر اوستنده بر سس چیقارمیوردی . بوتون
اوضاعنده بر قاپلایک آتیلمادن اولکی سسز انتظار ، قییلدانیشی
کورونیوردی : بویوک کوزلرندکی قیزلریلر آرتمش ، آلتی هر وقتدن
داها بوروشوق ، قیصیق ، دوداقلری شدت تفکرینی ازاله ایده مین
صوئوق ، قورقونج بر تبسمله مهتر !

بو کون غایت بویوک بر نجران قارشیسنده بولونیوردی : اوغلی
وساطنت . مع مافیه اونک قابنک اک انجه دامارلرینه ، وارلغنک اک
کیزلی ذراتنه حکمایدن شیئه طبیعی بر آرزو وامل هیچ قاریشامازدی .
مرحوم قوجه سی ، اوغلی ، سرای ، حتی قوجه برملت اونک تزید
قدرتنه خادم وساطدن باشقه برشی دکلدی . بلکه آرالرندن چیقدیغی
ایچین اک زیاده باغلی اولدیغی شی ینه ملتایدی . فقط نه قدر بلیرسنز
برباغ ! تختلر دوریلیر . اختلاللر قانلر اولور ، اوکا تاثیر ایتمز ، حتی
چوجوقلرینک خبیعه حیاتی بیله اوکا دوقونادن کچردی . شمدی
او آ کلا یوردی که هیچ برباغ بومعظم ، ویوک سلاله یه انسانی ربط
ایده میوردی ، حتی والدهک بیله ! ایشته بو دبده ایچنده یالکیز
قالان قادین ، ساطنتلر اوزرینه سلطنت قورمق ایسته مش و موفق
اولمشدی .

بو کون صدراعظم احمدپاشا قتل ایدیلش ، یکی چربار آیاقلانمشدی ،
سوققلر اختلال ایچنده و بوتون مملکت نفس آلمغه بیله جسارت
ایده میهرک متیقظ ، عصی ، مهم بردقیقه یه منتظر دی . کوسم سلطان ده
مملکتله بار بکلیوردی . بیلوردی که آرتق بو صوک فاجعه اوکا
قطعی اولارق حکومتک دیزکینلرغی بنخس ایده جکدی . نفوذ و قدرتی
اک کزیده قانیله سودن بو قادین ، اوغلنک بیله اولسه ، بر قدرت
حکمرانی یه قارش حاضرانان بو ضربیه مبهم بر صورتده عصیان
ایتمکدن ده کندینی آلامیوردی .

خایر ، خایر ، تنفس ایتدیکی هوا قدر آلیشدیغی قدرتی چیکنه یین
برسورو خصکی ! هله هماشاه ! تللی خصکی ! سلطان ابراهیمی کوچوک

پارماغیله اداره ایدن . مائی کوزلرینک مدید بر نظری ایله ملک
 اک قیمتدار طوپراقلرینی دشمن آنه لاقیدانه آتیران ، هر هوسی
 ایچین اک جیلغین وسائطله قوجه دولتی پریشان ایدن بو چرکس !
 اوکا قارشى اوغلنک قتلنى تلاش ایتکسزین امرایدن بوصوئوق قانلی
 قادینده برچوجوق تهوری واردی . بوتون وارلیغی بوغادینک برسنه
 ایچنده اکتساب ایتدیکی قدرته قارشى نفرته ، حسدله تقاض ایدیوردی .
 بو قادین ! و بو قادینک آرزولری ! پادشاه قیزلرینی قارشیسینده
 خدمت ایتدیرن بو دلبر مخلوق ! بونکله برابر بوتون شعله حسن
 و آنه رغماً عقل و ذکادن نه قدر عاری !

کوسم سلطان اوزاقلردن بر آری قوغانی بوشالمش کی یاییلان
 اوغولتونک کیتدکجه سرایه یاقلاشدیغنک فرقنه وارمقسزین تللی خصکی
 دیه آدی چیتان ها شاهه قارشى عداوتنک دهشتیه قیورانیوردی .
 کندیسینه بوتون بوتون ضد اولان بو چرکس عنصری ! بوتون
 قدرتلری بیاض اوموزلرنده ، هیکلوارى کردنلرنده ، صیرماساچلرنده
 طاشان بو مخلوقلر ! کوسم سلطان هیچ برحسه مغلوب اولمایان کسکین
 ذکاسیله حکم سوردیکی ایچین هاشاهک یوموشاق ، بیاض کوز دلاکندکی
 قدرته قارشى ذلیل محکومیتی ایچین اوغلی سلطان ابراهیمی هیچ عفو
 ایده میوردی . انه بر حکم کچسه ! او قوغو رفتاريله چویریلن الماسلرله
 مزین بوینی قاره قایشلرله ناصل صیقدیر اجددی ! او دوشوک ،
 مرمر اوموزلرده دالغالانان ، اوکا تللی خصکی لقبی قازانديران آتون
 دالغالری چامورلرده سوروکلیه جکدی . آز دهاها بر بیغین صاری
 صاچک ، ایکی سوز کون مائی کوزک امريله او ، بو ملک حقیقی

صاحبیه می ، پادشاهلر آناسی نفی ایدیه جکدی .
 اوغولتو داٹما یاقلاشیوردی . بر آز صوکره بلكه اون بیک کره
 بوی تولش قیزغین ، طاقین بر قلبك ضربات عصیانی کی مخوف بر
 خومورتو سرايك پنجره لرینه قدر کلوردی . غیر منتظم ، نهایتسز
 آياق سی ، سلاح شاقیرتیلری ، تهدید آمیز ، گویا بوتون انسانیتك
 اشتراك ایتدیکی بر شکایت دالغہ سی دیوارلری دووویوردی . محوم
 بوروسنه بوتون وارلغیه جواب ورن تعلیملی بر حرب حیوانی کی
 کوسم غریب بر هیجانله تیره یوردی . او بونشانلری بیلیردی . حلیم ،
 صبور ، فقط بر کون نهایت حقنی صوران تورك ملتك بوتون
 غلیانلرنده ، علمهنده عصیان ایدیلن طرفه منسوب اولمقله برابر —
 شهرده دوغان بوقادین محرم بر حس اشتراکله — ملتله برلشیردی .
 یالکیز بویوکاکی هرشیدن چوق سودن بوملی غلیانلری ، سرای
 انریقہ لری کککین ذکسیله کندی قدرتک تزییدینه مدار اولاجق
 طررده قوللانیردی .

اوغولتو چوغالادی . شیمدی صوفه لرده بر قاقیشمه ، اوفاق ،
 فیصله ش سیجہ لر ، آچیلوب قابان قاپیلر ، مردیوه نلرده قوشوشمه لر
 واردی ، سرايك لوش دیوانخانه لرده مدید ، قورقاق بر فیصلتی ،
 هواسنده دورغون ، شامتلی بر انتظار حس ایدیلیوردی . معظم ،
 مدہش بر پاطریدی ایله سرای قاپیسی آرقه یه ده ویریلدی . بر ثانیه
 قند صوکره قودورمش بر از دحامك مردیوه نلردن چیققدقلری
 دویدی .

اوطه دن فیرلادی ؛ نوبجی حرم آغاسی ریحانه اشارت ایتدی ؛

قيامتك بيله اخلاص ايدميه چكى صوئوق قانيه ، پادشاهلر آناسنه
 لايق عظمت ووقاريله ايلريلهدى . سياه ، اوزون دستان آلتنده ،
 اينجه ، اوزون چهره سنده كندى هوساتى اورتى ، فقط باشقەلرينك
 اعماق روحنى دەلن بر قدرتله ايلريلهدى . فعال بيننده بر آنده طرز
 حر كتنى قرارلاشدIRMشدى . او بيايوردى كه بر فيضان مدهش كى
 آقان ملك اك كزیده آغالرينك او كنده دوراييله جك و خط
 حر كترلرني ايستدكي مجرايه چويره بيله جك ذكا كنديسنگى ايدى .
 ايلريلهدى . حرم دهليزنده بر برى ايتەرك ايلريلهين بو عظيم چهره
 جريانى اونك محشم نظرى قارشيسنده بر ثانيه دوردى . بياض صاقلالى
 چهرەلر ؛ بويوك ساريقلرى آلتنده فاجعه انگيز دنييله جك بر قدرت
 وصميتله قرارلرني اجرايه كيدن بومستحكم ، متين ، بوروشوق آلار ،
 آتئين ، محترص ، بويوك كوزلر اونك قارشيسنده متردد ؛ محجوب
 ميخلاندى . مصلح الدين آغانك بياض ، باشى اگيلدى ؛ صادق
 وجسور چهره سندن بر حمت كچدى . مراد آغا قاريشيق ، اوزون ،
 سياه قاشلر آلتنده كوزلرنده مخوف بر پاريلتى ايله سكوت ايدىوردى .
 كوسم سلطان اونلره كنديلرني طوپلامغه زمان بر اقامدن شديد ،
 بارد برسسله كورلهدى : بو خاندان عالينك پرورده احسانى اولديغى كزى
 اونوتديكمى ؟

مصلح الدين آغانك وفاكار قلبي صيرلادى . صداقت شخصيه سنى
 ملك حضور وسعادته فدا ايدن بومستقيم اختيار ، كوزلرندن بوشانان
 ياشلرى ضبط ايدميهرك سوزه باشلادى . اولاً تيتەرك ، ياشلى برسسله
 شكل حر كاتى منفعت شخصيه دن عارى اولديغى ، كنديسنك خاندان

عالی به نه قدر نورجلو اولدیغنی ، حتی قیزیل عبا ایله کلهرك ناصل
 بوموقعه قدر حیقدیغنی آ کلاتیوردی ؛ « کاشکی بو کونلری کورمیه
 ایدم » دیرکن بیاض صاقلاندن صیجاق ، نادم یاشلر یووارلانیوردی .
 حسیاتی کندینی ندامت درجه سینه کتیردکن صوکره دوردی .
 اطرافنده کیرک بارد سکوتی آلتنده وطن محبتی قلبی یینه صاردی .
 اووقت حرارتلی حرارتلی باشلادی ؛ ملتک باشنه کلنلری صاییوردی :
 سرحدی تجاوز ایدن دشمندن ، بوغازلری استیلا ایدن دوناء لردن
 بحث ایدرکن سسینده کی تواضع غائب اولمشدی ، شیمدی او سسده
 اسکی بر آرسلان کوکره می حس ایدیایوردی . داخلی قاریشقلقلردن ،
 باصیلان بدستانلردن ، ناحق یره کییلن قفالردن ، مالندن ، جانندن
 امین اولمایان رعایادن بحث ایدرکن کسک بر حزنله ، دیندار بر
 خشوعله : « شرع شریف یرنی بولمالی » دییوردی . فقط والده
 سلطان موقعی محافظه ایدییوردی . گاه اونلری اولکی سکونلری
 ایچین تعذیر ایدییوردی . بوننگله برابر دائما کسکین ، قطعی برمنسقله
 قارشیسینده کیلری اسکات ایلیوردی .

آرتق صبر سز لایمغه باشلایارق ، اوگده کیلر ، یاواش یاواش کند .
 یارینی ایتن کروهک اوگنده هپسی سوزه قاریشیوردی گاه چاققین ،
 آغیر بریکچیری ، گاه وقور ، عصی برمنلاه — شیخ الاسلام عزیز
 افندی — کوسم سلطانی صیره ایله اقناعه چالیشیورلردی ، فقط هیج
 بریسنک ، والده سلطانک کسکین ، متعظم وجودینی ایتهرک کچک
 عقلنه کلیوردی . بو آغیر بویوک باشلر هپ اوگده ، آلار کوکسلری
 اوزرنده متواضعانه باغلی ، حاللری وقور ، غرب اختلاللرینی تمیز
 ایتدیرن تلاش وشدتن عاری ، ثابت ، عنود ، والده سلطانی اقناعه

چالیشیورلردی . نهایت صبر سز ، آتشین بر صاریقلى ، هنوز منقاسندن
عودت ایدن حنفی افندی ، بوتون وارلغیله ایناندیغی بو اختلاک
حقانیت ، وعدالتی طایتمق اوزره آتیلدی . هر کسک تلاشله
قاجیشدیغی دیوانخانه لر ایگله تن سسیله . مصنع اسلوبیله عصیانک اسبابی
ایضاح ایددرک بر بر قطعی ، کسکین جمله لر فیرلا تدرجه سیرایک حزن
آلود لوشلقلری چینلایوردی :

« اعدا اطرافه هجوم ایتدی ؛ رشوت ، مصادره ایله نظام عالم الدن
کیتدی ؛ زورنا داوول سسندن مؤذنلر ایشیتیلمز اولدی . مال ،
عرض وجانندن عباداه امین دکل . سلطانه بیله تعدی ایدیلیوردی .
سلطانم ، سز بوملتک آناسی . حقیقی ام المؤمنین سکمز ، دییه سزه
سیغندق . » دیدی .

صوکره هپسی بر آغزدن کیدوب شهزاده بی کتیرمه سنی ، بوملتی
قورتارمغه مانع اولماماسنی رجا ایدیورلردی .

کوسم سلطان حس ایتدی که اوغلنی وسلطنتی یکانه محافظه
ایدن کندی ضعیف وجودی ایدی . عجیبا بونلری اقناع ایتسه ،
مطلوبی یرینه کتیرسه ، صاوسه اوغلنک یاننده اسکی قدرتی اکتساب
ایدیبارمیدی ؟ سیرایک او شئامتلی حزن وسکونتنده قورقاق بر
فیصلتی ایشتدی . هاشاهک خزینه داری بزم عالم « قادین افندیمز ، آمان
قادین افندیمزی قورتارک » دییوردی . او زمان اوغلنک سقوطلی
اوکنده یکانه حائل اولان وجودینی کری چکدی :

— کیدهیم شهزاده نک صاریحباغن صاردیروب چیقارایم .
دیدی . تختی ده ویره جک یدملتی آلیقویمیان بووالده نک ارقه سندن
درین ، حار بر دعا ، بر آلقیش دیوانخانه لری تیتره تدی :
نور عثمانیه ؛ ۲۶ تشرین ثانی ، ۱۳۲۴

حيات مخيل !

او قىش پتەسەبۇرغىدە ايدىم . جىسىم بىر كىتەپ بىشەرك زىنجىرلىرىنى قىرماق اچىن مىجادلات روحيەلىرىنى تەدقىق ايتىمكى ايسىتىۋىردىم . بىر كە خەتتىكى كە واسە مەناسىيەلە اچمىش ، كە چىلغىنىدىن كە عادىسە قەدر آرزۇلىرىمە دائىمەمۇفۇق اولمىشەم ، آرتۇق حىياتە قارشى روحمە بىر صۇئۇقلىق واردى وساللىرىنى تەيىج ايدىن ، بوتون شەتەلە ، دىھشەلە ياشانان شىلەرە بىلەنكە ياشەش بىر عىطالەلە مەقابەلە ايدىۋىردىم . بورادە يكانە آرزوم نەيىياسىتىلەك ، بوتون انسانلەك آرقەسىندىن قوشۇب يەتەشە مەدكەلىرى شەيئە قارشى تەھالىكلەرنى كۆرەمەكەدى . بوتون حىياتەمە ەرفەردەك ، قومەك ، جەنسەك تەقىب ايتەدىكى حىياتە مەخىلى تەھلىل ايتەمكى ايسىتىردىم . چۈنكە بىم آرتۇق بىر حىياتە مەخىلەم يوقەدى . ەيىچ بىر شەيئە ، حەقىقەتە قارشى بىلە تەھالىكمە يوقەدى .

فەقەت انسانلەك حىياتە مەخىلى اياق تەماس روسىيەدەدە كۈچ اولدەيغى ۋەزەنسەك بۇيە دوشۇنچەلىرىنى دىماغلىرىنە جەبەس ايتەدكەلىرىنى ، مەقەسدەلىرىنى ، ايتەكەلىرىنى قەلبەلىرىنەك كە مەھفۇظ كۈشەسەنەكەلدەكەلىرىنى آكلادىم .

بومعظم شهرده فالابالق آراسنده طولاشدقچه، برآز وحنی، فقط او
قدر صمیمی ودرین، اسلام چهره لرینه باقارده یابانجی قالدیغم برآتش
تهالك صاقلایان هویتلرینی طیرناقلرمله بیرتارق، آراشدیرارق، بوبوك
آرزولر طاشیان بورو حلك آلورینی بنم لاقید، منكر قلبه مزج ایتك
ایستردم.

پترسبورغده اون بش کون قالدقن صوکره محتشم، وقور شهرک
هیچ برسرینی سزمیه رک، اصرار انکیز، مظلم بر قاپنک آجیلیمان
آهین قانادلری اوکنده آرزوسی اسعاف اولنماش بر دینجینک حسیله
آزجق مایوس وایچه حدتلی، دوتکه قرار ویردم. او آقشام زواللی
زوجم بنم بوسیا حترده ده داغیلیمان آلنک سیاه دومانلرینه قارش
عاجز، بونشته سزلکمدن کنیدیسی مسئولش کبی، بوزولور کن آیاقلریمی
بردن بره یره وورارق حایقیردم:

— بنی نیچین بورایه کتیردک؟ آ کلامیورمیسک؟ بنی مشغول ایتک
ایچین بوتون تشبیلر کدن بیقدم؟ هایدی، هر شیئی حاضر لایام، ملکتمزه
کیده لم وبنی آرتق کندی حالمه براق.

زوجک استرحامکار نظرلری او کندن صیریلارق یاتاق او طه سنه
کیدم، وقایبی شدتله یوزینه قاپدم. او، بوکبی عصبی نمایشلره
آلیشمشدی. حیات ماضیه مک، فجیع بر خاطره سنک تمادیسيله بن خسته،
روحي خسته، بر قادیندم. یالکیز ازدواجک ایلک آنلرنده هر شیئه
کوله رک زوجک رفاه و سعادت، حتی ذوقی ایچین یاشامشدم. فقط
انسانلر عجیدرلر، بن اوکا حیاتک اکیچه، اک لذید دقیقه لرینی بخش
ایتدیکم زمانلر او ناصل کنیدیسنه ویریان بو شیتک قیمتی بیلمیه رک

بی عادی قادینلرله آلداتمش، عزت نفسی چامورلرده سوروكله مشدی .
فقط بن زوجك وظیفه مطیعہ سندن بیقارق کندی دوشه نجه لریمه
عودت ایتدیگمدن بری ، اوقاچیردیغی حیات مخیل ایچین ایگله یور ،
دویغولرینك اك حریص نكته لریله زده لنیور ، دوغرائیوردی .

زوجم یاتاق اوطه سنك قاپیسنده یالواریر کن بن بارد ، لاقید بوتون
بوشیلری دوشونویوردم : تدقیق ایتك اوزره کلدیکم روس قومیده
امل مخیللری اولان حریتی آلسه لر ، سرور زمانه آلیشاجقلر ، قابیلرنده
بر آرزوسی اولان انسانلرک شایان تدقیق وعادتا ساری اولان جانلی
تهالکلرندن عاری اولاجقلردی .

برده کندی حیاتم کوزمك او کندن کچیوردی . نه قدر باشقه لری
اوزرینه نفوذ قدرتی سوه رددم و کندی نفوذم آلتنده محکوم اولانلرک
روحنده ناصل فاجعه ، اذا ، اك وجد آور لحظه لر یاراتا بیایردم .
شمدی بر قاچ کیشی خاطر لایورم ، نظر لرمك ضیاسیله ، اوضاعمك
ارامریله قاماشمش کوزلر ، مطیع ، اولوملره قدر مطیع ، چهره لر
واردی . فقط بر کون بوتهلکلی اویونده رقیق بر قلبك ، بر ایپك نراهتیله
آکله نن ، قادین آلریمك آراسنده قیرلدیغی کورددم . او کون نجه بر
واسطه هیجان اولان بر شینك بر فجیع تجلیسنی کورنجه اور کدم .
صو کره یارالادیغم یردن یارالانده . حسیات قانلرینك صو ك دامله سنه
قدر قوصان بوسماوی چهره نك خاطره سی قارشیدسنده ، شیمدی ابدیاً
محکوم ونادم بر جسم جامد کی سوروکلنیورددم . بر حیات مخیل که
مائی ضیالری سیاه بر مزارك قعرنده ناظم !

اوله بر حیات مخیل اولسه که انسان اونی ساده شیلرده بولسه ؛

ورؤیالر آرقه سندن اللری بوش قوشمق سزین مسعود اولسه، مثلاً روس قومی زنجیرلری، بنده زوجم ایله مسعود اولسه ق، دییه دوشوندم؛ او وقت : « عجباً، دیدم، مجرد قلبلرک انتاج ایتدیکی تهالک کرده اینلر اولماسه سعادت اولورمی؟

ایرتسی کون نا کهانی بر سبب پترسبورغدن حرکتی تأخیره سبب اولدی. برکنج روس، آثارینی ایجه زماندرطایدیغم بر محرر، زوجه سیله بزی کورمکه کلمشدی. زوجم بو آدمک نهیلیست اولدیغنی سویله یجه اونک واسطه سیله طایمینی ایسته دیکم حیاته داخل اولایلمک امیدیه روسیه ده قالدیم. بر زمان صوکره او آرزومه ده موفق اولدم. فقط عجیب اولارق محرردن زیاده، ایلاک نظرده، ساده کورون زوجه سی نظر دقتی جلب ایتدی. او، برکیجه مسئله ره همه جانلی بر جواب کی کلدی. اونلر حیات مخیل یاننده، کندی حیاسنده بولمق قابل اولاجغنی بکا اثبات ایتدیلر. سویملی، قناعتکار کوزلرله، آچیق عالیجناب جهه سیله، ساکت و آوده طوریه همان امنیتی فازاندی. نصیب حیاتنک تفرعاته اعتراض ایتیه رک، زوجنه، چوجوقرینه احتراص سز، فقط نهایت سز بر رابطه ایله مربوط، معمای حیاته بیگاهه، صافیت ورقتی ایله تحدید ایتدیکی دائره ده حیات مخیلانی بولمش برقادیندی. روس حریت مجاهدلری و محررلری آراسنده بر موقعی اولان «ودرو-نسکی» ده عینی صاف، یکنسق سعادت قی تمثیل ایدیوردی. او قدر شدتله بر نهیلیست طایمق ایسته شش اولدیغم حالدله ایلاک تصادف ایتدیکم بر نمونه سی اولان زوجه ربابا صفتیه نظر دقتی جلب ایتشدی. روحک بویوک سؤالنه جواب ویرن بو چیفتی ناصل عمیق بر تجسسله تدقیق

ايتدم؛ ناصل بر برياه، ساده حياتلريله مسعود اولان انسانلري ياقيندن
 طانيق، صوثوق، عنود قلبى ايصيتدى. مادام وەرونسكينك يابانجيلره
 پك دوز كورونن هويى آلتنده، محرم، اينجه بر آكلايىشى، حياتى
 بويوك بر جسارت وشوقله تلقى ايدىشى واردى كه چوق سورمه‌دن،
 بر برىمزه بگزمه‌مديكمز حالدە هيچ بر شيئك چوزمه‌ميه جكي بر دوستاقله
 باغلاندىق هيچ بر محررك كتابى، حتى اك فلسفيسى، اك درىنى بيله
 بكا بوظاهرآ ساده كورونن قادين قدر حسن تأثير حاصل ايتمه‌مشدى.
 اونى طانيق، اونكه زمان كچيرمك اومغلق، قاريشيق قلبى تنظيم
 ايدىيور؛ عصبى صيتمەلرني اونوتدورويوردى.

حياته‌قارشى صحيح، آسوده بر نقطه نظر وىرن بوچيفتك حياتلرينك
 هپ بويله پوروزسز كچمه‌مى ايچين نه قدر دعا ايتمشم. فقط بودعامده
 برآز خودكام برشى واردى. اونلرك حياتلرني آديم آديم تعقيب
 ايدر كى بكا يگى براعتقاد وىرن بوچيفتدن برينك آسوده ياشايشلرني
 بوزماسى احتماليه تيتره‌ردم. چونكه او حالدە قلبمده ايجادايتدكلرى
 يگى اعتقادى كندى اللريله قيراجقلردى.

بركون وەرونسكىنى طانيان برروس قوتى بنى كورمكه كلشدى.
 بو آدمه هيچ مساعداتده بولمايغم حالدە حياتده يكانه مقصدى دائماً
 مزعج بر پرستشله بنى تعقيب ايتمكدى. قونت بيلامه نه‌دن نظر مده
 كوچولتمك ايچين اوغراشدينى ورونسكيدن شديله بحث ايدىيوردى.
 ورونسكينك برچوق شيلره اتهامنى كل صبرايه ديكله‌د كدن صوكره
 سوزيني كسمك اوزره كوله‌رك:

— اعتراف ايديكز كه وەرونسكينك هيچ اولمازسه برشيدە سزه

رجحانی وار، دیدم .

قزارارق :

— نهده ؟ دیدی .

— او ، دیدم ، ای برفاملیا باباسی ، صادق و محبتکار برزوح ؛
حالبوکه سز قونئسی طانیان برفادینه آرزوسی خلافنه قور
ایدیورسکیز .

— اویله می طن ایدیورسکیز ، دیدی ، برکردهده وهراماترنسکی به
صوریکیز .

آرتق صبریمی غائب ایدیوردم . صوڭ فاجعه سنی اوینایان
بر آقترسی محروک طانیاسی حتی اوینه کیتیمی زوجه سینه نه دن
صداقتسزلاک اولسون ؟

— « ناتاشا » بودوستلغی بیلیور ، وزوجندن امین . دیدم .
— تلاش ایتیه ییکیز ، مادام ؛ ایسترسه کیز سزه دلائل ...
فقط آرتق اوئی دیکله میوردم . کوزلریمک محفوظ اولارق باقغه
آلشدیغی بیاض ، منور بر سعادتک اوستنده استخفافکار بر کولکه
صبرتاردیغی کوردووردیم . قونئک ایمالرینه اینامق ایستهمدم . مع مافیه
« ناتاشا » نک آچیق آئنده کولن نشئه نک قاچ زماندر قاراردیغی ،
فقط جسور و صبور روحیله ، وقور طوریه هر کسدن ، حتی بندن
بر کدر صاقلادیغی ذاتاً سزیوردم . برده وهرونسکینک قومیه مزک
صوڭ اجتماعلرندە اسکی شدت و صمیمیتله سوز سویله مدیکنی ،
کوزلرینت اطرافنده سیاه خلقلر ، نظرلرندە دائماً اوزاقلره نحسره
دالان بر معنا اوچدیغی خاطرلادم . هاه بر کون « وهرونسکی » دن

اكنهرك بخت ايدر كن ، بكافارشی دائماً اخوتكار نظرلرنده آزج-ق
درشت ، ایچده سرزنشكار ، برلمه ایله :

— وه را آورو پادن کیدیور ، قورتولو یورسکر ؛ دیمشدی .

اوزمان تعیین ایده مدیکم بر شیه قیرلشدم . بلکهده آزجق
ایلری به کیدن شقالریمک « ناتاشا » نك ذهنی تشویش ایتسی احتمالیله
متأذی اولمشدی . اوندن صوکر « وهراماترنسکی » دن تائی ایله
بحث ایتکه باشلامشدم ؛ فقط ورونسکی نك ناتاشایه قارشی شفقت
وصداقتدن ذره قدر شبهه خاطریه کله مشدی . شیمدی ابدیاً زواله
محکوم اعتقادیمک یقیلمق اوزره اولدیغنی حس ایله ظلام فتور ایچنده
روحم اویوشدی قالدی بوکا سبب اولان وهرونسکینک شخصنه قارشی
خودکام بر حدت وعصیانله تیردم . ناتاشانک کدرینه قارشی ده الیم
برعجزله ، دوستاغم . اک حساس یرندن یارالانیوردم . حتی زوجک
شخصمه صداقتسزلکلرندن بیله تأثرم بو طرزده دکلدی . بن هر وقت
اک کوچوک ضربیه قارشی مقابله ایتمش ، قابمده اک ضعیف چیزکی
چیزنلرک روحنده درین شرحه لر آچمشدم ؛ فقط ناتاشا !

هر کون کچدکجه وه ورونسکینک وه راماترنسکی ایله مناسبتلری بر
شکل قطعی آلیوردی . وهرونسکی یی طایانلر اونک درین ومؤل
تحولات روحیه ایچنده اولدیغنی حس ایدیورلردی . بونک اوزرینه
فاجعه استعدادلری کوسترن بودرامک ، بر دوستک حیاته نه قدر
تعلق اولدیغنی دوشونهرك وبویله سیرجی صفتیه قالمقدن متأذی اولارق
بر ای ایچین موسقوايه قاچدم .

اونلردن بر زمان اوزاقده بولوندقدن صوکره وه ورونسکینک

وہ رایہ عشقنہ قارشى یوموشامغہ باشلادم . شیمدی یہ قدر اک زیادہ دوستمک قوجہ سنی دیہہ کندیسنہ قارشى بسیط بردوستاف حس ایتدیکم آدمی ایلك دفعہ اولارق تحلیل ایدیوردم . بو آز اویویان ، شیشن قاپاقلری آلتندہ سیاه دورغون کوزی بروولقانه می سپر اولیوردی ؟ اونده شیمدی یہ قدر بولدیغم شیر ، بر آز کندیسنی بکنمش ، فقط دوستلرینہ قارشى دوغرو ، وفاکار ، قادینلرہ قارشى نازک ، چوجوقلرہ قارشى مشفق ، فقط سادہ برہویت ایدی ؟ شیمدی ؟

یا کلمشدم : دیمک کہ اونک آسودہ طرز حیاتندن مغلق یارادیلشلرہ ، ہیجانلی یاشایدشلرہ قارشى برانجذاب واردی .

ودرا ؟ او بر آقریسدی . ناتاشای طانیادیغندن اونک قوجہ سنی بلکہ صمیمی ، بلکہ پاچاورا کبی مردار برحسہ تبعیتلہ ضبط ایتمہ سنی تخطئه ایدم مردم . وەروونسکیلرک حیاتنہ کیرن بوتحولدن صوکرہ اولردن اوزاقلاشمغہ وروسیہ دن قاچغہ قرارویردم . فقط روسیہ دن چیقمہ دن اول وەروونسکیلری بردها کورمک اوزرہ پترسبورغہ کلدیم . ناتاشانک واضح اولمایان حزنی ، بلکہ صحتک مختل اولماسندن ایدی ! بلکہ دہ زوجنک صوک عشقندن ہیچ خبردار دکدی و بوکاذب رؤیای سعادتى ایچندہ ابدیاً قالاچقدی . بنجہ آلداتیلماقده او قدر سفیل ، آجی بر کوچوکلک واردرکہ یالانجی برسعادته ابدی بر اضمحلال روحى ترجیح ایدرم .

روسیہ دن جرکت ایتمہ دن بر آقشام اول وەروونسکی نی کورمک اوزرہ وەرانک اوینادینى تیاتر و بہ کیتدم . وەروونسکی نی قاپینک او کندہ کوردیم سسلندم ، دالغین دالغین دوندی .

سزی بر ساعت قدر زرده کوره بیلیرم ؟ دیدم .
 بلکه موعد ملاقاتی بوزان بوتکلیف اونی صیقدی . بر تانیه
 سکوت ایتدی . او وقت بردن بره بشری اولدیغی ایچین شایان تداوی
 اولان عشق خسته لفته قارشى بر قادین ترجی ایله صیزلاندیم . الیمی
 مانشوعدن چیقاردیم . پالطوسی اوستتنده مقصد سزجه صارقان آلنی
 طوتدم ، صیقدیم ؛ اوأل بو آ کلایان ، آجیان مصافحه نك معنای
 حاری ایله کوشه دی . بر بریمزی ، سویلامه دن آ کلایان روحلریمز
 آراسنده حاضر لادیغم اوزون شیلری سویلامکی فائد کوردیم . عینی
 آجیی بوتون مرارتیله روحنه مص ایتمی بر آرقداش سسیله صوردم :

[*] Quo va dis Seigneur —

قیصیق برسسه جواب ویردی :

— حیات مخیله !

آه او خائن ، او یتیشیلمز ، او اوزاق خیال ! دائماً حسرتلرده ،
 دائماً محرومیتلرده وار اولان مخیل حیات ! بعضاً سنی تایانمزده
 زوجه لریمزك آجیق ، مشفق چهره سنده ، روحلرمزك وفاکار
 ساکن عبودیتنده کوره میهرک بلکه هیچ وار اولمادیغك وجودلرده
 آراز ! ...

نور عثمانیه ؛ ۲۰ کانون اول ، ۳۲۴

[*] زریه کیدیورسك ، افندی ؟

برکناھکار قادینىک ژورنالندى

سسمى بوشلقاره ، بوشلقار ك آرقه سنه صاقلانان قدر ايشيتدير سه مده
 بوتون مكانه قلمده كي فوران ايدن بو آتش حقيقتي حس ايتديره بيلسه م.
 بو عشقدين ، آجيدن ، اذيتدن ، لذتدن دها قوتلي اولان حس ، اك
 كورونمز يرلره اختفا ايله كائنامي قارالايان ، حياتك اك اينجه نقاتني
 تخريب ايدن بومالي حقيقتي اونوتمق ايچين بيتسه م ، يوق اولسه م ،
 مضطرب اولاييلمك ، بني محيط اولان اشياي حس ايدم بيلمك ، بكا
 كنديمي اونو تدورا بيله جك كننج بر نشئه حس ايتمك... خاير، خاير!
 قلمده وجودمي ، قائمي دامله دامله ياقان آتش ايله ايصيتاماديغم
 بوصوئوق اولولر ، خراب مزارلر ، ذاتاً طاشياماديغم بويوكي چوق
 هم يك چوق آغيرلاشدير يورلر.

بى سوۋى ، يىكانە سوۋى سارىشىن چەرە ! سىندە اولدۇ . سىنى
چاغىرىيورم . بىكلىيورم . قوللىرى اوزاتارق ، اىگىلە يەرك يالۋارىيورم .
افسوس ! بىنى مەتلى ايدە جىك سىس سىكۈتە مەنقەلب اولمش ! بىنى شەققەتە

ایصیتاجی نظر سونمش! دوشونجه مده بیله مبهم برخیال اولیورسک.
اونک ایچین سنک پرستش ایتدیگک بوقور باشی آچالتان، طانیدیگک
روحي پریشان، عاجز بر خسته حاله قویان، بوزهرلی وارلقدن سکا
شکایت ایده میورم. نصل ایدرم، بن کنسیم اوکا کماک ایچون سنی،
وجودیکی، قبریکی بیله چیکنه مک لازم کله جکینی بیله رک تردایتهم
سنک دلبر رؤیالره دولو کوزلریکی، یوکسک دوشونجه لره اوچان
کوزهل کوزلریکی اونو تمناه سنی تحقیر ایتمکدن چکینمدم. عالمک اک
رقیق لذائذینک، قلبک اک انجه ایستکلرینک، انسانیتک ایریشه میهرک
اذیت چکدیکی کوزهللک اک سمعدانی برنجلیسی اولدیغکی اونو تدم.
شیمدی تبم بر قلب، آجی، یورغون بر یأس ایله یاشامق اذیتنه تحمله
چالشیورم. جزامک شکلی ده سکا سویله مکک جسامت ایده میورم.
یاسینلرک، کلرک ده استکنجه ویرنجی بر قورقو ایله آچوب اولدکلری
او طور اغمکک یاننده بکا اوفاق بریر ویرمزسک، دکلی؟ بن سنک
مزار کدن ده مهجور اولمالی یم که جزام تمام اولسون. اولدکن صوکره
بیکارجه سنه فضا ده دولاشمالی، دالغه لرله آغلامالی، روزگار لرله الم
آغاجلری آراسنده سورونمالی، مظلوم قایا قوووقلرند سنی جاغیرمالی یم.
او وقت یلکه قدرت بکا سندن اوفاق برندا کتیریر، بلکه ابدی سیاه
بولوطلرک قورقونجانی آراسنده ایکی مائی نقطه بکا تبسم ایدهر...

بلیرسز بر صیزی! بوتون نشئه لرم، دوشونجه لرم، احتراصاتم آراسنده
اسم ویره مدیکم، یرینی تعیین ایده مدیکم کیزی بر قلب صیزی! او
زووالی بلیغ، عاشق کوزلریک انتقام معنویسی، او بنی سوهن، طانیان
مهتر، عاجز سکا عکسی!

اهمیت ویرمدیکم او بیچاره چو جوق کنندینی بکا یوقلغنده اخطار
ایدیور. ال حساس یرمده بر بورغو کبی دائمی بر آجی ایله کنندینی
بیلدیریور. بو حس نه در؛ نهایت سویور می؟ خایر، یکی بر آلت هیجان
بولدیغم ایچین ماضیده کی فیرطینه لی بر حیات عشقک صولغون بر عکس
صداسنی دویو یورم. یوقسه قادی نجه بر مر حتمی؟ بر اضطراب وجدانی؟
بلکه هپسندن مرکب بر حس مبهم!

کورمک ایچین هیچ اختیار زحمت ایتیه جک قدر لاقید قالدیغم
بو چو جوغک درین، دیلسز عشقنه قلبک تا کوللرندن بر قیویلیجیم
جواب ویریور. اصل شیمدی او صامت، زبون ابتلائی بوتون
تفرعاتیله یاشایورم. باصل باشلامشدی؛ بنی ایلک کوردیکی آن، ایلک

لا قید نظر ماله چهره سنی بر حمرت قابلامش، الاری، سسی بر چو جوق
 کی تیرممشدی. او دقیقه دن اعتباراً او کوزلر امیدسز، زبون، مایوس
 بر عشقک آلامنی بکا هیچقیر یقارله آکلاتمش، او سس اک طبیعی
 برنی سویتر کن بکا صیجاق، چیلغین بر مفتونیتی آغلامشدی. عشق
 کله سنی هیچ اغزینه آلامشدی. فقط بن اونک مریض ابتلاسنک
 آجیلری، آرزو دالغه لرینک روحنی وجودندن آیریرجه سنه صار صوب
 آلت اوست ایتدیکنی بیلوردم. بنی دایماسه لر قدریو کسک بولوردی.
 قابینک خبریاندن، پارچالانماسندن اونی کونلرجه بهوش و خسته
 کوروردم. او هنوز کوزلرینی بندن صاقلادی بنی زمانار ایدی. اغزی
 اسرارینی محافظه ایچین ایتدیکی جهددن یورغون و دوشوک ایدی.
 کوز قایاقلرنده چهره سنده بویوک آلور دولاشیر، دوداقلرینک کنار
 آیاقلریمک آلتنه کندی بنی آتوب بر چو جوق کی آغلامق هوسیه
 تیتتردی. بنم بویله حسلرک وارلغنه احتمال ویرمه ین بارد قلبمد و اونک
 یکر می ایکی یاشنه قارشنی دوستانه بر مرحمت اویانمشدی.

بو مرحمتی حس ایدنجه عشقی باشقه بر دورمه کچدی. سعادتینک
 سر خوشلنی ایله اتکلریمه باقغه جسارت ایدمه ین کوزلرنده، سرینی
 صاقلامق ایچین ازیلن حالسز سسندده، بوتون قادینلغمک نفوذ و جاذبه
 سندن قاچان روحنده عصی بر جرئت اویاندی. صاقلادیغم ایچین
 مزاره کیردیکنک، مزاره کیردیکنک ایچین بوتون عشقلره بارد قالان
 سناکمه بو چو جوق کوزلرینه، سسیله مالک اولدی. پرستشکار کوزلر
 یکارانو بر زمین یالواردی، آغلا دی، آنی بر جنتله نظرلری کوزلریمی،
 اغزیمی بوسه لره یاقدی، صوکره کوزلریمک عمقندن کیمسه نک

کیرەمدیکی بئەلکەمە قدر کومولەرك بى ھىچ بىلمەدیکم بر حظه
 صارصدى . بندن اون آدېم اوزاقده کوزلرى کیمسەنک اویەمدیکی
 - حتى سەنک بىلە زواللى چوجوق ، اویەمدیکک - روحى آتشی
 نظرلریلە اویدی ، اوقشادی . صوکرە بونظرک جرتى کاف دکش
 کى سسېلە طاپنارق يالواردى ، عفو دیاھدى . اوت ، لاقد قالدېغم
 بوچوجوق بردن برەبکا ياقلاشمقسىزىن لذت عشقت مەلک درىساکلرىنە ،
 اولدوروجى صېتمەلرىنە بى سوروکلەھدى . کوتوردى . صوکرە بېتاب ،
 غەرىتلردە غائب اولان مقدس مىزارىکە ایتدیکم یمىنى اونوتدېغمى حس
 ایتدم . البت سەنک روھک شېمدى یە قدر کیمسەنک روھمە مالک
 اولمادیغنى بىلیور . فقط بوچوجوق وبرآن وجدلە روھمە مالک اولان
 نظر بوسەلرى !... او وقت اوندن نفرت ایتدم ، اوکا لغت ایتدم .
 فقط او شېمدى بندن اون آدېم اوتەدە دیزلرىنک اوزرنده بردقیقە
 اول طاپىنان کوزلرنده برکوپک کوزلرنده کى آجى استرحاملە يالوارییوردى .
 اضطرابى اوقدر بىلیغ ایدی کە ... بر یرى آجیور ، پارچالانیور ،
 یانیوردى ، یاناقلرندن یاواش یاواش یاشلر یووارلانیور ، اوراجقده
 بوتون وارلنى نظرلرمدن برشعلە رقت دیلنەرك زەرلرلە ارییوردى .
 بىلیوردم کە اکرمى او یرلردە سورونن کنج باشە عفوایلە قویسەم
 سعادتنن اولەجکدى .

فقط بونلرى نېچىن اونوتمیورم ، ونېچىن بوسىزى؟ ... ھې بونلر سەنک
 انتقامک . سنى بولامادیغم ، سکا اذیت ایدەمدیکم کوندن برى سى آرايورم .
 بوتون روھملە ، وارلغملە سنى ایستەيورم . بىلیورم کە سنى بىقېدىسىلە
 اولدورن کوزلرى برکەدر آغوش ایتسەك ارتق اولمکدن چکینمەجکم .

فقط قاجیورسک ، رؤیالرمده بیله سنی کسینک هیچقیریقارله تعقیب
ایده ایده ، آغلایه آغلایه خراب اولیورم . بر کره طوپراغکه باشمی
قویا بیلسهم بوتون محرومیتلریمی ، بوتون وجود بولیان آرزولرمی ،
بوتون اسکنجه لریمی کوز یاشلرمله آقیتاجغم . اوراده چورومش
وجودکی صاقلایان طوپراقلرک اوستنده اوله جکم . فقط مزارکده
بنی ایسته مز ، دکلی ؟ بن ابدیتی بوزلر ، آلور ایچنده کچیرمکه ، بوتون
فضایی سنی چاغیرارق ، سکا یالوارارق دولاشمغه راضی یم . سنک
خیالکی بیله قلبمده طاشیابیلمک ایچین عذابلرمله ابدیاً ایکله مکه ،
آغلامغه راضی یم ! فقط بوتون دردلرکم آلتنده بوکون باشقه بر
صیزی وار ؛ اوده سنک قدر کونشلی ، سنک قدر سودازده کنج بر
باشی داها کومک ، ایکی ماوی نور دها سوندورمک قورقوسی ...

کابون نانیده صوئوچه بر کوندی . صیجاق اورتولر آلتنده یاری
 دالغین ، یاری اویانیق یالکز صباحلری بولا بیلدیکم آسوده ،
 خلیجاسیز بر صیجاقلق ایچنده صباحی اوکله به قدر تمید ایدیوردم .
 قایی به خفیفجه اورولدی صوکره خدمتچی ، چهره سنده ، کوزلرنده ،
 بلکه تخیل ایتدیکم بر ممنونیتله خاله مک ایکی سندر صالوننه قبول
 ایتدیکی کنج کیمیا کرک کلدیکنی سویله دی . بو اومه ایلک زیارتی
 ایدی . شهره سز خالهم بندن خبر آلق ایچین کچر کن اوغراماسنی رجا
 ایتشدی . چونکه او کونلرده بر آرز خسته ایدم انسانک سببنی تعیین
 ایدمدیکی ، وجودنی بیله یاواش یاواش تخریب ایدن ، روحک بر نوع
 تنبلیک خسته لغی ! بن بوندن داها تداویسی مشکل بر خسته لق تصور ایدم .
 وجود نه قدر صحتده اولور سه اولسون روحه بر گره عطالت و یا شامقدن
 اوصاف کلدیمی وجودده اوکا اطاعت ایدیور . انسانک حیاتده اک
 چوق لذت آلدیغی شیلر ، حتی اک وجد آور دقیقه لر بیله بردن بره
 یاوان ؟ بهوده بر قیافته بورونیور ، سودیکی چهره لر دن معنای سردا
 سیلینیور ، کندینی حیاته ربط ایدن باغر چوزولیور ، بردن بره
 انسان بیکس قالیور ، فقط شوخالنه آجینامیاجق قدر قلبی دورغون ،

اطرافنده شیمدی به قدر فرق ایدم مدیکی بر بابا غیلق، یک اداالق کورو یور.
ایشته او وقت هکیمار بعضاً «نه ور استه نی» ، بعضاً «ایسته ری» دیور لر.
خاطر لایورم ، بنی ایلک کوردیکی وقت یک شن بولمش اولان
کنج مسافر م بو قیش خالامده دور غونلغمدن صحتک ای اولماماسنی
استدلال ایله اوزونجه فنی رنصحیت ویرمشدی. اودت ابن ده کورو یورم ،
اک آتشین، اک محترص بر حیاته خیر پالانیر کن عیج بروقت کوزلرم پارلاقغنی
غائب ایتمه مش، آغز مده چهره می چیر کن ایدن بو چیز کیلر پیدا اولمامشدی.
بونلری آینه ده کوردکجه اوموزلری سیلکیورم. بن چهره می بوزان اک
اوافق بر سیویلجه ایچین بر ساعت عیج قیر ارق آغلایان، کندینی بر «سوواره»
دن منع ایدن قالدین ! نه بدلاق ! فقط بن اوزمان یاشایوردم، قائمک
کندمه حظ ویرن بر قوتله دامارلزمده جریاتی حس ایدیوردم .
شیمدی ایسه یاشایاماقدن اولویورم . قائم باتاقلقلرده انسانی زهرله یین
دور غون صولر کی بی زهر لیور، اولدورویور . فقط بونلری نیچین
او صباح دوشونیوردم . آشاغیده مسافر یوقیدی ؟ هنوز لاوابونک
او کنده کیجه لکله، کوزلرم آینه ده کی کوزلریه معطوف، دوشونیوردم.
نهایت ایستر سکسان یاشسنده اولایم ، ایستر یکرمی درت ، حیاتک
غایه لذتی ، غایه المنی ایچمش دکلیدم ؟ ! حیاتک ویره بیلدیکی بوتون
اذواقی بیلمیورمیدم ؟ ! ایلک قادین اولدیغمی حس ایتدیکم دقیقه دن
بری شدتله ایسته دیکم هر شیئه نائل اولمامشمیدم ؟ اوت ، سولمک
ایستردم . فقط سولمه نك بوتون معناسیله ، حتی بوتون دهشتیه
سولمه شمیدم ؟ بلکه بنی چوق کیسه سومه مشدی . فقط سوهن
بر قاچ کیشی اولومله قدر سومه مشارمیدی ؟ اوموزلرمی سیلکدم.

سولمك آرتق بنی اسکیسی کی تهریز ، تهییج ایتیوردی. آرتق بو اویوندن بیقه شدم . بن سومك ایستیوردم . اسکیدن بنی سوه ناره قارشى حس ایتدیکم رقتی ، منتدارلنى واک صوکنده کی او طبیعی آرزولرمی سومك دییه قبول ایده مزدم . بونك ایچین شیمدی فضله تجربه کاردم . شیمدی سومك ایستیوردم . بردن بره ؟ سنه لردن بری کینیمك وکوزل کورونمك ایچین توآله صرف ایتدیکم زمانه آجیدم . نه بیهوده اوغراشمشدم . کنسیم سومد کدن صوکره !

اک ساده بر په نیو واره بوروندیم . ذاتاً هر صباح ییقاندقن صوکره قوللانديغم پرنج پودره سندن باشقه هر صنعی شیدن چوقدن وازچم شدم . رنگنه مغرور اولديغم صاحبلمك بر زمان باشمده دالغه لانا راق قیزلیلی کولکه لر یله بنی بعضاً کوزهل کوستردکلری وقت آینه ده اوبدیکم چهره مک یورغون ، دوشوک ، آرتق اولمك ایچین یالواران معنای ضعفنه باقدمده ینه اوموزلرمی سیلکه رک اوطه دن چیقدم . مردیووندن اینرکن بنی بو حسی باتماقلقدن قورتاراجق بر قدرت وارمی دییه دوشونیوردم . آرتق بو دفعه دیر یلمه مک اوزره اولمش روحم بوتون چهره لردن ، بوتون عشقلردن قاچیور ؟ طاش کی ، اولو کی صوئو قلفنی محافظه ایدیوردی . اودقیقه بنی یاتا غمدن بویله ارکن فالدی رارق متبسم کورونمکه وصاچه سویله مکه محکوم ایدن خاله مه وخاله مک کنج دوستنه حد تلندیم . فقط بوتون بو محاکاتم آراسنده اونك کلش اولدیغنه بنی ممنون ایدن برشی واردی .

بوکنج آدم اوته کیاره بکزه میوردی . اولو کوردیکم کنج کی بکا « قور » ایتمه شمدی . بوندن طولای کندیسنه منتداردم ،

بر آز «قور» لردن ، « فلیر » لردن صیقیلیوردم . صوکره صاحبک
 سیرینی پکایی صاقلایان ، فقط هر کسک اعماق قلبنی سیر ایتک ایسته یں
 متجسس ، کتوم سیاه کوزلری واردی . سیاه کوزلر . . لکن
 بزم کوزده هیچ خوشلانمادیغم بر دنک وارسه اوده سیاهدی .
 فقط نه چیقار ، اونک کوزلری باشقه ایدی . هم بن اونی سوه جک
 دکلم یا ! اوده بنی سومیه جکدی . بونی پک قطعی اولارق بیلیوردم .
 فقط بکا اونک کوزلرینی ندقیق ایتدیرمک ایسته یں شی ، شیمدی یه
 قدر سودیکم کوزلره قارشى حس ایتدیکم شیئه بکزه میوردی .
 بر کره جنس اعتباریله بر باشقهلق واردی بو کوزلرک هانکی ملته
 منسوب اولدیغنی تعیین قابل دکلدی . بونده نه ایتالیانلرک نمناک ،
 سوز کون ، سودالی نظرلری ، نهده شرقلیاریک بعضاً آتشین ، بعضاً
 ثابت ، دورغون دونوقلنی واردی . بونده چوللرک ابدی آلوریه
 نوروجیانک آیلرجه سورن صوئوق ، اوزون قارانلغی واردی .
 بونلرده — صاحبیرینک اوفاق باشنی عادیلکدن قورتاران هر کسه
 مجهول بردوستونجه عالمی ایما ایدن — درین کولکه لر واردی . اوهت ،
 بونلرده ، و بر آز شقاقلرینه دوغرو چکیان نارین چهره نك جلنده ،
 متفکر ، بر آزده مستهزجه قالقان قاتلرنده بوتون باشقهلق واردی .
 مع مافیه نه قدر کتوم اولورسه اولسون ، اوسیاھلغک تا عمقنده بر
 یوزغونلق ، بر بیقغینلق ، بلکهده یتیشه مدیکی بر آردوسی واردی .
 حاصلی اوده دردمنز دکلدی . چهره سنک باشقه طرفلرینی قاپایارق
 یالکیز اوسیاھلغه معنای ماتمی سورسه بلکه بکا جواب ویریردی :
 « بنده سنک کبی آرتق دنیاده لذت بولامیورم . » دیردی .

صالونك قاپیسی آچیلنجہ پیانونك وضعیتی ، بنی ہم طاتلی ، ہم
 آجی ، ، کومولش بر خاطرہ ایلہ صارصدی . تحف ! پیانو دائماً
 اووضعیتدہ دکلی ایدی ؟ یوزی پنجرہ یہ ، آرقہ سی قاپیہ همان همان
 موازی ؛ او حالده کہ پیانو چالان آیاغہ فالقماسہ ایجری کیردن اونی
 کورہ من . او قدر سنہ اول ایشیتمش اولدیغم شویہنك توقتورنی
 بوتون رنگین ، مایوس اینلری ایلہ بردن برہ دوراجق ، صوکرہ
 او ، ضیادار باشیہ ، آنجق کونشك اك مشعش اوقشایشیہ سہنك
 اك مائی کولککلر ، هوانك اك طراوتلی سکونتدہ اوسایارق ،
 قیوریلار ق کیدن سولردہ کی نویو ، موجهلی مائیلکی چالمش اولان
 او متجسس ، آچیق کوزلریلہ بنی سلاملا یاجق ظن ایتدم . ہیچ
 منتظر اولمادیغم دقیقه دہ قارشیمہ چیقان بو خاطرہ یی همان کلدیکی یرہ
 کوندردم . اوطہ یہ برآدیم آتدم .

کنج مسافر صوبانك باشندہ آیاقده دورویوردی . کوزلرنده کی
 دائمی اصرار و متائی آ کلامیانلر ایچین ، نازك چهرہ سیلہ اولدجہ
 بر تضاد تشکیل ایدن فعال ، صحتلی ، فقط برآز عصی ، نارین
 وجودی ، هر زمانکی دیکلکک عکسی اولارق ، برآز اوگہ متمایل ،
 اوموزلری دوشو کدی . الینی اوزاتدینی زمان بوز کی بولدم ؛ طبیعی
 اوطہنك برآز سرین اولماسی ...

ایلك نظرده چهرہ سنده بر دوشوکلک کوردم . کوزلر صوئوق
 وکتوم ، فقط اومصر تجسس ، شقاقلردہ کی اودوشونوجی کرکینلک ،
 قاشلردہ کی استہزایہ مہیا وضعیت یوقدی . ہیئت عمومیه سی یورغون ،
 برآز اوصانمش ، صیقلمش ، فقط وظیفہ سنی کمال سکونتلہ ایفا

ایدیوردی . بوتون طوریله : « بن بورایه پک انھماک ایله کلام ، بوراده پک اکلنمیورسه مده نه یاپیم ، مادام که کلام ، سنک شو صوتوق ، صیقینتیلی حالنه قارشى نظرمدہ سنک اھیتسزلککی کوسترمه مک نزا کتنی ایده جکم . » دییور کیدی .

اگر طورى ممنون ، یا باشقه اولایدی صیقیللاجقدم . اونک بو حالى بنم دائمی طاشیدیغم بودورغون ، صوتوق یاسه عادتا بر جواب ایتمش کی بکا برسکونت کلدی . اونک قارشیسینده بوکون ، بعضی زمانلرده اولدیغی کی اولجه چهره سی طائیش اولمق حس عجیبی طویدم . بوپک مبهم ، پک ازنجی برخاطره کی اونک حضورنده سببی آگلا یا مادیغم بر اصرارله بنی متأذی ایدر . فقط نه وقت کورمشدم و کیمه بکزه تیوردم ؟ هر حالده کیما کر دوستم اویله هر زمان تصادف ایدیلیر ، هر کسه بکزه ر عادی بر چهره یه مالک دکلدی . پیانونک وضعیتک ، اولجه ماضیدن یوزمه آتدیغی برخاطره ایله بوبکزه تمک حس غریبی بر برینه پک یابانجی دکلدی .

یاواش یاواش دالمشم . دوستک سسی بنی ایقاظ ایتدی . بر معتاد نشئه لکمدن شکایت ایدیور ، داها ایلری یه کیدیور ، پک لا ابالیجه « بر کدر کز می وار ؟ نیچین بویله دوشونویورسکز ؟ » دییوردی .

کدرم ؟ نیچین کدرم اولسون ؟ هر ایسته دیکمه همان مالک اولمایورمیدم ؟ آرزولرمی یرینه کتیرمکه حاضر ، بنی حیوانجه سوهر بر آدمه یاشامیورمیدم ؟ پاره ، توالت ، هرشی ... نه جواب ویره بیلیردم ، هیچ ! صوکره لاقیردی یی دکیشدیردی . بیلهم نه وسیله ایله سویلیدی ! « رونه سانس » دن بحث ایتدی . ایشته

اوکله ایله قانم یوره کمدن تا شقاقلمه قدر هجوم ایتدی . ذاتاً بویقینلرده غلبه چالامادیغم اوعصبی خاجانلردن بری بنی اوقدر صارصدی که ، صارصیلدیغمی کوسترمه مک ایچین بوتون قوتمله دیم دیک طورمغه ، دوداقلرمی ایصیرمغه مجبور اولدم . اومت ، شیمدی آکلا یوردم ، بوکنج آدمی سو مدیکم حالده ایچمده اونى سیق کورمک ایچین کنده بيله اعتراف ایتدیکم براحتیاج واردی . بوبکزه تمک حس غیری ، حتی پیانونک هرگون دیلسز اولدیغی حالده اونک حضورنده بنده اواسکی خاطره بی اویاندرماسی ؟ . ایشته به نلرک هپسنک آناختاری « رونه سانس » کله سی اولمشدی ؛ یکیدن طوغش ، بوکله هپسنی ایضاح ایدیوردی . بئلکم ، خودینلکم آراسنده جنوب اورمانلرک کولکه لرینه صیفینمش مزارندن ماغینک ماى کوزلو تجلیسی یکیدن طوغیور ، بوتون کونشی ، حرارتی ، کنجلیکی ، ترانه سیله اولمش اولمقدن ، قلبمدن سیلینمش اولمقدن عصیان ایدیورده کندینى طانیق ایچین اذیت چکدیکم برقیافته کلوب کندینى خاطر لاتیوردی . اومت ، یدی سنه اول طانیمش ، بش سنه اول غائب ایتشدم ، بئکه ده قابسزلکمک نتیجه سی اولارق غائب ایتشدم . تناسخه بر زمان قائلدم . فقط اوزمان او یکر می یدی یاشنده ایدی حالبوکه بو آنجق شیمدی یکر می بشاه یکر می یدی آراسنده کورونیوردی . چیلدیریورمیدم ، اونه قدر رنگین ، ضیادار ، شن بر پارچه ایسه بواوقدر کولکه لره ، ظلمتلره بورونمش اسرارلی بر وارلق . باقیم ، بویچیملی کوچوک باشی اونککنک عینی ! فقط او آتون کبی دالغلی پارلاقدی ، بوسیه ! اونک کوزلری یالکیز کونشک آچیق ، انکین ده کیزلره

ویره بیله جکی رنکده قویو ، متلون مائی ایدی ، صوکره قعرنده
 یالکیز تبسم ، یالکیز یاشامق وسومک آرزوسی واردی . یکی دنیانک
 یکی روسلی چوجوغی ایدی ! بوايسه ، بیکلرجه سنهک قاریشیق ،
 مېهم اذیتلر و مسرتلرله یوغورولمش ، اسکی برملتک اک متنوع آلامی
 روحنه مزج ایتمش ، روحی ذاتاً اختیار دوغمش سیاه ، کتوم کوزلو
 برچوجوقدی ! فقط بو کوزلرده کی مشابھت ! قاشلرده عینی ، بری
 قومرال ، هردفعه سنده « بنی سویورمیسک ؟ » دییه سؤال ایله
 قالدقار ! دیکری سیاه ، هر کوردیکی ایله استهزا ایتمک ایچین یوکسلیر !
 اک چوق بکیزمین ، اک چوق بی آجیتان ، بلکه آغزلری ! دوداقلر
 اینجه ، برآز صیقیلمش ؛ او ، اک اوافق تأثرله تیرهردی ؛ بوايسه ،
 صولغون ، معند ، برآزده مغروردی ؛ کویا قدر بنمله استهزا ایدیور .
 عینی طرزده بیقلر ، عینی چوقلقدنه ، او برینککیلر صاحیلری کی
 ضیادار ایدی ؛ بونککیلر ایسه ، کوزلری کی سیاهدی !
 بونک آتشی ایچنده صاقلادیغی سیاه کوزلرنده ، معند ، مغرور
 دوداقلرنده ، قاشلرینک معنای استهزاسنده کندیه بر بکیزه دلک
 بولیوردم . اودت ! بن اوزمان اون یدی یاشنده ایکن بیله حیاتک
 عجیب ، کولونج کوچوکلکینی ، بوتون انسانلرک کندیلرینی مالک
 اولق ایچین خراب ایتدکلری دکر سز ایستکلرده کی مسخره لغی هان
 کورور ، کولردم . اونک بر کون تحف برشیئی کوره رک کولدیکنی
 خاطر لایمورم . کندی کی حیاتی ضیای شمسک رنکین بر تجلیسی ،
 اذواق بشری داغهلرک ، یاپراقلرک اک آسوده بر نینتیمی دییه تلقی
 ایدر ، عالمه کولر ، عالمه آغلاردی . قهقهه سنده قایلردن چاغلایارق ،

اوینا یارق ، کوپوره رک ، صاف نغماتی ایله طاغلی تهزیز ایدهرک
آقان چایلرده کی طبعیلک واردی . یالکز طالع اونی قارماقاریشیم ،
اک یوموشاق بر رقتله اک طاش یورکیلره رقابت ایدهرک غدارلنی
کندنده مزج ایتش برقادین قارشیسنه آتدی . حیاتدن هر بکله دیکی
شیئی ، غایه مسعدتی ، اوقادینک کوزلرنده کی التفات ویا دارغینلغه
ربط ایتمشدی . او سودیکی کوزلر کنديسنه پارلامادیغی دقیقه
کندی ده بو کونش عالمندن چکیلدی ، یاواشجه وطنک اولو آغاچلری
آلته ابدیاً دیکلنمکه کیتدی .

نیچین بربریمزه بو قدر بکزم مزدک ؟

مزارده یاتدک ، یاتدک ، قاره طوپراقلر باشنک کونشی قارارتدی ؛
کوزلرینک رنگنی سیاهلاتدی . اوصوئوق ، یالکز طاشلر آلتده
زهر حیاتی ، کولونج فلاکتلری آکلادک . کوزلرکده او استهزا ،
قاشلرکده او استهزا ایله کلدک ؛ بکا کولیورسک ، اویله می ؟

کیما کر کیتد کدن صوکرده اونک سحرلی پارماقلرینک بکاطایینارق
فریادلرینی ترجمه ایتدیکی پیانویه یاقلاشدم . الم باشده ساعتلرجه قالدیم .
ایشته بو مشابته ! برکله بنی ، مأیوس ، روحسز برقادینی ، اک
آتشین بر دوره عشقه عودت ایتدیرمشدی . سودیکمی بیلیمیه رک
اولدوردیکم چهره یه مشابه اولان چهره ! سیاه ، کتوم کوزلر !
عجبا نیچین سندن حظ ایتدیکمی ، نیچین سکا اسکی بر دوست معامله سی
ایتدیکمی بیلیمیسک ؟ یوقسه سنده آینه ده کوزلریله باقارق « بوقادینک
بکا ضعفی وار » دییه جک قدر بدلامیسک ؟ بیلیمیسک که سن بنم
ایچین قارارمش بر رسمدن باشقه بر شی دکلسک ؛ فقط کیم بیلیر ؟ ...

ایسته ریک

هر شیئی بر آرزو بیایردی . هر شی ایچین ، لایقیله او کر نمه دن ،
سریع دکاسیله بر فکر حاصل ایتمشدی . دماغی فتون مختلفه حقنده
نامتناهی نتایج ، مسائل ، صوکرده بومسائلک حیاته ، دینه تماسلری ،
یاکش ، مضر فقط خصوصی مطالعات و قرار لرله دولو ایدی . حافظه سنی
بویله باشندن بویوک مسائل فلسفیه ایله املا ایتد کدن صوکرده قلبی ده
خالی بر اقامشدی . قلبی انسانیت و سود کلری ایچین متنوع ، فقط
ای آرزو لرله ، مشفق حسله زنکی نلشدیر مشدی . اوت ! اونک
اک ای یری قلبی ایدی . هیچ بر کدر ، هیچ بر فلاکت اینی اوراده
بر عکس صدا یا پمادن کچه مزدی . بونکله برابر نه قدر مثبت ایسه
او قدر چارپیق ، خائن ، - بعضاً سیئاتک اک درینا کنده بوغولاندرده
بیله اولمایه جق قدر - مریض بر قوه متخیله سی واردی . هر دقیقه
تیرمه مک ، یاسامق ایستین اعصابی ، احتیساساتی بوخیالک توسعنه
یاردیم ایتمشدی .

بوکا حیاتک تصادفلری ، و طرز تربیه سی ده چوق یاردیم ایله مشدی :

اعصابنده ، روحنده فضله بر استعداد الم بر اقارق ارکن اولن ضعیف
 بر آنه‌نک خاطرمی وارثی ضعفلی ، نشوونما بولاجنی دورده
 کندیسنی بر آز قاوورمشدی . کتابلری ایچنده مستغرق یاشایان
 بکار بر عموجه‌نک قاریشیق اوندده ، خدمتجیلر آراسنده بویومشدی .
 هر ایسته‌دیکنی یاپارق بویوین ، تشکیلات مادیه‌می کری قالان بوکنج
 قیز، یاربم یامالاق بر تحصیلدن صوکره واسع بر کتبخانه ایچنه آتیلمش
 کندیسنه مضر اولان هر شیئی او کرمشدی . بو عجیب ، حیاته‌ایسته‌دیکنی
 استحصال ایده‌بیان کنج قیزده حیاتک طراوتلی نمایشارینه ، صحیح
 تجلیانه قارشی بر اختیار غناسی واردی . صوکره اون آلتی یاشنده،
 باشنده قاریشیق اخلاقسز بر قوناق خلقی ، آلنده مهمجه بر ثروته
 قالمشدی .

هر کونکی حیاته‌نده خلدجان ویره‌جک وقایع اولمادینی زمان
 خیالی خسته‌قلی اعصابی ایچین آجی ، کدر ساحه‌لری آچار، یاراتیردی .
 بو ایجه متحسس وجود ایچین اضطراب بر احتیاج قطعی ایدی . او
 آغلامالی ، دویمالی ودویغولری هپ آجیقلی اولمالیدی . ساکت ،
 رنگسز چهره‌سنی آیدینلاتان درین ، بویوک کوزلرنده روحنک تولید
 ایتدیکی ایدی بر فاجعه کولکه‌سی او چاردی . بوتون حیاته‌نده یاتمق
 زمانی بکله‌مک عادتی ایدی . هر کس چکیمدیکی زمان قارا کلنقه
 پارلایان کوزلری عجیب ، مختلف عالمره معکس ایدی . سودکلری
 ایچین دورلو عذاب ، دورلو کدر ایجاد ایدر و باشی یا صدقلر آره‌سنده
 آغلامقدن صقیلقدن صکره مطلق اولومک صوئوق قانادلرینی، ایچنده
 ارواح ، اسرار او چوشان قیریق طاشلی ، مظلوم سرویلی قورقونج

مزارلقلری تصویرله تیترهردی . تا سگیز یاسندنبری مماتک قورقونج
سیاهلغنده نه رنگین ، نه مدهنس تابلولترسم ایدر؛ صوکره یورغانک
آلتنده صوغوق تر دوکدورن بر خوف عذابنک دهشتنی علوی وایی
تصور ایدلمش بولوردی . تا کوچوکلکندن بری بوتون تخیلاتنده ،
حتی بوتون روحیله اینانیدیغی اعتقاداتنده بیله بر آرز بر محرر، بررسام
غروری حس ایدردی .

بر آرز بویودیکی زمان آتشین خلقتنک ایجابی، اطرافنده سزوبده
آکلایمادیغی قادین فیصلتیلرینک ، دها صوکره بر آزده اوقومغه
باشلاخجه چوق تی ایمالیدن ، فقط دوغرو برشی او کرتمه یین رومانلر
تأثیری ایله ، اعصابی ، صحتی ، حتی قلبی ایچین بیله مضر اولان عشق
خیالاتنه دالیدی . فقط بونده کنج قیزلرک شاعرانه « ایده آل » نه ،
نه ده قایا حقیقته بکزر برشی واردی . حب حیات حقیقیه یی آکلادقن
صوکره بیله قوه متخیله سنک الک درین گوشه لرینه قازدقلری شکللری ،
چیزکیلری محافظه ایدن صیمالی رؤیالر ، مریض احتراصلر ، چارپیق
خیاللر : مختصر ، متهیج بناکنده اعصابی صارصان شیر دایما قفسلرک
آرقه سندن کوردیکی ارککلر دکلدی . بو یاتدن ، تاربخدن هرشی ،
« روما » نک آنفی ته آترلری ، قانلی وقایعی اقلری لیمه لیمه قانلر ایچنده
سورونتولکه فیرلاتیلان بشریت ، « ندرون » مظالمی ، آتشلر ایچنده
چیرپینان « روما » ، انکیزیسیونک الک قاراللق ، الک خونریزاشکنجه لری ،
هپ بو حسی بسلردی . کندی بویودکجه تحمل ایده میه جکی قدر
بویوین ، بوتون وارلغنی عجیب آتلمرله تیتره تن ، بویوک کوزلرینک
اطرافنده سیاه خلقه لر راقان بو مریض حس ، اوکا تعلق اولمیان

منظره لرله اویانیر؛ زواللی ضعیف و جودینی مدھش مجادلر، قورقونج
 رؤیالردن صوکره درمانسز براقیردی . داها اون بش یاشنده ایکن
 حیاتک صیجاق دراغوشلرینی، زهر نشاطنی وارلغنه امتصاص ایتدیرن
 بوکنج قیزک روحنده بکارت قالمامشدی . فقط حسده، خیالده یکیلکله،
 اینجه لکله ایجار ایدن بوچوجوق چهره سنده ، اطوارنده او قدر کبار،
 معصوم بر علامت بکارت طاشیردی که ؛ خیالی، اعصابی مریض و ملوث
 اولان بو قیز متعدد کنج عمجه ودایی زاده لرینه قارشى ، او قدر
 صوئوق بر تمکین قوللانمیشدی که بونلرله هر شیدن بحث ایده جک
 قدر تکلیفسز اولدیغی حالده ایچلرندن اک جراتلیسی ، اک چاقینی بیله
 قادینلغنک وقار عفتنه قارشى بر حرمت حس ایتمکدن کنندینی آلامازدی .
 یالکیز کنندیسندە سومکه بکزر بر شى ، فاملیادن پک سودیکی
 بر تیزه زاده نك زوجنه قارشى ، باشلامشدی؛ و بو حس دوام ایتدجه
 اعصابی یوران دائمی احتراض کابوسندن قور تولمش کیددی . صیتمالی،
 خیالی در آغوشلرینی ، یکانه سودیکی بو کوزل چهره یه تطبیق ایتمکی
 دوشونمەمشدی . کیم بیلیرنه کر شرائط وراثت ایلە قانندن چیقارامادیغی
 بو چارپیق ، خسته لقلی شیردن ، روحنده باشلایان بو صمیمی، بوتیز
 سودا اونی قور باره جقدی . او آدمله اولنه مه مک احتمالی دوشونمیه رک
 اک ای ، اک صاف بر حظه اونی سوییوردی . آنجق اوزمان چیچکلی،
 ییلدیزی رؤیالر کورمکه ، قلبی صحیح ، لذیذ بر معصومیتله آتمغه
 باشلامشدی . اونک آهنگدار ، درین سسنى دیکله مک ، مودتکار
 نظرینی چهره سنده حس ایتک بوتون حیات ذهنیه وعصیه سنک شوائبی
 طاغیتیر، اونی دیندارلغک بیله طانیتامادیغی ساکت، علوی یو کسکلکله

دوغرو اوچوروردی .

بو معصوم تمایلاتی آچدیغی بر دوستک بوش بوغازلیغیه قوناق خلقناک ، کنديسنه قارشى فنا نظرلر ، سوء تفسیرلره چالغاندیغی دوغجه چيچکلی ، بیلدیزلی رؤیالرينك بر کناه اولدیغی حس ایتدی . هر شیئی کیرله تن انسانلرک ملوث نظرلری آلتنده عشقی لکه لندی . بو عشقی اویانديران آدمک بيله خبردار اولمادیغی بو حسک آرالرنده مادی بر رابطه دییه تلقی ایدلمه سی اونک باشنی دوندوره جک بر فکر ایدی . او هیچ بر وقت بویله بر شی دوشونمز ودوشونه مزدی . اونک چیلغینلق دییه ذهنندن طرد ایتدیکی غایه جنایت نرمین ، نارین قوللری آراسنه اوبویوک باشی بر آن ایچون کوممک ، بر دفعه ده کندى یورغون باشنی اونک بویوک اوموزلرینه دایایابیلیمک ایدی . ایشته هر شیئی عادیلشدیرن بو خیالک بيله بویوک عشقک وقاروعلویتی قارشیدسنده اک بویوک ، جسارتی بوندن عبارت ایدی .

آرتق اونی کوردیکی زمان آرالرنده کی آهنگ مطلقا بر طرفی قیریلدیغی حس ایتدی . بر کون اوسيفارا یاقارکن دوداقلرینی اوزاتیشی کنديسنه آتشین بررعه شه ویرد کدن صو کره اونی اسکيسی کی سوه مز اولدی . اونی ده قادین فیصیلتیلرینه ، رومان ایمالرینه ویورولدیغی مهم رؤیالره بکزه دیکی ایچین حیاتندن فیلاتدی آتدی .

شیعدی صیره اولمکه کلشدی . طالع اونی آتشین ، خودیین ، فقط دمیر ارادتلی ، چوق عقللی و کنديسنندن پک بویوک بر آدم قارشيسنه آتدی . بو ، کنديسنی چوجوقلغنده طانیان ، ایجه سنه در اوروپاده بولنان عمجه سنک اسکى بر دوستی ایدی . و کنج قیزه

وصی تعیین ایدلایکندن ایشلرینه باقق ایچین اسنانبوله کلهشدی .
 قرق سنه در « مرکز کائنات بنم » دییه دوشونمکه آلیشان بو آدم
 بیلمم ناصل بر معجزه نتیجه سیله بوحیف قیزک ایچیلکنه ، صولغون ،
 مستنا کوزلرینه مجلوب اولدی . اونک بر آز لاقید ، بر آز رقیق
 چهره سنده ، بو اویاندیردینی ابتلائی کورمک ایسته مه یین ساده لکنده
 اویله بر قادین جاذبه سی بولدی ، بوزمین وجودک مقاومت عفتیورانه
 سیله او قدر عشقک دریندکلرینه دالدی بوغولدی که نهایت ازدواج
 ایتمه کنج قیزی مجبور ایتدی .

هر شیدن یورولمش اولان بوساریشین ، ایستهریک قیز حیاتنده
 یگی بر یایراق چویرمک مقصد مقدسیله اولنیوردی . ظن ایدیوردی که
 بومشفق کورلو ، اگلی او موزلو زوج ، اونک کندی ارثی تربیه سنک ،
 بوش حیاتنک یابانچیلغیله ، قاننده ، خیالنده حکم سورن بوتون
 فناقلری یقایاجق ؛ خسته استعدادلرینی ، حلیم ، نازک نوازشلر ،
 دوستلقلره ائی ایدء جکدی . حالبو که ایکنجی دفعه اولارق آلداندیغنی ،
 هنوز بوناردن قورتولمق زمانی کله دیکنی آکلادی . اولاماده
 بوتون معناسیله لاقید قالدینی بر آدمه اولمشدی . صوکر . بو آدم
 او قدر قابا داورانمش ایدی که کنج قادینی حیات حقیقه نک هر
 صفحه سندن ایکره ندیرمشدی . زوجده اوگا مقابل نافذ بر کوروشله
 کنج قادینک کندینه قارش یابانجی قالدیغنی حس ایدءرک کاه بکارلق
 حیاتنک سفاهتنه ، کاه کنج قادینه بر متره س معامله سی ایدن چیاغین ،
 دغدغلی بر اولیلک حیاتنه دونمشدی .

ایشته کنج قادینک بوتون کنجکلکی بو بیهوده یورغونلقلر ،

سفیل مبارزه لر ایله کچمشدی . او ، ارثی حساسیتنه و یاشامق احتیاج
شدیدینه رغماً یینه بروقار عفت و قیریق املارینک یورغونلغیله زوجنه
صادق عالمشدی . کنج قادینک تخمین ایدم مدیکی بر سبیدن طولای
بو زوج کندیسنه فارشی برجاناوار کیلمشدی . اونک عزت نفسی
ایاقلری آلتنه آلیور . اک عادی خدمتجیلرله کندیسنی آلداتیور ،
حاقیریور ، تحقیر ایدیور ، حیاتلرینی جهنمه بکزه تیوردی . هیچ
بر وقت اسکی خیالی اذیتلرنده بو اولی حیاتک ایلاک سسئلری قدر
قهر اولمامشدی . قیصقانهلق ، نفرت ، خوف ، حتی بعضاً اوکا قارشی
محبت بیله حس ایدردی . هپ بو زمانلر چاره خلاص بولامادیفی
کوزیاشلی ، فیرطینه لی حیاتنده کندینی او قدر زواللی بولور ، اسکیدن
سودکلری ایچین ایجاد ایتدیکي آجیلردن بیک قات بدتر بیچاره لکلر
تصور ایدر ، کندینه آجیر ، آغلاردی .

بر آراق آرالرینه بر اوافق وارلق کیردی . مینی مینی قدیقه
تنلی یاوروجغه قارشی بویوک بر محبت حسیله برابر یینه اونی دادالره
براقارق فیرطینه لی یوانده دوام ایتدی . بوتون بوشلقلرینی بیلدیکي
حاله تو آلتلره ، مسیره حیاتلرینه کندینی آتمشدی . یینه بو آراق
ایدی که کیجه لری یخبره لرده بکلمه دن ، سببسز کورولتولردن ، صوئوق
تحقیرلردن قور تولق ایچین فنا بر فکر کلشدی . یا قوجه سی بر کون
اولو ویریرسه ! بو فکرده یالکیز قور تولمقدن باشقه ده برشی واردی .
اوده شاعرانه بر کدر ، زوجنی سودیکي دقیقه ده کندی کندینه
اذیت ایدوب آغلامق اوزره ایجاد ایتدیکي بر خیال ایدی . چو جو قکن
کندیسنی بعضاً سفیل و یتیم ، سوقاقلرده بر دیلنجی سفلتیه ناصل

تصور ایدرسه شیمدی ده کندیسنی تسلی قبول ایتمز بر دول صفتیه
کورور، زوجنك تابوتی مزاره قدر خیالاً تعقیب ایدر، سوکره
عمرینك هفته ده بر کونی، او طوپراق ییغینی اوزرنده کچیرمکه حصر
ایلردی. ایلک دوشوندیکی زمان بوشکلی آلان خیال، حیاتلرنی
بوزولدجه مضر بر آرزو قیافتی آلیوردی. بعضاً زوجنك صاعلام
کلیشنه بر تأسفله باقار، بعضاً ده بر آز جیکسه بیک قورقو وعذابدن
سوکره اونك بوینه متحسر بر کنج قیز کی آتیلردی.

سنه لر کچیوردی. زوجی آزعینلقلرندن یورولمغه، جداً کلمکه
باشلایان بر اختیارلق اندیشه سیله هنوز کنج اولان زوجه سه،
بوجاغنه، چوجوقرینه فوق العاده بر رابطه حس ایتمکه، اخلاقی
یوم شامغه، طاتیللاشمغه باشلامشدی. گویا اسکی اذیتلرنی سیلمک
ایچین کنج قادیک آلنی جدی بر شفقتله اوقشاییشی، اونك
کوزلر سه طاتلی بر دیکله نیشله باقیشی، آقشام اوزری بر چوجوق
سویخیله اوینه قوشوشی واردی. بویوک اوغللری اون بش یاشنده
سرپلمش بر مکتبلی، ایکنجی چوجوقلری سکیز یاشنده ساکن،
ساکت بر کوچوکدی اولرینه نهایت سکونت کلشدی. آرتق کنج
قادین دیکله بیایردی. فقط او دیکلنمک فیکرینی کندیسنه معین بر زمانه
تعلیق ایتمشدی. اوکا یورغون بر مأمورک متقاعدلکنی بکله مسی کی
منتظر ایدی. اوده اولاه خسته خیالنك کندیسنی آغلاتمق ایچین ایجاد
ایدوبده مرور زمانله مطلق بر امید شکلی آلان زوجنك اولمه سی
ایدی. فقط زوجی کندیسنی کیتدجه اوقدر سویور ایدی که حقیقتده
قلباً بو آرزوسنی فلاکت دییه تلقی ایتمه سی لازم کلیردی. وایله بر

زمان ده كلدی ! اولا قلبی ایله قوه متخیله سی آراسنده جدی بر مجادله باشلادی . خیالی ، قادیك صمیمیتله مربوط اولدیغی بر آرقداشی آلوب طوپراقلرله کوتورییور ، قلبی بو اختیار آدمه اونی بر قادیك رقتیله باغلاپ ، کیجه یاریسی کندیسینی تعقیب ایدن اونی غائب ایتك قورقوسیه اورکوب اویانارق یاتاغنده دوغرولوب اونك بیاض صاچلرینی اوپوردی . نهایت یکر می سنه لك بر اوليك حیاتندن ، کندیسینك شقاقلرده صاچلر بیاضلانمغه باشلادقن صوکره صحتی ، اعصابی ، وجدانی ، قلبی زهرلین بومتحکم قوه متخیله یه پك کچکلن بر کوچوک یاورو غلبه چالمغه باشلادی . بوتحول ناصل باشلامشدی ؟ پك بیله - میوردی . بلکه او مینی مینی قیزی دنیا یه کتیردیکی زمان ! هر حالده شمدی بوتون وجودینه صاریلان او اوفاق ، یوموشاق وجود ، آنه نك بوینه ، کوچوک بوینی ، بر صاری کوله بکزمین چهره سیله آنون قیورجقلی باشی صوقان او صیجاق نفسلی اوفاق شی ، خیالنك تشکله مانع اولدیغی قلبی جانلاندیریوردی . بوتون وارلنی او کول براغی آلرک کوچوک بر تماسیه تیرییور ، صباحلین دیکله دیکی اوفاق آیق سسارینه قلبی صحیح ، بویوک بر محظوظیتله جواب ویریوردی . سنه لرجه بکله دیکی روحنك تضرعنه جواب ایشته شمدی کلش ، اونی اویاندیرمشدی . او ماضینك کابوسلری ، لکه لری ، صیتمالری خیالندن ده کل وجودندن یاواش یاواش چیقیوردی . نهایت سعادت اوسنك هر گوشه سنه اولدیغی کبی قلبه ده کیرمشدی . بوتون وارلنی بو کوچوک حیاتك تکاملنه ، بوساری غنجه نك آچیلماسنه منحصر قالا جقدی . هر دقیقه سی آرتق سومك ، اك ای معنا ایله سومکله دولو

ایدی . بئلیکی، او کرەندیکی شیلرک یورغونلغی، اذیتلریله کومولش؛
 کندیسی بوچوجوغک، بوسعدت کوشەسنگ بکجیسی اولمش قالمشیدی.
 بیاض صاچلی بو اختیار، ایری، صولغون کوزلو بو قادین
 وقیورجیق، آلتون صاچلی بوچوجوغک تشکیل ایتدکاری اوچوزلی
 بر دوستلق، بر رابطه قدر طاتلی برشی تصور ایدیله مژدی . هیچ بر
 کیجه یوقدی که بو اختیار، زوجهسنگ، یوموشاق صاچلرینی کوزەل
 کوزلرینی اورتن کوز قاپاقلرینه بر بوسه قوندورمق ایچین اویانماسین؛
 بر کیجه یوقدی که ایکیسی ده آرالرنده دیکله ن بوچالاک، صاری قوشک
 لغمەسنى دیکله مەسینلر؛ بر کیجه یوقدی که کوچوک، آنەسنگ تاقلبەنە
 صوقولارق اونی قوش لسانیلە، بک اللریله اوقشاماسین . بر برینی ولی
 ایدن بومسعود کیجه لر، بر آرایه طوپلانمق ایچین وظیفەلرینی یتیرمکه
 غیرت ایتدکاری کونلر، نهایت اوزون بر حیاتک آجیلرینی، سفاقلرینی
 آرقەده براقیوردی . قادین بو قدر فیرطینەدن صوکرە کلن بوسا کت
 سعادتن قورقویور، هر کیجه یی برابر کچیرە جکلری صوک کیجه در
 دیه تیرە یوردی . ایشتە خیالنگ بوسوک اذیتی ایدی!



بر کیجه ایدی . کوچوک اویویوردی . او قدر قوشوشمشلر،
 چوجوغک کی قدر صمیمی قهقهه لرله بر برلرینی او قدر قووالامشلردی که
 قادین متبسم، حظلی بر یورغونلقدن صوکرە دیکله نیوردی . بر آراق
 لوش کوشەده دیکله ن کوچوک چهرەنگ بوتون چیزکیلرینی درین
 بر سونجلا تددیق ایتدی . یاورونک بیاض آلتندە قیوریلان یوموشاق
 آلتون قیورجقلرده اونک کوزلرینی یاشارتان، محتاج حمایە برضعف،

اوقشانمغه دعوت ایدن بر جاذبه واردی . چیللاق اوفاق آیاغنىك
صاریمتراق، یووارلاق کوزه لاکنده آنه سنىك قلبنى اویناتان بر قدرت
واردی . ایشته او چوجوغه باقه باقه ، اوراجقده ، اولوش صیجاق
کوشه ده ، دیکله دیکى کوچوك تنك ضعیف ، لطیف قوقوسنى روحى
ایچهرک ، متبسم ، بختیار اویودی قالدی .

یاواشجه قاپیسنىك وورولدیغى چوجوغیه رؤیاسنده دوام ایتدیكى
کوشه قیماجه کورولتوسندن دویمادی . اوشاق یوقارى قدر چقمشدى .
— خانم افندی ! ...

فنا بر سکوت تعقیب ایتدی . صوکره تیره کجه بر سس عجله ایله
جمله بی یتیردی :

— بك افندی بی کتیردك !

او قدر . چوجوق حالا بر صارى كول سکونتیه اویویوردی .
فقط قادین بردن بره کندیسنى بوغان بر طیقانیق قاقده یکرى سنه لك
حیاتنىك بر ییلدیریم سرعتیه کچدیكى کورویوردی . بوتون اونك
خود بینلکلىرى ، اذیتلىرى بومناظر دن چکیلمش ، یالکىز اونك ایلک
عشقنده کی تواضعله صوکره بوقادینده کی یابانجیاغه غلبه چالمق ایچین
اضطرابلى ، جهدلى ، وال صوکره کندى بیچاره لىكى تجسم ایدیوردی .
داها دون کیجه او ایكى سودیکى باشه بیاض باشنى ا کهرک کوزلرنده
نمناك بر تبسمه تاروحندن کلن بر صمیمیتله اونلری سوزمشدى . بر
آنده یرندن فیرلادی ! مردیوهنده آياق سسلری واردی . کتیریورلردی .
اونى نهایت نه قدر سودیکى ، حیات یولنىك تا اورته سنده اونلر ناصل
شاشیراجغنى ، قارالقدده قلاجغنى آ کلاتا مایا جقدی . مردیوهنده آياق

سسلری چوغالدى. كتير يورلر. بردن بره اونك سريغ، كنج آدىملرله
هر آقشام قوللرى چيق قوشوشنى خاطرلادى. باشنده بر سر سملك،
بوغازنده بر يومرو واردى. شيمدى بولدى... بر قاچ سنه اولكى اوكا
اولوم تمنيسى يوقىدى؟ او بو آجىنىك، بوكدر ك غايهسى اولدى.
بوغازنده كى يومرو، باشنده كى او غولتو، ياناقلرنده كى آتشله ايلريده.
بر آن... كندىنى بياض صاحچلريه اديا او يويان آرقدا نك آياغنه
بويوك، آجى بر آغىراق، مدعش يلدريم كى بر باش دوغمه سيله ييقيلىدى.



طارانك بياضلى، علاج قوقولرى، غارد مالادك تمىز اوكلدى،
اوطيه كيروب چيققان خالاسنك چكىنكن آدىملرى اول حقيقى،
بولانيق بر طرزده، خاطرلاتيوردى. فقط آجىسنك كسكىنلىكى،
بوغازنده كى فنا دولولق خستهلقه اريمشدى. شيمدى يورغونلقدن
متولد بر سكونته، فقط كوز ياشلريه بر آرزوسى واردى. فلا كتنه
قارشى بوينى ا كشدى، فقط اونك جيويلىتىنى نچين ايشيتيوردى؟
بوتون كون يانده كى اوطيه ديكلور؛ اوطيه كيرونلر كوزينه بويوك
بر استرحامله باقيوردي. فقط آچيقدن آچيغه صورمقدن اونى برشى
منع ايديوردى. حتى بر كون كوزلرى قاپالى، صولمغه باشلايان بر
اميدله بكاركن اونك يوموشاق پارماقلىرى آلنده حس اتمشدى.
او قدر لذت بر سونجمله آللرى آلنه كوتورمشدى كه صوك درجه
ضعيف اولديغندن ياريم ساعت كوچلكله نفس آلا بيلمشدى. اوت،
كنديسى خستهديه يانه كتير ميورلر. اويله اولمالى، فقط نچين سر كس
اونك كوزلرنده كى سؤاله قارشى كوزلرى طولارق باشنى چويريور؟

باری بر کرده دادانك سینی ایشیته بیلسه ! دایما آرقه اوستی کوزلری قاپالی ایگلیور، نفس آلمغه جسارت ایدم مکسزین دیگلیوردی. بردفغه یاننده کی اوطهده خاطر لادینی، بکله دیکی اوراق آیاق سینه بکزه برشی دویمش، او قدر انسانلغك فوقنده بر سوینج، برشکران وجودینه یایلمشدی که معجز بر قوتله قاپینك یاننه قدر سور و کلنمش، قولاغنی قاپییه ویرمك دیگله مشدی. او آن نه مدهش آندی! قاپی، بوغازنده آتیوردی. فقط نه ایدی او کوچوک آیاق سسی؟!...

غارد ملاد اونی قاپینك اوکنده بایغین، نفسی کیلمش بولدی. اومت، کندیسنه آ کلامق دایا ایل اولاجق ! اونی بوانتظار یاواش یاواش اولدور و یوردی. فقط اوندن مسوکره کیلمسهنك یوزینه کوزلرنده کی استفهامله باقادی. حتی اوطهیه کیردکلی وقت برشی سویله مسینر دییه کوزلرینی مصرانه قاپیوردی. بوتون دارلغی اید، نفسسز برانتظاری، او الیم بکله یشی کیلمشدی. سکوت بولمش بر چو جوق سسی دیگله یوردی. طوپراق اولمش بر چو جوق باشی بکلیوردی.

قالقمق، آیلشمك ایچین هیچ برجهد ایتهدن، لاقیردی سویلهدن یاتاقدہ حای کیلمش امیدینی اور کونمه مک، اولدورمه مکله مشغولدی. نهایت اوکا آ کلامق ایچین بروسیله دوشوندیلر: مکتبده کی ایکسنجی چو جوغنی کتیرمکه قرار ویردیلر. بر صباح کندیسنك تمثال مجسمی، ایری صولفون کوزلو، صولفون یوزلو چو جوغنی، دوداقلری آغلامق هوسیله مهتز، محزون، یاتاغنك یاننه کتیردیلر. خالاسی یاتاغنك آیاق اوچنده آغلا یوردی. برکله سویلهمدی. اوپولمك، او قشامق بکله یوسکر یاننده کی ایکسنجی چو جوغنه باقمسزین باشی چوریدی.



ھوادار برتپەدە کوچۈك برخستەخانە . مەربە ، چامىر دىكىلىمىش
 برباغچەنك اورنەسندە كۆيۈك سارى چوچۇق خستەخانەسى دىدكلىرى
 بىياز بربنا . سەكەز ياناقلى چوچۇقلارە مخصوص بىر قەدىن خىراتى .
 خستەخانەيە كىرن چوچۇقلارە استانبوللى اولماسى و سارىشىن اولماسى
 شەرت ايدى . بوبىياز بويلى مستطيل قوغوشدە بىياز برباش اورتو ،
 ياناقلىرى چو كۆك ، فقط خارق العادە يوموشاق ، درىن كوزلو بىر قەدىن
 دولاشىردى .

سەرە ايلە دىزىلمىش بوقار كېي بىياز ياناقلىردە ھې كۆچۈك ، ھې
 سارىشىن كۆچۈك باشلىرى ياتاردى . بوقاينىڭ ك بويۇك سعادىتى بومىنى
 مېنى باشلىرىك اضطرابنى ازالە ايدەرك ، اونلار ك صولغون چىچىكلار كېي
 قاپانان بېك كوزلىرىنە برتېسىم سىرپەرك كىز مەكىدى ، كۆچۈك خستەلار ك
 كوزلىرى اوبىياز و جودك حر كاتى كوزلىردى ، ھېسى عىنى زماندە
 اويوموشاق آنە اللارنى باشلىرىندە حس ايتىمك ايتىرلردى . اونىڭ ك چوق
 ضعف كوستردىكى چوچۇقلار صاحبارى قىوير جق اولانلىرى ايدى .
 اونلار ك باشىندە برقاچ ئانىە فضالە دورور ، ئلى اوقىوير جقلىرى اوزىنجە
 اوقشاردى . قندىك صىوالى ديوارلارە نيترەك كولىكلار آتدىنى كىجە
 يارىلارندە ، اىچىلارندە ھاتىكىسى صىتمالى ، اويقوسىز قالماش ، ياخود
 مضطرب ايسە ، بوبىازلى قەدىن اونىڭ باشىندە موزىقەيە بىكەزر ، اىچىندە
 كوزى باشلىرى ، المىر كىزىن سىيە ماصال سويلردى . ھې ماصاللار
 قوغوشك قاپسىندە آصىلى اولان قىوير جق ، سارى صاحچلى ، سىياھ ،
 آتشىن كوز ، حساس ، رقيق ، صولغون دوداقلى سارى كۈلە بىكەزەين
 برچوچوق رەسمى حقتە ايدى . خستەخانەدىن چىققان چوچۇقلار

روحلارنده بوقادینک آنه تمانی، روحانی نظرنی، بوساری چوجوق
حقنده کی حکایه لرنی قیلرینه کومرلردی. فقط اوحیاتی فدا ایدهرک
ای ایتدیکی چوجوقلری او دیوارلرک آراسندن چیقنجه اونوتور؛
اونلری یالکیز، هپ کندیسنه محتاج اولدقلری، یاتاقلرینک اطرافنده
دولاشا بیلدیکی، آلارنی صیتمالی صاریشین باشلرینه قویا بیلدیکی
زمان سوهردی.

یالانچی آلتده اولان یاوروسنک روحنه بر جزیه دییه فدا ایتدیکی
حیاتی بورایه کومولمشدی. سنهده بر کره خالاسی کندی چوجوقلرنی
کتیریردی؛ خسته خانه سنک قاپیسنده قویون قوبونه یاتان برارکک ایله
برچوجوق مزارینی قاپلایان کولار، خانم آلاری آلتنده اوطورور،
قونوشورلردی. اونی صوک دفعه قلب علندن نفس آلامایاجق قدر
یورولمش، برکونکه قدر اینجلمش بولایلر. او، چوجوغنک باشنی
اوقشایارق ساکت، بختیار برتبسمله جواب ویردی:

— بزم اوچلردن اولدیغمیزی بیلمیورمیسکیز؟ ایکیسی جنتده،
بنده تیمدیلك عرفاتدهیم... عرفات خسته خانه، جنتده...
قویون قوبونه یاتان چوجوق ایله ارکک مزارینی کوستریوردی.

امضاسىز مکتوبلر

— نرminدن کوچوک قاردهشنىڭ قوجهسنى مکتوب —

ارضرومه كيدىيوردىم . ساكت وقورشونى بركىجه قامارادن
چىقمىشدم . كوكلك و صولرك سىسىز قورشونىلىكنى بوتون كون
روحده حس ايتىمىكن متولد بنى ازن بركلال ايله صولره اگىلدىم
باقىدم . آى ايشىنى يوقدى . اوزاق ساحلارده كوموشى ، شفاف
سىسلىر تىترەشىيوردى . ده كىز قويو ، دارغىن ، قايناتىلۇبده هنوز
صوئومامىش بركورشون مايعى كى ايدى ، ياللىز واپورك ياردىنى يىلر
خفىن بركومورتو ايله آچىليور ، عقىبنده دوزلىكنى اعاده ايدىيوردى .
بوقورشونى ضيالر و صولرك معنالى ايله بويامىش روحم اونلرك
برداملىسى كى بودوزلىكه آقوب داملامق اىستەيوردى . بو محيط حىزنى ،
صمى و نهايتىزلىكىلە بنى مەلىك بركاذبه ايله دعوت ايدىيوردى .

اطرافە باقىندىم ، كىمە يوقدى . استانبولدن ذاتا سىزلره بىلە
خبر وىرمەدن آيرىلىشدىم . قوجهمەده برك « سورىرىز » اولسون دىيە
مكتوب يازمامشدىم . دىك كە بن برآندە بوقورشونى درىنلىكلرك

ایچنده روحک سوالسز جوابلرینی ، قلبک یتیشیلمز امللری ،
 صوکره ، صوکره بالکیز کندیک بیلدیکی فجیعہ حیاتی اونوتورسهم
 کیمسه نه صورتله غائب اولدیغی بینمیه جکدی . برسرکی ، برمعما
 کی کیمسهنک حل ایدهمیه رک غائب ایتدیکی برقادین اولاجقدم . بوبکا
 او قدر آشنا بر فکردی که قیزمک سیاه آتشین کوزلرینک بنی ابدیاً
 بکله مکدن صولدیغی ، صوئودیغی تخیل ایتهمسهم وجودیمی کری
 چکه میه جکدم . فقط بیلیرمیدم که برقاج کون صوکره یابانجی بر محیطه
 دوغرو ، برسر ، برمعما کی صاقلانمق احتیاجیله ، وطنمدن قاچاجقدم .
 انسانلر استقباللری قارشیسنده نه قدر عاجز و کوچو کدرلر .
 بعضاً برقاج کونک ، حتی برقاج ساعتک بوتون حیاتلرینی هرج و مرج
 ایدهمک ضیاعلر ، فلا کتله ، بعضاده سعادتله صاقلادیغی هیچ
 بیله مزله ، اکر بو آتینک کیزی ضربه لرینی ، متبسم تجلیاتی بزه بر
 قدرت حاضر لایورسه مطلق ، مطابق کور کورینه ایلری یه دوغرو
 کیدیشمز ته تبسم ایدیور . اکر اودقیقه آرزومه تبعیت ایدوبده
 یابانجی برده کیزک لطفکار ، سرین دالعهلری آراسنه کندیمی تودیغ
 ایدمیدم بو کون بو آجی بی بیلمه دن چکیلوب کیتش اولاجقدم ، فقط کیم
 بیله نه قدر اعتنا یله بکا بو طوزاغی قورمش اولان قدر ، آلدن او بونجاغک
 کیتدیکنی کورمک ایسترمیدی ؟ اصلاً ! ایشته اونک ایچین هان چوجو غک
 سیاه کوزلریله بنی آچدیغی مثلسمز کریومه دوغرو چکدی ، کوتوردی .
 اوده ماجدی بولامادم . دوره چیقدی ، دیدیلر . قیزم سیاه
 کوزلرنده آتشار ، یاشلر تیره یین بر سونجمله بوینمه آتیلدی . قاین
 آنامک حلیم و مشفق کوزلرنده تجسس وشبهه ابله قاریشیق بر نظر

قاباردی. اوچ آی انجین کیتمش اولدیغم حالده بر بوجوق آیده عودتمی
آ کلامیوردی. هله کیمسه یه خبر ویرمه دن طربزونه قدر یالکیز
کله مه بر معنا ویرمه یوردی. بن چوجوغی و ماجدی کوره حکم کلدیکی
سویله نجی یاری محزون، یاری مستهزی بر سسله :

— اویله یا، هله شو صوک سنه لرده ماجد ایله نه قدر ائی کچیند.
یککیزه باقیلیرسه اولسز بر یرده ایده میه جکک آ کلاشیلیر، دیدی.
حق واردی. اون اوچ سنه لک معناسز و هیچدن طوپلانان
کیزلی فاجعه لر مزه یکانه شاهد اونک خلوق و مشفق کوزلریدی. هیچ
احتیاجر اولمادیی باخاصه استانبوله کی موقعی بر اقارق آنا طولسک
قارانلق کوشه لر نده، حیاتی زهرله بن بو آدمک — اوغلی اولسه بیله —
آرانیا جغه احتمال ویرمیوردی کندی بیله استانبوله کیتدیکی زمان
آرلدیغی اوغلی اولدیغی حالده اقامتی تمید ایدر، عودت ایدنجه بکا
اعتمادکار بر تبسمله :

— باشم دیکلندی، قیزم، دیردی.
بم فکرأ و روحاً مناسبتم اولمان بر آدمک هر شیشه سکونتله
تحملمه و بوتون فاملیامه، دوستلریمه مسعود بر چهره کوسترمه
حرمتله قاریشیق بر شفقتله مقابله ایدیوردی. فقط بیلیمزدی که بر
قادینک اولومنی تمنی ایده جک قدر یزار اولدیغی بر ارککی، اون اوچ
سنه دیدیکلندیکی، ایضاح ایدم دیکی بر انجذابله سودیکی دقیقه لر واردر.
آشام اوستی درت نعله کلن بر آت سسی کوچوک عزیزه ایله
برابر بزی قاپی یه قوشدوردی. ماجد آتی نفره ویردی. آلتنده
محزون و درین چیزکیلر واردی. سیاه کوزلری اندیشه ناکدی.

هر وقت غريب و جاذب بر قورقوايله عضلاتك حرکتی سیرایتدیکم
قوللری یانه دوشوکدی . قاپیدن کوزلری دالغین دالغین کیردی .
ایلك نظری پاختک و کوزللك فسونی بورالره قدر کتیرمک ایچین
کیندیکم اثوابله بکا ایلیشدی . چهره سی آنی ولذیز برتحولله پارلادی .
صوکره قوجامان وجودینی صارسان آجی برصیحه ایله بکا قوشدی .
بر آن سیاه ، محترص کوزلری روحی دهلرجه سنه چهره می تفتیش
ایتدی دولغون سیله :

— نرمین ، دیوردی ، نرمین سنک بزی کوره جک کلدی ده
کدک ، او یامی ؟ استانبولی نرم ایچین چابوجاق براقدک ، دیمک بزی
استانبولده کیلردن چوق سویورسک ؟
پک طبعی اولان سوزلری کشف ایدمه دیکم بر معنا ایله بی متأذی
ایتدی . ینه نه واردی ؟

صرف ماده وهوسدن عبارت ارلان بو دماغده ناصل چیلغین
بر شبهه ، بر صاحبه دولاشیوردی .

ایلك اوچ کون یکی باسلامش بر عشقک غلیان مدعشی ایچنده
کبی یاسادق . پردهلر قاپالی ، چیزمه لر واونیفورمه بر طرفه آیلیمش ...
حتی اُک چوق سودیکی آتک صبرمنزلاندیغنی سویله دکلری زمان اُکلی
کوکسک بوتون قدرت وسعتیه کورله دی :

— هایدی ، دیدی ، موسقوفلر مملکتی باصسه لر بر مدت
قییلدانا جق ده کلم . قالدر شو قیلیجی چیزمه پی کوزم کورمه سین ،
آنه مه سویله ، بکا نصیحته قالقماسین ، قاریم کله لی اوچ کون اولیور .
بو هفته جانمده ، قلیجمده اونک ، هایدی آرش ایلری !

کولونچ بر خوفله رجعت ایدن فاطمه قادینک چهره سینه قابی بی
 قاپادی . اوتوز بش یاشنه رغماً قلبنک ووجودینک اون سینه اولکی
 طراوت و شبایله پارلایوردی . پنجره دن پنجره یه بر بریمزی کوروب
 سودیکمز وهنوز قیلیج طاقدینی کونلرده کی کنج ضابطک اگلی
 اوموزلرینه ، پارلاق کوزلرینه عاشق اولان کنج قیز ، ده کیشمشدم .
 نندن بش یاش بویوک اولان بو قوجه عسکری یانمده بر چوچوق
 براقان بر سرعتله روحم واسع و مغلق ساحه لرده ایلرله مشدی .
 بونکله برابر حیاتی بسیط ، فقط تحمل ایدمز بر آتش و خیرچینلقله
 زهرله یین بر آدم حالا بکا پک کوزمل دقیقه لر یاشاتیوردی .

یالکیز پک آلیشتین اولدیغم بو آتشین دقیقه لرده بودفعه معتاددن
 فضله برشی واردی مطلق بن یوقکن مجهول برشی کچمشدی .
 بیلوردیم که بندن هیچ برشی صاقلامغه مقتدر اولمیان بو آدم بکا
 هرشیی سویلیه جکدی . آلدانمدم . کلدیکمک اوحنجی آقشامی
 ایدی . مهتاب واردی . ماجد پنجره نک اوکنده ساکت و متفکر
 طورویور ، بنده او یومغه چالیشیوردیم . صاندالیه سنی یاتاغمه یاناسدیردی ،
 آلمی طوتدی ، دوداقرینه کوتوردی . متردد ، اولدجه محجوب برسسه :
 — بنی عفو ایدرمیسک ؟ دیدی .

استانبولده بولوندیغم مدتجه بکا که یاپدیغی بر چاپقینلقدن دولایی
 بندن عفو دلدیور ظن ایتدم . مساحه کار بر طرزله آلی اوقشادم .
 اوحالا اوکنه باقارق :

— آز داها سندن شبهه ایدیوردیم ، دیدی . سندن کندیمدن
 داها زیاده امین اولدیغم حالدده بر آی چیلدیرمق درجه سنده بر

قیصقا نجلق کچیردم .

قلبی صوئوق بر آجی او قشادی تجسسه صوردم :

— نهدن و نیچین ؟

— سویلر سه م نی عفو ایدرمیسک ؟

— بونی وعد ایدم ، چونکه سنده بندن شبهه ایده جک بر

حق کور میورم .

— حقک وار نرمین ، فقط او قدر مکتوبلر او نقطه ده اصرار

ایدیورلردی که ...

— هانکی مکتوبلر و هانکی نقطه ده ؟

— بر قاچ دانه امضاسز مکتوب ... بنم کی بر عسکرک

امضاسی آتمغه قورقان آچاقلرک ایمالرینه ایناماسی اک چوق موجب

نفرت دگلی ؟ فقط بن هپسینی ، هپسینی یاقدم ، اضطراریم ده سنک یوزیکی

کورنجه کچدی .

ایلک آرزوم بو مکتوبلر ده اسمی کی مک یانه قومش اولدقلرینی

صورمقدی ، سوکره ایضاح ایدهمیه جکم بر حس دیلمی باغلادی .

سزدیکیز ! فقط نیچین ونه دن سز ؟ وجدانمک اک کیزلی کوشه لرینه

باقدم ؛ اوراده سز که بولوندیغم هیچ بر آن وسویلشدیکم هیچ بر

سوز یوقدی که اک مشکل بر وجدان ایچین موجب اتهام اولسون ،

سوکره قوجه مدن باشقه اقربا آراسنده یکانه کوردیکم ارکاده

ده کلدیکیز . زوجک قارده شلری ایکی کنج ضابط واردی . اونلری

بر دیپلومات ایجه لکی ایله اداره ایتسه م قارده شلرینک قاریسی اولدیغمی

اونوتاجق قدر بکا ضعفلی واردی . سوکره عمجه زاده م واردی که

ایکی سنه بکا اوزون وشدید بر علاقه ایله اریمشدی . اونی ده آلیله

واخوتکار بر دوستقله یوله کتیرمشدم . شیمدی دنیاده اڭ ائی
آرقداشداق . فقط سن! سزکله دائمالک تمیز، اڭ صمیمی بردوستلقدن
آیرنامشداق . برکون نظرلریکزی صاف بر تقدیر واخوتدن باشقه
بر کولکهڭ کولکهڭلندیردیکنی کورمه مشدم .

او حالده نیچین اولاسن خاطریمه کلدیکنز؟ صوڭ دفعه استانبولده
ایکن بعضی دوستلریمک نظرلرند و طورلرند غریب ایملر کورمشدم .
هاه اوومی آنه مک ، یعنی صائمه مزک آنه سنک طور ی پک غریبیدی .
حیاتی بدایتندن بری زهرله یین بوقادین قارده شیمک سعادت قیصتانیورم
کبی کوسترمک ایچین یانیوردی . حتی بوندن بش سنه اول ، یعنی
هنوز اولندیکنز وقت بیله بوچیرکین آرزوسنی شهزاده باشنده کی
کوزهل اویکنزه کلدیکم ایلك کون حس ایتدیرمشدی .
— سز طشره لرده بویله کوزهل اولرده اوطورمازسکنز، ده کلی

قیزم ؟ دیمشدی . .

— طبیعی ده کلی یا !

— نه فنا قدرک وارمش ، یاوروم . سن ده لامع بک کبی برشاعره
وعینی زمانده پاراسی چوق برکنجه دوشملیدک . قدر بویا، صائمه هیچ
شعره ؛ کتابه اهمیت ویرمزکن باق ناصل بویله شیلره صراقلی برآدمه
دوشدی . سنک چوققلغندن بری باشک کتابدن قالقماز ، سن
چیزمه سنی چکدیرن بر عسکره دوشدک .

— بن عسکرمله چوق بختیارم ، دیدم بلکه صائمه نک شاعرینی

هیچ ده بکنمهم .

— اه ویرسین ، یاوروم ، فقط لامع بکک صائمه به قارشنی زاکتی

کورسەك، بر باشی آغریسه صباحه قدر او یوم یور اكا اوافق آرزوسنه اسیر .
— یوق بىم عسکریم او یله ده کلدر . اونك سو کیسی صرف شیخسنة

مخصوصدر . فقط صائمه جك ایچین يك ممنون اولدم .

اووهی آنه م اوزمان بنی قیصقاندیر امانمقدن متولد موقتیتسزلیکی
ایله قالدی . بر آرزو کره صائمه کوزهل و طومبول چهره سیاه کانه
سیاه کوزلرندن نورلر صاچان سعادتنه جداً ممنوندم .

آنه سنك فناغنه رغماً صائمه ایله او قدر سوشیر ، او قدر بر بریمزى
آكلار وهر کدر و مسرتمزى پایلاشیردق که او کون هپ بکا سزك اوئی
نه قدر سودیککزدن بحث ایتدی . آکلادم ، صمیمی ، درین وفا کار
بر شفقت ، کوچوک صائمه نك سعادت یاننده شخصیتکزی تماماً بر طرف
ایدیوردیکز .

او آقشام سزى ایلک دفعه اولارق کورمشدم . بلکه اووهی
آنه مک کوندوزکی ایمالرینك نتیجاسی اولارق غیر اختیاری کندی
حیاتی و ماجدی سزکله مقایسه ایتدم . آکلادم که ماجدك بکافارشی
مادی ، فقط بر جنت درجه سنی آلان ابتلاسی ایله سزك صائمه به قارشی
کوستردیککز حمایه کار ، نزیه عشق آرمسنده جنت ایله جهنم قدر
فرق وار .

صائمه بی هیچ بر زمان آرزوسنه رغماً کوی کوشه لرینه قاپاماز ،
هیچلکار ایچین حیاتی دیدیکله مزیدیکز . فقط عینی زمانده ماجدك
بوتون وارلغی قاورایان ، بلکه ده ایچنه بر اركك غیظی فاریشان
چیلغیناقلری یامازدیکز . بلکه بونك ایچین صائمه نك سکونت حیاته
سعادت منورسنة غبطه ایتدم . حیاتم ابدی بر فیرطینه ایله کچمکه

محکومدی . احتمال بو قدر ساکت بر محیطه بیله دوششام ینه اطرافده
بر فیرطینه طویلانیردی . بو بنم خلتم اقتضاسی ایدی .

فقط صائمیه نه قدرده کیشمش بولشدم . یوکسک بر روح و فکرک
هویتی القا ایتدیکنی اونک حسلرینی ، دوشونجه لرینی عشق فیرچه سیاه
تلوین ایتدیکنی آکلا یورددم . هله آقشاملری رومانلریکیزک ، اشعاریکیزک
پلانلری اوکا ایضاح ایدرکن اونک آکلایان کوزلرله سزی تعقیب
ایتمه سنه شاشیورددم . تماماً صائمیه ناک وارلغنه نفوذ ایتشدیکیز : سو کره
صائمیه ناک هر حرکتی مشفق و مدقق بر نظرله تعقیب ایدیشکیز واردی
کندی کندیمه ماجدی دوشونه رک بر آز کولشدم . او بنم دوشونجه
وحسلریمه او قدر یابانچی ایدی که :

— عمریکک بوتون دوشونجه لرینه صاری صاچلرینک بر تلانی
دکیشمه م ، دیردی .

حالی که سز صائمیه ناک افکارینی تزید ایچین قومرال صاچلرینک
بر چوغنی فدا ایدردیکیز ، ده گلی ؟

سو کره سزکله آرامزده فکری بر دوستلق باشلامشدی ؛ و بو
دوستلق هیچ بر وقت فکری اولق خاصه سنی غائب ایتدی . حتی
بن حسی عنصری چوق اولان افکاریمی سزدن صاقلامازدم بیله .
هی آرامزده تعاطی ایدیلن افکار ایکی ارکک آراسنده تعاطی
یدیله بیله جاک جنسدندی . بونی بالخاصه بن بویله التزام ایدیورددمده
بلکه عمجه زاده م وقاین برادرلرمله داها سربست قونوشورددم . سزکله
هیچ بحث ایتهدیکم نازک موضوعلری اونلره سویله مکدن چکینمزددم .
یک چوق زمان بواحتیاطلری یچین ایتدیکم کی کندی کندیمه صورددم ؟

هر حالده برضعف نتیجه سیله اولمادیغنه امیندم. بنجه پک معرزا اولان صائمه نك
 سعادتتی اك كوچوك بر بولو طك بیله كولكه لنديرمه سنه قائل اولامیوردم.
 هر سنه آكلایوردم كه دنیا ده اك آز واك كوزهل اولان شی «وفا» در.
 واك معنا وتمیز حیاتلر بو «وفا» عنصرینك فقدانندن آچالیورلر ،
 خیانتلره دوشیورلردی . بر كره انسانلرك دماغنه نفوذایدوب كورمك
 قابل اولسه او وقت اجرا ایدیلمش ، ایدیلمه مش ، متصور ، تخیل نه
 ایجه ، نه متنوع ، نه مدهش خیانتلر كورولوردی . بونكه برابر بر
 جاهل قادینك «اووهی آنه مك» دیدی قودیسيله سزكه بنم آرامزده
 بر شیلر فیسیلدانیور كبی بر شیلر حس ایدیوردم . وزمان كچدكجه
 او قدر جسارتتم قیریلیوردی كه اورته ده بر شی اولمادیغی حالده بریسی
 سزدن بحث ایتسه بنی تحقیر ایدیورلر . حسیله تیتیریوردم . بونكه
 برابر بیلیوردم كه سوکیلی قیز بوینمه صاریلارق :

— آبالاجغم ، سنكه لامع ایچین بویله بر شیئه ناصل اینانیرم؟

دیه جكدی .

حتی صوك دفعه استانبوله اوچ آی قالمق اوزره كلدیكم حالده
 بر بوچوق آی قالمشدم . چونكه سزك یانكیزده بكا بر جسارتسزلك
 کلیور ، بیهوده یره باشمه اینمك اوزره حاضر لانان بوخیاتتكار ضربدن
 قاچیوردم .

ماجدك بو مکتوبلردن بحث ایتدیکی کیجه دن اون بش کون
 صوكره صوك انتشار ایدن منظوم پیه سگیزك تنقیدنی غزته ده كوردم .
 بیکلرجه نسخه می صایلیوردی . تورك ادبیاتی نهایت اك شعشعه دار
 بر مظفریته تنوع ایدن مخلص بر اثرك صاحبی اولمشدیکز . بو بنی بر

آز قورقوتدی . بو اثرک موفقیت خارق العاده سی ایله فلا کتم آراسنده
بر رابطه حس ایدیوردم . اکر سز علی العاده بر آدم اولایدیکیز
بوزده اسناد ایدیلن خیانت حقیقی بيله اواسه زمانله اونوتولاجقدی .
هیچ اولمازسه بنی مزارمده راحت براقجقلردی . حالبوکه بویوک بر
شاعرك حیاته - دوغرو ، یالان - ربط ایدیلن قادین اسملری ،
بونلر برملتک تاریخنده ، تاریخ ادبیاتنده ابدیاً یشارلر . ایشه بوفکرله
معصوم اولدیغم حالده بيله آتینک بنی بوچیرکین خیانتله یادایدجکینی
دوشوندرک تیتریوردم . هله بویوک موفقیتکیز احتمال موفق اولامیانلری
قیصقاندر اچق ، اونلره حیانتکیزده کوچوک برلکه نحری ایتدیره جکدی .
وبو فاملیا دیدی قودیسى اللرینه کچرسه سزى تلویث اتمک ایچین همان
استعماله شتاب ایدجکلردی . بلکهده زوجه او امضاسز مکتوبلری
یازان او کوچوک و آلچاق قیصقانجبار ایدی .

دودا قلم او یویان یاورومک ایپک صاچلری اوزرنده ، بوتون
قابله بو حقسز وبویوک فجیعه اتهامک اوزرمدن قالقما سی ایچین اوزون
وزون دعا ایتدم .

او آقشام ماجد استانبولدن کلن بعضی دوستلرینه قشلهده ضیافت
ویریوردی . بنده کیچ کله جکینی بیلدیکمدن یاتمشدم . آغیرودرین
بر اویقو ایله اویومشم .

کیجه یاریسی عذابلی بر حمله اویاندم . ماجدک چهره سی بیهیاض
کوزلری قان چاناغی کی فیلامش ، بیقلرنده مخوف بر پاریاتی ،
اللری آرقه سنده ، اکیلمش یوزمه باقیوردی . اوطهده بر فنا راقی
قوقوسی دویدم . تیتره یهرک دوغرو لدم . هیچ ایچکی ایچمین ماجد

ناصل اولمش ده ایچمشدی .

ناصل فوق العاده حال او قدر طاتلی بر وداعله کیدن آدمی ده کیشدیرمشدی ؟ فنا و فایا بر طورله آرقه سنده صاقلادینی قامچی یی معاینه یه باشلادی . فنا بر سسله :

— بو قامچی یی ألیزا ایچین آلمشدم . [ألیزا بندن اول سومش اولدینی بر قیزك اسمیدی که شمدی سوکیلی آتیه او اسمی ویرمشدی .] قسمت باشقه سنه ایمش ، دیدی .

غرورمك الم بر تقلصی ایله دوغرولدم . استخفاف کار و جسور : — بنیمی دووه جکسك ؟ دیدم .

أوت ، دیدی .

— نه حقه ؟

— چونکه سن ناموسلی بر قادین اولمقدن قالدك ، حتی انسان اولمقدن ده !

ضبط ایدم مدیکم بر تهور وعصیانله :

— یالانچی ، مفتری ، دییه حایقیردم .

ماجد بردنبرد کری چکیلدی ، ملایمله شن بر سسله :

— قرده شک قوجه سی لامعله هیچ بر مناسبتده بولمادیغنه یمین

ایدرمیسك ؟ دیدی .

او وقت بو آلاچاق قارشیسنده بوتون بوتون کندی غائب ایتدم .

اون اوچ سنه نه نظرم ، نه ده بر کوچوک حرکتمله خیانت ایتمه مک

ایچین پارچالاندیغم بو آدمک شوامنیتسزلیکی بی شمدی قودور تیوردی .

— ایتیه جکم ، دیدم . بو قدر آلاچاق اولدیغنه قائل اولدیغك بر

قادينە ناصل خطاب ایدیورسك ، نرمدە قلیجك و تفنكك ؟
 حالا غرور، دیدی، صوکره خیریلتی یه بکزره بر فریادله
 یاضدقن صارقان صاحلمدن طوتدی ، چکدی . سیاه، ییلاقاوی
 بر قامچی نك قالدیغنی کوردیم . آرتق آجیدن ، فلان قورقمیوردیم .
 چوجوقلغمدن بری ألك معزز ومعتنا اهنامیه کوکله قدر چیقاردیغم
 غرورم او قدر یارالانمشدی که اوموزلرم قامچی ضربهلریله یانارکن
 بوغازیمه طیقانان آجی ، عاصی بر عزت نفسك صیزیلرینی حس
 اتمهك ایچین مادی آجینك زیادهلشمهسنى تمنی ایدیوردیم .
 شیمدی ألك اوراق برباش آغریسنك آجیسنى ألكشید بر حساسیتله
 دویان بوقادینك عنادکار ومتکبر مقاومتی ماجدی چیلدیرتدی . اولانجه
 قوتیله قامچی بی ایندیردی . اوموزمدن قلبمه کیدن بر آجی ایله
 کندیمدن کچدم .

بیلیم نه قدر زمان خالینك اوزرنده قان آقان مجروح اوموزمله
 قالمشم .

کیجه نك سکوتی چینلاتان رووولورک قورو و قطبی طراقه سیاه
 اویاندیم . ماجد بوتون حیاتی توصیف ایدن بر عسکر قطعیتیه شقاغندن
 بینى دملش ، یاتاقده یاتیوردی .

بوندن صوکره سنی بیلیرسکیز، ده کلى؟ ماجدك ألدە کویا سزکله
 بنم مناسبتى ایضاح ایدن بر کاغد بولوندى . کویا استانبولدن خبر
 ویرمکسزین قاچام آرتق سزکله مناسبتمزك فاملیاجه خبر آلماسندن
 ایمش . حتی بومکتوب ملعنتنی داها ایلری کوتورییور : سکیز سنه
 چوجوغمز اولمادیغنی حالده صائمەنك اولنمەسندن صوکره چوجغم

اولماسی آمان یارنی، سویلیه میه جکم بوملعون قلم عجبیا اگمدهش جانینگ خنچرندن داها خیانتکار، داها جانی ده کلیدی؟ ایشته آیلرجه شبهه ایله ازیلن بسیط بردماغ ایچین کافی عد ایدیلن دلائل! پک آز زمانده طربزونه بلکه اخلاقسزلغم انتشار ایتدی. هرکس ماجده آجیدی جنازه سنه بوتون شهر کلدی و بنی تلغین ایتدیلر.

ماجد حیاتیاه اوده دیکی چیلغینانی ایله بکا کیمسه نك یاپامیاجنی فنا می یامشدی. هیچ کیمسه دن اثر وفا کورمه دیکم حاله اگ اوفاق حرکاتمه وفا کار و دوغرو قالمق ایچین نه قدر جانالامشدم. مکافاتی اون اوچ سنه لک عمرک اگ کوزدل زمانلرینی فدا ایتدیکم بر آدمک امنیتسزلکی و بنی ابدیاً تشیری اولدی. بکا بو قدر محرم اولان بر آدمک بیننی ده لاجک قدر اینا نمازسه کیم اینا ناجقدی. ایشته بواتحار شبهه حانده اولان بر شیئه قطعیت، مطلقیت ویریوردی. آرتق اسممک، قارده شنه خیانت ایتش ناموسسنر بر قادین دییه تاریخه کچمه سنی کیم منع ایده جکدی.

مثلا عمجه زاده می ویاخود باشقه سنی سویور دییه قوجه م اتحار ایتسه بونک بیله ضرری حیاتمه پایدار اولاجقدی. فقط شاعر لاهمک حیاتی یازانلر قاریسنگ قارده شنی سودیکنی و بوندن دولانی قوجه سنک اتحار ایتدیکنی یازاجقاردی. بونی سوسایه جکلر، فقط سزی معذور کوستره جکلر، و یالکرجه بی مشول طوتاجقاردی. بن نه یامشدم که بو قدر مدهش بر افترایه قربان اولیوردم؟

صوتوق واستخفافکار، قلبی بر آل غبجیقلا یور و محکومیه ک ابدیتی تکرار ایدیور. ایشت بونک ایچین استانبوله کلمه بیله نه

جسارتم ، نه آرزوم وار ! خایر ، اجرا ایتدیکم بر کنهه ایچین بنی
و چوجوغمی تلغین ایده جک ، حیاتی زهرلیه جک . بو محیطدن
قاجیورم . کیسه نره یه کیتدی کمی بیاسیه جک . حیاتم بو زواللی
چوجوغی باشقه بر محیطده بویوتمه صرف ایدیه جک . اوکا ،
بویودیکی زمان هر شیئی سویلیه جکم . فقط بو محیط ، حیاتی
اشکنجه یه محکوم ایدن بو محیط بنی بر داها کورمیه جک . بوملکت
ایچین بر سر ، بر معما اولوب کیده جکم . آرقه مدن نه بر دامله کوز
یاشی ، نه بر اسف ... بو قدر سودیکم بوملکتک سوکیلی
چوجوقلری ایدیاً بنی تلغین و تحقیر ایده جکلر .

آرقه مده بر اقدقلر مدن یکانه معصومیتمی بیان ، فقط اثباته مقتدر
اولامیان سزسکز . سزه بو مکتوبی نیچین یازدیغمی شیعمدی ایضاح
ایده جکم . فقط رجا ایدرم صائمیه کوستر میگز . چونکه بوتون
فاملیانک اینادینگی بو افترایه صائمیکده اینامش اولمق احتمالی وار .
و اوکا بیله کنیدی مدافعه ایتمکدن امتناع ایدیورم ؛ فقط اونیده
عفو ایدیورم . باقیگز بویکانه قارده شک حیاتی الکیزده اولدیغی
دوشونمک بنی بر آز متسلی ایدیور . شیعمدی بو مکتوبده سزه
یازمقدن فضله بر شیئه عزت نفس متحمل ده کل ، فقط بر کون
صائمیکده - اکر وارسه - بکا قارش قلمبده کی زهرلرک ایدیکنی
حس ایتک ایستردم .

سزه یازیورم ، چونکه بنی عمر مده یکانه آکلایان سزدیکز .
و منزله هیچ یاشامایم حالده اون اوچ سنه برابر یاشادیغم آدمدن
داها ای بنی طانیدیکز . و بویله بر حرکتک بندن هیچ بروجهله

صادر اولماياجفنه ايمانكيز وار ، ده گملي ؟ ايشته سياه روحده يكانه
منور نقطه شيمدي بو ! هر كس بني ملوث و سياه بيلير كن سزك بني
معصوم و پاك حس ايمه كزدر . بر كون ده قيزم بني بويله طانياجق .
سزده برده صوك بر رجام وار : بوني اولان بر قادينك صوك
آرزوسي ديهه تلقى ايديكيز ، اولمازمي ؟ سز شيمدي حياتمه بويله
تميزلتمز بر لكه نك ، بني ابدى بر منقايه يوللايان فلاكتك مسيبي
اولمقاه متاذي و مضطربسكيز . ايستيورم كه اسسم سزك ايچين بر عذاب ،
بر اسف اولماسين ! سزي اك چوق آكلامش ، سزه اك چوق
آكلامش ، سزه اك چوق اينامش بر روح ديهه بني دوشونيكيز ،
او قادار .

امين اولكيز كه باشقه محيطلره سوروكلنهوك حياتمي ياشامنه بكا
جسارت ويرن سائقلردن بري قيزم ايسه ديكرى سزسكيز . تاريخ
بني سزك كناهكيز اولارق كوستردجك ، فقط سز بني اوزاق
افقلردن مسعوديتكيزي ، مساعيكيزي تعقيب ايدجك - زمانله روحنك
صمدانيته عصيانى كچرسه - ايلك دعاسي سزك ايچين سماواته يوكساهجك
بر دوست ديهه تخطر ايديكيز . بو قدرى سزه يتيشمزمي ؟

طربزون ؛ ۴ نيسان ۱۳۱۵

نرمين ماجد

بورغاز ؛ ۷ ميس ۱۳۲۶

عشق فسانه‌لری

عشق فسانه‌لری

۱

بابیونیانك آصمه باغچه‌لری بنم ایچین انشا ایدلمشدی . بن بخت
نصرك سوکیلیسی « آشتارت » ایدم . اسمنی طاشیدیغم الهه قدر
کوزه‌لدم ؛ اونك کبی بوتون ارکک روح‌لرینی صید ایدن ایپکدن
براغ‌گیردم . اتکلر مه بر کره باشی قویان یچاره‌لر نرمین ایپک تللر
ایچنده محو اولورلر ؛ چابالادجه باغلانیر ، بوغولورلردی . اک اوفاق
امرمله ، اک اهمیتسز اشارتمله قانلر دره کبی آقار ؛ انسانلر قویون کبی
بوغازلانیر ؛ اک بیوک بر مملکت آرزولرمک شکل ولوتنی آلیر و بوتون
بردنیایه حکم ایدن بر تاجدار معظم بیاض آیاقلرمک آلتنده اک زبون
وعاجز بر اسیر کبی سورونوردی .

فقط بن ینه منسون ده‌کلدم ؛ خاییر ! ییلدیزلری یاتاق او طه‌مه
عادی بررقان‌دیل کبی یاقسه‌لر ، کونش بوتون آتشیاه سرایمی ایصیتسه ،

ارض سودیکم چیچکلره بورونمش خصوصی باغچه‌م اولسه کوزمده یوقدی .

چونکه روحده برنقطه ، اک درین و حاکم بر نقطه بوشدی .
اونی نه شمشعه دارات ، نه بوتون انسانلرک عبودیت و قانلری ، نه ده
بوتون اجرامیله سماوات دولدورامیوردی . چونکه اونقطه موجودیتک
اک اینجه ذراتنه قدر سکونت و حظ کتیره‌جک بر وارلق ، برأش
بکلیوردی .

برکون باغچه‌مک اک مزهر ، اک رنگین چیچک بولوطلرینک
معطر قوجاقلرنده یاتارکن ارض فلسطیندن مظفراً عودت ایدن
عسکرلرک آوازه‌لرینی وسلاحلرینک بابلونیایی چاک چاک ایدن
شاقیرتیلرینی دویدم . شیمدی آياغمک آلتنده نه قدر اسیر آتشلره
یاناجق ، نه قدرینک کوزلری ده‌لینه‌جک ، نه قدرینک دیری دیری
دریسی صویولاجقدی ؛ نه اشکنجه‌لر ، نه اضطرابلر ونه آجیلر ترنم
ایدن فریادلرله قان‌دره‌لری فیشقیرارق هم آهنگ آقاجقلاردی ؛ بوتون
باغچه‌مک سوهرک یتیشدیردیکم آل کلینجک تارلالرندن داها آل ،
داها آتشین بررنکله روی‌زمین ییقاناجق ، بویاناجقدی !

بلکه‌ده بخت نصر کلوب بکایکی اشکنجه‌لر صوراجقدی .
معبدلرنده ، حیاتلرنده ، آتشلرنده اشکنجه‌یه طایینان بوظالم و خونخوار
قوم بلکه‌ده بنی‌کندیلرینه دویدوردیغم اشکنجه‌لرایچین سوهرلردی .
بوتون عالمه برآله کبی اولوم و قان صاچان بخت نصر بیله اشکنجه‌سنی
کلیر ، بندن آلیردی . عالم اوزرنده ، انسانلرک حیاتی اوزرنده مطلق
بر حکمه حکم سورهن بو حکمدارک بوغازلادینی تبعه‌سی کبی

بوغازلاندیغی آنلر واردی . نه قدر زمان ، بلا سبب اونك متوج باشی
قاپمك او كنده مرمرلره ووردورارق ساعتلرجه یارالانمش برارسلان
كی كو كره تمش ، ايكلتمشدم !

او کیجه سمایی تقلید ایدن سیاه طاوانك کوموش ، ضیاعدار
ییلدیزلرینی سیر ایدرکن بخت نصرك کلا دیکنی دویدم . یاواش یاواش
سلاحلرینی اوطه قاپیسنه براقدی ، برییلان کی سورونه رك بكا
دوغرو کلدی :

— « آشتارت ، دیدی . فلسطینده هر شیئی ضبط ایتدم ، ملکیتی
باشدن باشه یاقدم ، ییقدم . فقط اوراده تك بر روحی ضبط ایدمه مدم .
اوده عسکرلرك باشنده کی سرسری یه بکزه یین بر آدم ، کوزلری
اولومك هر شکله کولن ، شجیع بر روح ! بن اونی ضبط ایدمه مه مک
اصلاً تحمل ایتم ! قارشیمده تماا کندینه مالک اولان بو آدمك
کوزلرنده مطلق قورقو کورمك ایسترم . سویله ، اونی ناصل ایجه
براشکنجه ایله تیتره تیم . »

— « یارین اونی حضورمه کتیر سینلر . بن یاپاجغمی بیلیرم . »

دیدم .

ایرتسی کون « آلتون کونش » دیوان اوطه سنه کیتدم . طاوانی ،
اوزرینه کونشك شکلی حك ایدلمش مرصع آلتون بر پارچه ایدی ،
دیوارلری ایله زمینی زرذی قدرتك صاری آتشیله یانیوردی ؛ بن
صاری ساچلرمی آلتون بر فیله یه ، صاریشین وجودمی آلتون بر آغه
صارارق بو آلتون اوطه نك ایچنده ارضك برداها کوره میه جکی دبده
واحتشامله کوزه لاشدم . اك ایجه ، اك بویوك صنعتکارلرك ایشله دیکی

آلتون تختم اوزرنده بکله دم . قاپینک مرصع آلتون تلارله ایشلنمش
پرده سنی سیاه برأل قالدیردی ، برآن صوکره بنی اسرائیلک بخت
نصردن قورقمايان چوجوغی کیردی .

فقط بن قدرت حسنمدن او قدر امیندم که ! کونشاره ، معبدلره ،
معبودلره سجده ایتیم بن اک سرکش روحار کوزه لاکمک قارشینده
یرلره قاپانیر ، طاپینیردی .

بر حیوان دریسنه صاریلش ، قوللری ، باجاقلرینک بر قسمی
کشاده ، اوموزینه یوگدن اورمه بر عبا آتیلش بر آدم ایچری
کیردی . اورته دن یوکسک ، متناسب وجودی بابیه نیا قهرمانلرینک
سیاه قوردونار کبی عضلاتی قاباران قارقوللرینه بکیزه مه مکه برابر ،
بوتون وجودینک بیاض ، دوز سطحنده ساکت ومطمئن بر
قدرت حس ایدیلیوردی . بر آزیانمش ، بیاض ، اوزون چهره سی
شیمدی به قدر تخیل بیله ایده مدیکم بر روحانیتله چککسینه دوغرو
ایجه لنیور ، اوموزلرنده قیزیلتیلی ، زنکین صاری صاچلری
دالغالانیور ، کوزلرنده ده کیزلرک وسهالرک یشیل ومائی آتاتی
روحنک اغیر کولکله ریله مزج ایتش برضیای زنکین او قدر سنه لر ،
او قدر حیات آراسنده نفوذ ایدیله یین بوش نقطه روحه آقوب
دولویوردی .

نه شمشعه دارات ، نه بوتون انسانلرک عبودیت وقانلری ، نه ده
بوتون اجرامیه سماواتک دولدورامادینی روح شیمدی بوتون
وارلغمک انسا جنه اورولن بر نورله بنی آیدینلاتدی . آرتق نه شمشعه
دارات نه انسانلرک عبودیت وقانلری ، نه ده بوتون اجرامیه سماوات

واردی ؛ هرشی روحك ، حسمك كائناتندن سيلينمشدی ؛ براونك
 كوزلرندن آقان ضیا ، برده بئم روحده قاباران سعادت مطلقه واردی .
 تختمدن ایندم . اونك ثابت و ضیادار كوزلرینه دوغرو دیزلرمك
 اوستنده كیتدم . باشمدن آلتون فیله‌یی فیلا تدم ، یرلره دوشن آلتون
 صاحلرمله اونك تا ارض فلسطیندن بری طاشلر اوزرنده یاریلارق
 یورون آیاقلرینی صاردم .

— « سنده بئم نهایتسز زماندنبری بوش و سنی بکله‌ین روحی
 اوپله‌جه عشقك آلتون تلرله صار ! » دیدم .

بر زمان جواب ویرمدی ، قونوشدیغی وقت سسندده هنوز وارلغندن
 خبردار اولدیغم برمعبودك معظم ونجایتبخش رحمتی ایکه یوردی .

— « قادین ، دیدی . « یاخووا » سنك روحك نهایت خطاب
 ایتدی ، سنده بنی اسرائیلك جانلرینی قورتارارق مقابله‌ایت ! »
 باشمی قالدیردم ، روحده ، یکی کلن ، برانقیاد مطلقه :

— « پکی ، دیدم ، فقط بکا برنظر ، اوافق برنوازش ویرمن .
 میسك ؟ سنی نه قدر ، نه قدر زماندنبری بکله‌دم . »

اوزون ، یوموشاق آلرینی باشمه اوزاتدی ؛ فقط اوآنده
 بخت نصر كوزلرندن آله‌ولر صاحارق ایچری آتیلدی .

— « بوسرسری بی کندیکه عاشق ایتك ایچینمی حضوركه
 چاغیردك ؟ قالدیرك . » دییه کوکرمدی .

اووقت حس ایتدم که آرتق انسانلر اوزرینه جاری اولان بوتون
 فسونم ، بوتون طلسم بیتمشدی ؛ وانسانلرده اوینایابیلوب متقاد

ایتدیکم جاناوارلق قارشیسنده عاجز قالمشدم ، بخت نصرک صوک
 امری اوزماندن خاطرمدہ قالان صوک شیدی :
 — « آشتارنی صاحبزندن آصمه باغچہیہ آسیکز ، اولاد
 اسراییلی اونک کوزلری آلتندہ بوغازلاییکز ! »

۲۴ تشرین اول ، ۱۳۲۶

هندستانك اڭ كوزل رقاصه سیدم . كوچوك وجودم سیلان
 انجیلرینك قرەم ، یوموشاق دونو قلغی ایله اسمردی ؛ اڭ كوچوك
 وضع هند قاپلانلرینك خیانتكار ، سیال حرکتلرندن دها
 فسونكاردی ؛ عضله اڭ زهرناك ، فقط اڭ دلنشین چورینتیلرله
 قیوریلان ییلانلر کی دالغالانیردی . حرکتك شعرینی بوتون بدایعیله
 و - دنده جمع ایتیش بر مخلوقدم . چیپلاق آیاقلرمك هر اوچوشنی
 نغمه لریله تعقیب ایدن آیاقلرمده کی خلیخاللر ، بعضاً چالاک آجیلان
 قوللرمده کی بیله زیکلر وجودمك بوتون آهنگ رقصنه ، نغمه کار
 ومترنم ، اشتراك ایدرلردی . ارضك بوتون عشقی ، طبیعتك بوتون
 کوزمللکلری كوچوك وجودمك رقصنده اناشنیده ، اڭ اولدوروجی ،
 اڭ پر حیات اوضاعیله تیتەر ، یشاردی ،

صوکره او قدر کوزمل بر باشم واردی که ! اڭ كوچوك عضله سنك
 اڭ خرده حرکتنده شعر و آهنگ یاشاتان اسمر وجودمه قوجاق
 قوجاق سیاه ، جانلی ایپکلر صاچاردی . باصیق آلمك آلتنده ، یاز

آقشاملری اورمانلرک قویتو ، نفتی کوللرینه اشریله صو ایچمکه اینن
غزاللرک نمناک ، بویوک ، قدیفه کوزلری پارلاردی . اکهارمملکتده
آچا بیلن اک قویو قیرمیزی برقارانفیل کبی آچیلان دوداقلرمک
آراسنده اک مجلا ، منتظم بیاض دیشلرم واردی .

بوتون هند بنی بررقص الهمسی کبی تجیل ایدردی . اک ، بویوک
راجاللرک حضورنده اوینامشدم . آووج آووج اوزرمه آتیلان
اینجیلر ، یاقوتلر ، پیرلانطه لر آرتق رقص ایدرکن وجودمی اورتن
توللری ایشله یه بیله جک قدر مبدولدی .

فقط بنینه ممنون ده کلدم . روحده نه بوقدر کوزهل وجودمک ،
نه ده بوقدر فسونکار ، صیجاق مملکتک ایصیتامادیغی بارد بر نقطه
واردی . اورمانلرده فیللرک ، ییلانلرک ، کر کدنلرک ، تمساحلرک ،
غزاللرک ، گه ییکلرک ارضک قیزغین آتشدن جداللرینی اونوتدقلری
جهنمی کونلرده بیله اونقطه بارد ایدی .

بوتون ارض آله ولر صاچان حرارتی ، بوتون سما صاری نفسی
ذیروحلری بایلتان بواسرارانکیز مملکتده اوفرکن بنینه اوشوردم .
چونکه قادین روحلرینک یکانه کونشی ، عشق ، روحه دوغمامشدی .
چونکه قادین روحلرینک مظلم قضا سنی آیدینلاتاجق سوکیلی نظر
ییلدیزلری هنوز قارا بولوطلر آرقه سنده ایدی .

بر کون « ویشنو » یه روحک قارانلغنی ، برودتی سویله مک
واوندن ضیا و آتشی تمی ایتمک ایچین معبده کیرمشدم . معبدک لوش
درینلکلرندن ، اینجه وجودی ، ایکی سیاه آتش کبی پارلایان کوزلریله
یکی بر وارلغک بکا دوغروکلدیکنی کوردم . قیافتی مقدس بر برهمن

اولدیغنی سویلیوردی . فقط کوزلری سیاهی ، آله‌ولری سیاه ارلان
 مدھش برر آتشدی . او آندہ اونک مظلوم ، نمناک روح منفذلرندن
 روحک بارد نقطه‌سنہ بر کونش ، عشق کونشی دوغدی ، واو آندہ
 ارضک ، بو جهنمی اقلیم ایله بیله بنجه ایصینامایان ذراتی طوتوشدی .
 سما ییلدیزلری ، قضا اوزاققلری ، ارض اورمانلری ، ذیروحلری
 و بوتون معظم صو و طوپراقلریله یاندی ذره‌سی بیله برصوئوماق اوزره
 عشقک کونشیله . یاندم . آرتق هرشی ، عالم و بن یاشا بر آتشدن
 باشقه برشی دکلک .

فقط او، روحندن کوندردیکی برشراره ایله عالمی یاقدقدن صو کره
 روحنک منفذلرینی وقور کوزقاپاقلریله اورتدی ؛ چیقدی ، کیتدی .
 اوزون ویاقبجی یاز کیجه لرندہ ارضک صیجاق سینہ‌سنده بن‌ده
 آرتق خموم و آتشناک یاشاردم ؛ اونک سینہ‌سی ، بوتون آغاچلریله ،
 کوللریله و عجیب مخلوقلریله عشقی چاغیرارق ضربان ایدرکن بن‌ده
 موجودیتک هر تنفسیله ، هر آن حیاتیله اونکله هم آهنگ یاشاردم .
 آرتق هر کون معبدک قایسنده اوندن برنظر دیلنهرک سورونیوردم .
 فقط او اصلا، اصلا بکاباقیوردی . اونک بوتون کائناتی عشق کونشیله
 سوزان و فروزان ایدن بر نظرینک یاننده الک مستشاقیزیلقلرله پارلایان
 یاقوتلر، الک خیانتکار یشیل نظرلرله یانان زمردلر، کوزلری و کوللری
 قاماشدیران انجیلر و پیرلانطلر هی صوئوق ، رنکسز و جانسزدی .
 اونلری برر برر « ویشنو » یه کوتوردم اونک قلبندن بکا بر ذره
 آتش و یرمه‌سی ایچین سرایلر و قلبلر صاتین آلان بوشیلرک هیسینی

الّٰهك آياقلىرى آلتنه سرېدم ، فدا ايتدم . فقط نه بر نظر ، نه بر نوازش ! . . .

حرارتك دنيايى قاووردى ، طوپراقلىر صوسزلقدن چاتلامش برر برر آچيلمغه ، پيريلدامغه باشلامشردى . اوزاقدن اورمانك بويوك مخلوقلىرى خوموردايور ، ايكله يوردى . معبدك اوچ آرشون اوتە-سندن بويوك بر بو آيىلانى قيوريلار قچدى ، كيتدى . آي ، صارى بر معدن لوحه كې سياه داملك اوستندن چيقاركن اونك آياق سسلرينى ايشيتدم . معبدك قاپيسنه كلنجە ايلريلەدم ؛ بنماه كلينى سويلەدم . او ، بر آن متردد ، اطرافنه باقىندى ، صوكرە بودار سوقاقدن قوروميدانلغە وداها اوتەدە اورمانك مظلم ، معظم آغاچ خطنه دوغرى ايلرلەين ايشينى تعقيب ايدەرك يورودى . شيمدى اطرافندە هر كس ، هر شى بايغين صوصممشدى . .

ميدانلقده او ، معظم بر آغاچه داياندى ، طوردى .
— « قادين ، سويله ! ديدى ، تولار ، زينتلر . . . »
روحى صيد ايدن بر كناه فسون وجاذبه سيله قلىمى چاغرييورسك ، كوزلر كدن نامتناهى حس وعشق نورلى روحك هيچ بر لذت ايله كيرلنمەش پاك ونزیه دريندكلىرينه داليور ، واوراده كنديمده وارلغنى انكار ايتديكم بشرى آرزولرى تنوير ايدنيور . بندن نه ايستيورسك ؟
آي شيمدى اورمانك سياه خطى اوزرينه دوغرو آقوب كيدركن باشمرك اوستندە الّٰهرك عشقمزى تنوير اچين ياقدينى آلتون فنارمىش كې روحانى ضيا سيله اطرافمىزى ييقايوردى . بن جواب ويرمدم . آيك نوري آلتندە صاريتمراق ، شفاف بر شعاع پرفسون

ایله تیره نین تولار ایچنده اوکا اک اوزون ومهارتکار رقصمه عشقمی
سویلیوردم .

شیمدی قوللرم، کوزمل وجودم ضیادار اورتولرمله برابر روحم ده
اوکا اک بلیغ واک آهنگدار تجلیاتیه رقص ایدیوردی . بن بوواسع
میدانک صاری ویالکیز ضیاسنده آیک بر پارچه سی ، بیاض بر پریمی
کبی روحک بوتون آلامی ، بوتون اذواقنی اوضاعمک اشعاریه افاده
ایدرکن اونک ده سیاه کوزلرینک تابشیه بکا دوغرو آقوب کلدیکنی
حس ایتدم ، داها یقین ، داها یقین ...

فقط تام بو آنده درین بر خومورقی ، تهدید آمیز نهایتسز بر
خیرلتی ایشتم ؛ دوندم .

شیمدی چیلاق آیقلری ، سیاه چهره لری ومخوف کوزلریله بر
سورو خلقک بزه دوغرو کلدیکنی کورددم . هر آن داها مخوف
وتهدیدکار سسلرله ، داها غضوب نظرلرله یاقلاشدیلار . کیجه نک
کوموش رنکلی سکوتنده قودورمش بر سس حایقیردی :

— « مقدس بر آدمی باشدن چیقاردی ، او ، بر جادی بر
روح منحوسدر . آلیکز اونک کناهلرینی آتشد یاقالم . »

یانیه ؛ ۸ کانون اول ، ۱۳۴۶



اجزاسی ۵۰ مجلدی ۷۵ غروش

۳۰	داغه چیقان قورد	خالده ادیب خانم
۶۰	آتشدن کوملک	»
۲۵	رائقك آننه سی	»
۷۵	خندان	»
۵۰	یکی توران	»
۵۰	خراب معبدلر	»
۵۰	سویه طالب	»
۷۵	صوك اثری	»



۱۵	منور	کزیده صبری خانم
۵۰	أولمش برقادینك اوراق متروکه سی	»
۵۰	ندرت	»
۵۰	بیان کلی	»



۵۰	سیسلی کیجه لر	خالده نصرت خانم
۲۵	خانم مکتوبلری	»



۵۰	آزاده [پیه ر لوتی دن ترجمه در]	خندان لطفی خانم
----	----------------------------------	-----------------

DATE DUE

To renew
call 292-3900

MAIN STACKS

